


VAKUWAVISA VAKU

LWOLA LWA KUMAKUMISHILO

 Chimene, lizavu. Echenu tuhanjike kuli Mwata wetu jino.

² Kalunga Wamunene, Tengi wa melu na mavu, Ou mu Ukalunga wenyi natwinyikila etu lwola luno chimene chino, chakulifukula kuli Ove. Kaha etu, Mwata, mukachi kamichima yetu kulyecha etuvavene mwošana kupunga Yove ya Ukalunga Ukalunga na kuzata cha Shipilitu Wajila muli etu, kuneha chize Yove unatondo etu kutachikiza. Kufwila chetu kupwa vaka Kulishitu vamwaza na vaka kukwimanyinako vamwaza va Yove. Echa Yove utuhane etu echi chimene chino, nge omu tuli nakuvandamina hali Ove, mu Lijina Iya Yesu Kulishitu. Amena.

³ Twamenu. [Umwe ngwenyi, “Fumisenu mahina akulombelela?”—Muka.] Eyo. Etu tuna wahilila kupwa hano chimene echi cheka, mu—mu kutanga cha Mwangana wamunene. Kaha vatukonekeleko, etu, cheka, ngachize etu katweshi na kapeka kavatu, oloze etu tuli kaha... Etu natweseka nakulinga mwošana natuhashila, kuhita mukukaluhwa chosena.

⁴ Jino, vavavulu vali natumahina na vyakutonda vanahake hano vavilombelele. Kaha Yami ngulinakuvihaka kusali yimwe; keshi nge Yami ngunaviliulako, oloze na Nangukavalombelela hanyima... Ngwa... zanga kaha ufuku uno, Ngwafukula chimene echi, kaha jino ufuku cheka, omwo, Jinonyi na Ngukalomba na kuvandamina hali Shipilitu ya Kalunga ha kukuka. Kaha chize omwo Ngwazanga kulombelela hali—tuzetumahina na vyuma vimwe.

⁵ Kaha hali vyakutonda vya kulimanyina, Billy ava hanyine, vatu vosena, kuli yami. Kuli nge makulukanji atatu, kaha Yami, ngwaselele kaha tupeka jinonyi. Ove wamono, Yami nguli kaha navikumbata jinonyi mulumbushi, kaha vosena, ngachize Ngwakutonda kuheta ku. Kaha Yami nanguya kuli vakiko jinonyi washiwashi nge omu Nanguhashila. Kangweshi kuhasa kumbata vosenako. Jinonyi hetenu mu, ngwatela kumbata umwe, ngwenyi, “Mwata, chinahase kupwa nge umwe *echi*, kaha nakupwa nge umwe *echi*?” Jinonyi ngachize, mwomwo vapwa, vosena, natondeka, kutonda chivene; vyuma vimwe, chakuzeneka kukakasana, ngachize etu twatela kuhanjika hamwe hali chize. Kaha Ngwa... Kukeha, munatachikiza, lwolalumwe uze Shipilitu Wajila nahase ngwenyi umwe Ngwatangile, chize chatwama hamuchima wami; Nanguya cheka hanyima, kaha kuhangasana kuhichila muze palanga

nomu Nanguchiwana chize. Olozenyi, vambatenu kaha nge tusendo.

⁶ Jino, etu nawa twatondo kwamba, chimene echi, na kumeneka vaze vali kuweluka wa vihanda vya lifuchi. Etu twakutonda kumeneka tusendo chimene echi mujila ya telefoni, ku Mbongi ya New York; Beaumont, Texas; Prescott, Arizona; Tucson, Arizona; San Jose, California; Connecticut; Gainesville, Georgia; na New Albany, Indiana; kulifuchi kwosena. Etu tuli nakumimeneka mu Lijina lya Mwata Yesu.

⁷ Echi chimene, mu Indiana, chili chimene chamwaza. Etu twapwanga navula ufuku wazau chanehanga chikekeshi. Kaha etu twapwa...Ize mbalaka yazale, kaha vosena vali nakuvandamina, nakuzazata chosena, chaha kutanga cha shikola yaha Sondo. Kaha Ngwafwelela ngachize luheto lwa kisu ya Kalunga naukapwa hali enu kuze.

⁸ Kaha etu tuna talilila, nge chinahashiwa washi, kupanga—jila ize etu tunahase, kuze etu tunahase kulineha tuvisena hamwe, pamo mu tende yimwe, kuze Ngulinakwivwa vene waktwaminyina kunangula hali evi Viloso Vitanu navivali vya mu Mbimbilinya.

⁹ Shikaho jino, shikaho etu tuzeneke kushimbula hakulinagula chachinene chimene echi...Ngwamuhulanga Mwata, kushinganyeka, “Chuma muka Nangukahanjika?” kutachikiza nge pamo echi chikiko kutanga chamakumishilo tunahase kupwa nacho. Chize Kwiza cha Mwata chili hakamwihi!

¹⁰ Ngwamono, hanyima yachize kutahisa chapwileko mu California, kuze kwtama mazuvo kuze, na vihela, jili nakushikumuka seti nyichezi mu ola yimwe, mapulanga kupulijeka na kuhokojoka. Kaha vanahono nakutachikiza chize chili nakulingisa echi. Etu tuli kumakumishilo. Membo akuheta kuji ndola handulendi sauzande, ali nakushikumuka. Ngukweshi mutwe wachihande mulipapilo lya mijimbu, navifwanyisa, chize Ngunakutonda kuneha ufuku uno, nge omu Nguli tonda kuhanjika hachuma chimwe hali uze ufuku.

¹¹ Kaha, jino, ufuku uno etu tuli nakulomba chavakuviza. Twayenu chingoloshi echi, faifi, sekisi kuloku, chipwe hakala shimbu. Etu natulivanga kuputuka, Nguna mono, mangana vathu vakalivange kuya, na kutambula jikati jenu jakulombelela. Kaha etu natulombelela vakakuviza ufuku uno, nge Mwata nachitavila.

¹² Jino, hanyima ya kulomba cha kushinganyeka, “Chuma muka Nangulinga?” kutachikiza likumbi limwe Nangukakumbulula havyose Nangwamba hano...Kaha Nguna jinyi, chipwe kuvwa waktwaminyina kuli kuli Shipilitu Wajila kuhanjika chimene ha upolofweto, mangana atulweke etu. Talenu? Chili chuma chimwe chize etu...Kachi

kavatulwekeleko, kaha chuma nachisoloka nge mu usendo, etu twatela kutachikiza echi. Uze Shipilitu Wajila natuhane etu echi, kuhuhumuna vathu ha kwiza. Enu munatachikiza, ize Mbimbiliya ngwayo, chize, “Kalunga keshi kukalinga chumako kuvangila Ikiye mwavasolwelacho vangamba Jenyi, va polofweto.” Kaha—kaha omu Yesu ahuhumwine vathu, chize nachisoloka; omu tupolofweto vahuhumwine vaze vathu, chize nachikasoloka. Kaha chatela kuli yetu jino, mulwola lwalunene luno etu tuli nakuyoyela, kumona chisemunuino muka etu tuli nakuyoyela, kaha chuma muka china-. . . chuma muka nachikasoloka muchisemunwino echi. Shikaho mwitwe yavihande vimwe vyaungeji nge evi vinasolokanga vize etu tuna tangenga jilwola jajivulu, echi chaholokelanga ha muchima wami ku—ku kuli vathu hachuma echi chimene chino.

¹³ Jino echenu tuvosena tufukunune Mbimbiliya yethu ku Mateu kapetulu 24, kaha nakutanga chihanda cha Lizu [Ndumbu walunga Branham kulikukumuna hamuliwu—Muka.] (Nguhilwishileho.) nge jila ya—chuma chakuputukilaho mutwe wachihande.

¹⁴ Jino, anukenu tuli nakuya nakulilongesa nge shikola ya Mbimbiliya, chindende chindende. Mbatenu jisonেকেسو jenu na mapapilo. Nguli navi Soneka vya kusoneka vyavivulu hano, chize—chize enu munahase kusoneka evi. Kahajino yenu kwimbo nakulinangula havikiko, mwomwo echi chili kaha nge shikola yaha Sondo, ize tunahase etu pamo kutachikiza, kaha nakulihuhumuna na kulilongesa ha jiola jize muola tuli nakuyoyela lamo.

¹⁵ Mu Mukanda wa Mukakujila Mateu, [Ndumbu walunga Branham kulikukumuna—Muka.] (Nguhilwishileho.) Vase 24 Chipwe, kapetulu 24, chipwetuthu, kuputukila ha vase 15, Ngwakutonda kutanga chihanda cha Lizu Lyenyi.

Shikaho omu namukamona chize chakwivwisa unyengwe chakulingisako kupwa kwahwilichi, chize varulukile muli kapolofweta Ndanyele, kuchimona kwimana muze mwajila, (ou mwatanga, chimulumbunukile:)

Haze vene vaze vali mu Yuleya vakachinyine kujipili:

Uze ali helu lyazuvo—lyazuvo kanda akasulukahoko ambate vyuma vili muzuvo yenyiko:

Kaha uze ali kuwande kanda akakinduluka munyima akambate chikuto chenji.

Oloze mama lelo hali vaze vali namajimo, nahali vaze vali nakwamwisa vana hamakumbi aze!

Lombenunga mangana kuchina chenu chizeneke kupwa hamwaka wachishika, chipwe ha likumbi lya sambata:

Mwomwo haze na hakapwa lunyando lwalunene, kanda kusoloke lyehi lunyando lupwahaze kufumisa kukuputuka chalifuchi lyahamavu nakuneha kulikumbi lya lelo, chipwe, kulutwe nawa kakweshi kwiza kusoloka cheka luyando lweka lupwahazeko.

Kaha kachi kavakehesele makumbi azeko, kachi ukwechi mujimba naumwe pimbi mwakalilwila: oloze hali vaze vasakula vakiko vene navakavakehesela makumbi aze.

Haze vene nge muthu mwakamyamba ngwenyi, Talenu, Kulishitu ali kuno, mokomoko alikuze; kanda kumwitavako.

Mwomwo nakukalovoka vaka kulyongela Ukulishitu, navaka kulyongela upolofweto, navakalovola vinjikizo vyavinene navyuma vyakukomwesa; mangana, kachi nge chinahase, vakahungumwise chipwe ava va sakula nawa.

Iwenu, Ngunalivenge kumilwezacho.

Shikaho kachi nge navakamyamba ngwavo, Talenu, ali mupambo; kanda mukayamoko: talenu, chipwe nge ngwavo alimuzuvo yamukachi; kanda muketavako.

Mwomwo nge omu weji kuvesanga muveso hakufuma kumusamuko, kumunyika na kumulauko; ngocho muna chikapwa kwiza cha Mwana muthu.

Kweshokwo kuli chivimbi, kwakuze vene nava kungulukila makuvi . . .

¹⁶ Jino, mutwe wachihande, Ngwakutonda kumbata vase 24, kushinda kana hali enyi vase kupwa kutangisa chetu cha shikola ya ha Sondo chino chimene. Kaha iwwililenu kanawa shimbu Nguli nakuhilulukilaho kutanga, cheka.

Mwomwo nakukalovoka vaka kulyongela Ukulishitu, navaka kulyongela upolofweto, navakalovola vinjikizo vyavinene navyuma vyakukomwesa; mangana, kachi nge chinahase, nava kavahungumwise chipwe ava va sakula.

¹⁷ Jino mutwe wachihande chimene chino, chipwe hakwimanyina, chipwetuhu, Ngwakutonda kumbata: *Vakuwavisa Vaku Lwola Lwa Kumakumishilo*. Ou ukiko mutwe wachihande ou Ngwakusaka kuhanjikaho, chipwe hakwimanyina: *Vakuwavisa Vaku Lwola Lwa Kumakumishilo*.

¹⁸ Ngwafwelela ngana etu tuli nakuyoyela kuma kumishilo. Ngwashinganyeka vose vaze. . . Uze mukutanga Chisoneka, chipwetuhu nge—nge mukakufwelela, atachikiza ngana nge etu jino tuli kumakumishilo a mijimbu ya kaye. Kaha kakweshi kukapwa mulimo wakusoneka echi, mwomwo kakweshi umwe mwakau tangako. Chili kumakumishilo a lwola. Kuvanga haze,

Ngwahono kutachikiza. Tando muka nayipwaho, chipwetuhu Vangelo Mwilu kava tachikiza munyutu chipwe ola. Oloze etu vatulweka kuli Mwata Yesu, ngana, omwo vyuma evi tuli nakumona jino kwiza nakuhita, kahajino andulenu mwitwe yenu mwomwo kusokoka chenu china kupandama hakamwihi. Jino, chuma muka “kupandama hakamwihi” kulumbununa, Ngwahono kutachikiza. Pamo kulumbununa . . .

¹⁹ Nge va sayatisiti ngwavo lize kumbi, ha chizaji chamivwimbimbi, kuhanjika kuvatu hakupulika cha lifu chachinene chama sauzande amailosi kuya nakujiminyina. Ikiye vamuhulile chihula, “Echi chinahase kujimiyina?” Ngana Los Angeles, kuze Kungenge ya Kumulauko. Kaha vavavulu mwamwene omu vaukavangijile na likina lya kutala hahasuku, kukanduka na kuya nakuhita . . . kuhita kwishi ya San Jose, kuya nakuzauka kuya ku Alaska, kulovoka nakuhita ku Litungu lya Aleutian, kafwe tu handulendi mailosi kwingila muka lungalwiji, na kukinduluka mu San Diego, kuya nakujujuluka kunyima ya Los Angeles, na kwiza kuze, na kupwa namboloso yayinene.

²⁰ Kaha mindende yosena eyi etu tunapunga nayo nyinapunga kuzuma chamwishi ya mavu chachinene, nge, muze. Ngwangwshi kuhasa kuvuluka lijina ngwami vakiko—vakiko vachivulukile. Chipwetuhu ngocho, omwo na likalinyika, chikiko chize chili nakuhana enyi mindende etu tunapunga nayo mwaka eyi Kungenge ya Kumulauko. Jino mwaji unatande na kujinguluka. Kaha va sayatisiti ngwavo, umwe . . .

Uze lunga ambile kuli mukwavo, “Chize chinahase kuholokelamo?”

Ikiye ngwenyi, “Keshi ‘ngochoko,’ oloze chinahase.”

Ngwenyi, “Oloze keshi muchisemunwino chetu ko, pamonyi?”

Ngwenyi, “Mulwola lwa minyutu yitanu, chipwe mumwaka yitanu halutwe. Etu tunahono kutachikiza lwolamuka.”

²¹ Mulungu uno, vangutuminyinyine papilo namutwe wachihande, membo akuheta ku mandola handulendi na sauzande kupulijeka na kupulijeka, vathu kututuka. Kaha vanahono mwakuchikanyishila. Kuze kakweshi jila ya kuchikanyishila. Talenu, Kalunga nahase kulinga chosena ocho Ikiye na tondo kulinga, kaha kakweshi muthu umwe mwahasa kumulweka Ikiye mwakulingila.

²² Enu mweji kutunga membo, enu munahase kupanga vyuma vyama sayatisiti, kaha Kalunga ikiye Tengi ya sayasi. Kaha namuhasa ngachilili mwakukanyishila Ikiye? Ikiye nahase kwenyeka kaye chinochimene nava jiji kachi Ikiye natando ngocho. Enu munahase kutachikiza, Ikiye mwahasa kuhanjika va jiji navapwako, kaha vanahase kupwa mukukunama fwote miyilosi muchimbwa cha jiola, talenu, kwauchi numba . . . kaha

vanahase kulya vathu vosena. Ikiye apwa Kalunga. Ikiye eji kulinganga mwaya muchima Wenyi. Ikiye apwa wakulimanyina, muli Ivene.

²³ Jino, kumona kulumbama cha ujiho, ngana nge ola kana etu tuli jino tuli nakuyoyela, Ngwashinganyeka chili chuma chamwaza kuhituluka muvyuma evi na kuvifumisamo, hakupwa Tutachikijilo vanatusokolola lyehi, kaha nakuwana muchano wavyuma evi, nge omu Kalunga napunga wakulihana kuli etu, na likoiji Lyenyi, mangana kutujimbwila etu vyuma evi.

²⁴ Ngwakutonda enu katalishisa hano mu Mateu 24, Yesu azachishile hanjikiso “Vakakulishitu,” V-a-k-a-k-u-l-i-s-h-i-t-u, “Vakakulishitu.” Keshi Kulishitu, oloze “Vakakulishitu,” mukuvula, keshi umwe. “Vakakulishitu.” Shikangaho, lizu lyakuvuluka *Kulishitu* lya lumbunukila “uze Umwe wakuwavisa.” Kaha jinonyi kachi chili “wakuwavisa,” uze kakweshi kapwa umwe kahako, oloze vavavulu, vakuwavisa, “vaze vamwe vakuwavisa.” Talenu?

²⁵ Mujila ikwavo, kachi Ikiye atondele kuchivatula hatoma to mangana etu chipwe kuhona kuchiwvishisa kanawa, Ikiye kachi ngwenyi, “Muma kumbi akumakumishilo kuze naku katuka vakulyonga, vakakuwavisa.” Jino, chize chasoloka kupwa nge chachikalu, talenu, jize jihanjikiso ja “kuwavisa.” Oloze tachikizenu hamazu akulihata nawo, “na tupolofweto vakulyonga,” t-u-p-o-l-o-f-w-e-t-o, mukuvula.

²⁶ Jino, *umwe wakuwavisa*, uze, “umwe ali na mujimbu.” Kaha jila kaha mujimbu unahase kulovoka kuvangila kuhichila muli uze umwe ali *wakuwavisa*, kaha uze kuvanga apwenga kapolofweto, wakuwavisa, “kuze nakukakatuka kwonga, vakakunangula vakuwavisa.” Uze kapolofweto eji kunangulanga mujimbu wenyi uka. Vakakunangula vakuwavisa, oloze watu vakuwavisa na kunangula cha kwonga. Vaze vakuwavisa, “Vakakulishitu,” mukuvula; “tupolofweto,” mukuvula. Kaha kachi kuli vyuma vya ngachize nge—nge Kulishitu, umwe, kahajino ava vatela kupwa vaze “vamwe vakuwavisa,” ngachize chize upolofweto wavize vapwile na kunangula upwenga wakuhandunuka, mwomwo vakiko vapwa vaze vamwe vakuwavisa, vakuwavisa.

²⁷ Jino, echi chili kutanga cha shikola yaha Sondo, etu twakutonda ku—ku kweseka kuneha echi hatoma nakuchisolwesa, na Visoneka, keshi nge omwo muthu umwe ambile ngwenyi hali echi, oloze kutanga kaha Visoneka.

Enu munase kuhanjika, “Echi nachipwa ngachilihi? Vaze vamwe vakuwavisa . . . ? Vapwile vakiko veye?”

“Vakakulishitu,” V-a-k-a-k-u-l-i-s-h-i-t-u, vakuwavisa. “Vakakulishitu, na natupolofweto vakwonga.” Vamwe vakuwavisa, oloze tupolofweto vakwonga!

Yesu ngwenyi, ngana, “Ize vula yeji kuholokela hali muka kwoloka na hali mukuzeneka kwoloka.”

²⁸ Jino, mthuumwe ambile kuli yami ngwenyi, “Ove wafwelela nge nge kuwawvishiwa hali vase vathu kulumbununa nge kuwawvishiwa cha Shipilitu Wajila?” Eyo, mwane, Shipilitu Wajila wamwenemwene wa Kalunga hali muthu, oloze vakakwonga.

²⁹ Jino iwvililenu chikuma kaha talenu Ikiye omu ambile. “Kaha vakiko navakalovola vinjikizo na vikomwesa, nge chinahase kachi nachihungumwisa navaze va Sakula kachi echi chapwile chachashi.” Kaha vakiko vapwa vakuwavisa na Shipilitu Wajila wamwenemwene. Ngunatachikiza chinakwiwvakana kupwa uleya vene, oloze tuli nakuya nakumbata lwola na nakuchilumbuna na Lizu, ngachize ngachize kupwavene MWANAMBE MWATA, Muchano.

³⁰ Jino echenu etu tupandumune mu Mbimbiliya jetu, mu munyutu kaha, ku Mateu kapetulu 5, kaha kuputuka na vase ya—ya 45, kaha talenu jino omu tuli nakutanga katando yayindende ha Visoneka. Kaha jinonyi, hanyima yakuheta hano, mwomwoika, etu natumihana enu . . . Shikaho enu, kachi natuhona vyosena, kahajino mbatenu Mbimbiliya jenu; na—kaha nenu nawa mwahase kukatangamo hanyima yakuseza hano na kuya kwimbo, kaha—kaha enu tanganu omwo ya hanjika Mbimbiliya hali echi.

³¹ Jino kumbata lwola lwetu, kumbata nge—nge chikuku chamuchano, mwomwo yami ngulinakutunga kuhanjika chakulimanyina. Omu Shipilitu Wajila mwawavisa mukakunangula wakwonga? Oloze chize chikiko Yesu ambile ngwenyi nachikasoloka.

Jino, Mateu, kapetulu 5, vase 45, echenu tutange jino. Echenu tumbate, kuputuka nge—nge chindende hanyima yacho, ha 44.

Oloze Nangwamba kuli enu, Zangenu vakakole jenu, kisulenu vase nava myangula, lingenu mwamwaza kuli vase vamijinda enu, va lombelenu vase yeji kumizachisanga mwakuhenga, na kumiyanjisa enu;

Mangana mukapwe vana va Senu uze atwama mwilu: mwomwo ikiye eji kututwisanga likumbi hali vavapi na . . . na hali vamwaza, na kutuma vula hali vakakakwoloka na . . . hali vakuzeneka kwoloka. (Ize vula yeji kwizanga hali vavapi yoyimwe na hali vamwaza.)

³² Jino kukavangiza echi, kuupolofweto ukwavo wakupanda kuli ou echenu etu tupandumune jino ku Hepelewu kapetulu 6, vase ikwavo yinakavangizaho, kuze Paulu kuneha hanyima nakuneha vishinganyeka vyovimwe vize ambile Yesu. Paulu, kuhanjika jino. Shimbu muli nakuyi hangasana . . . Kaha nenu muli mu kuzuvo yamilemba, mbatenu ji Mbimbiliya

jenu hakamwihi nenu na kachihanda kalipapilo, kaha talenu jino echi. Hepelewu, kapetulu 6, Paulu kusoneka kuli vaka Hepelewu, kuvalwekesa muvwimbimbi na vyakutalilaho, kuvafumisa mu Uyuleya kuvengisa Mukulishitu, kuvalwekesa omu vyosena vyuma vyakumyaka vyapwile kaha miwvimbimbi ya vyuma vyapwile nakwiza. Paulu kahanjika jino, Hepelewu 6.

Shikangaho kuseza kunangula chatete cha Kulishitu (K-u-l-i-s-h-i-t-u, umwe,) echenu tuyenu ku kupuka; keshi kwala cheka chikuku chakwalumuka nakupihilila...kuwilinga vyakufwa, na lufwelelo lwakutwala kuli Kalunga.

Vya...kunangula cha malujimikiko, na kunangika mavoko, na kusanguka chavafu, chakusopesa chahya myaka.

Kaha echi chikiko etu natulinga, nge Kalunga netava.

Mwomwo chili chachikalu kuli vaze vavangilile kumunyikila, kaha vana makila kuwana wamwilu, kaha vavalingishile kupwa va kutambula kuli Shipilitu Wajila,

³³ Ngwakutonda kusanyika kuliujika chenu mu munyutu kaha. Enu munatachikiza? Ize “wana,” kaha keshi “mawana, kutambula ku aze mawana mwilu”; Oloze, “uze wana wamwilu,” umwe; “Kulishitu,” umwe; “wana,” umwe.

...wana wa mwilu, na...vanalingisa kutambula kuli uze Shipilitu Wajila,

Kaha vana makila na ku...lizu lya Kalunga,... (kumakila chuma muka?)...lize lizu lya Kalunga, na ngolo ja kaye kali nakwiza,

Kachi vakiko navaka holoka, kulitungulula vavene cheka kukupihilila chakwalumuka; kutala vali kuli sukikila vavene Mwana Kalunga kamuchivali, na kumuhaka ikiye kumuvwisa sonyi hatoma.

Mwomwo, (iwvililenu) mavu...eji kunwanga kuvula yeji kwizanga hamwe na hamwe, kuneha mihako akutela kuli vaze inasokela, kutambula kukisula kufuma kuli Kalunga:

Oloze ize nayineha mingonga...namituvapoko navayikana, kaha eli hakamwihi kuyitwala kukwangula; vaze makumishilo hikuyocha.

³⁴ Jino pezelesenu na Mateu 5:24 cheka. Tachikizenu, Yesu ngwenyi vula na musana vyeji kwizanga hamavu, ngachize Kalunga eji kuyitumanga kuwahisa kulya na vyuma vimwe vya vathu vahamavu. Kaha vula vayitumina kulya, na mihako. Oloze mwila, chitanjila, kupwa muwande, veji kutambula chuma chochimwe. Ize vene vula yeji kulingisanga tiliku kukola yili yoyimwe yeji kulingisanga na chitanjila kukola.

35 Kachi Ngwapwanga nakunangula hachuma echi lwola lumwe, omwo Ngwalivangile kuli humangana na vathu navaka Pendekosita! Kaha chapwile chakulinangwilaho chachinene kuli yami. Ngwamwene malunga vavali, umwe...Kanda lyehi ngumwiwve kuhanjika mumalimi. Umwe eji kuhanjika mumalimi, mukwavo eji kulumbununa, ngocho cheka. Kaha mwambulula muchano, ngwenyi ngana, "Muno muli vavavulu vatela kwalumuka chakupihilila ufuku uno. Muli pwevo na lunga, vosena vavali." Kaha vathu nava katuka nakuya kuka menga.

Ngwashingtonyekele, "Omwo chapwa chaupahu!"

36 Kaha jinonyi nakawana kakandende ka Shipilitu Wajila, Ngwahanjikile navaze malunga, hazevene, enu munejiva omwo, in mukutanga vishinganyeka, chindende kaha kutanga nge jila yakuwanyinamo chuma. Kaha umwe apwile muka Kulishitu wa mwenemwene, kaha apwile vene ngamba ya Kulishitu, kaha mukwavo apwile muka kwonga. Kaha umwe hakachikavo, uze apwile muka kwonga, apwile nakajila kenya wapwevo wamutwe wilava, namukwavo vajikambu jakulivunga kaha apwile navana naikiye. Chamwaza, chize chapwile muze vene muchimweno; kuhasa kuchikana nduma. Kaha Ngwahanjikile kuli ikiye havuyuma evi. Ikiye atalile hali yami kaha atambukile nakujinguluka ize zuvo.

37 Jino Ngwewvile kuluwangana, mukiko vene. Ngwashingtonyekele Ngwezanga mukachi kavangelo, jinonyi Ngwalikomokela nge Kangweshi mukachi kava ndemone. Echi nachipwa ngachili ngana? Ngwakuhona kuchiwvishisa echi. Kaha myaka yayivulu Ngwafumishileho mavoko hali chize, palanga likumbi limwe kuze . . .

George Smith, kanyike uze alinakwenda na mwanami wa pwevo, twayanga hamwe zau, kuze kuchikayo chamwaka kuze Ngweji kuyanga na kulomba.

38 Kaha hanyima yakupwa kuze makumbi amavulu, Shipilitu Wajila anehele echi Chisoneka cheka kuli yami: "Mwomwo vula yeji kwizanga hamavu nakuwvika mihako, oloze mingonga na mituva poku yeji kuyoyelanga ha vula yoyimwe, awa makumishilo awo kuyiwemesa." Kuyoyela ha kasulo kakuhana kuyoya hamwe kakufuma kuli Kalunga. Kahajino Ngwewvushishile, chize, "Ha," Yesu ngwenyi, "ha mihako yavo hakiko namukavejivila."

39 Jino, shikaho, vula kuholokela ha mitondo yakulisokela hamavu, kufwayisa vula yaku Shipilitu yeji kuhananga Kuyoya Hahaya myaka, kuholokela ha Liuka, twechi kuivuluka vula yamaputukilo na vula yamakumishilo. Kaha yapwa vula, yakuhingunuka kufuma ku Shipilitu ya Kalunga, hali Liuka Lyenyi.

⁴⁰ Tachikizenu, echi chili chaungeji hano. Talenu? Omwo aze manona engilile mumavu, eyovene japwile muze, jikiko japwile vene mingonga kukuputuka. Oloze muze mwengilile na tiliku nawa mumavu, na mihako, yapwile mihako kukuputuka. Kaha muhako hi muhako watela kulilovola uvene, cheka na cheka, kusolola nge ukiko wapwileko kukuputuka.

⁴¹ “Kaha vakiko vanahase kuhungumwisa navaku Sakula kachi chahashile,” ’mwomwo vali nakutambula vula yoyimwe, kukisula chochimwe, kusolola vinjikizo vimwe, vikomwesa vimwe. Talenu? “Vakiko nava hungumwisa, chipwe navaka hungumwisa vaze vaku Sakula nge chahashile.” Jino, mungonga kaweshi kulikafwa kuhona kulovola mungonga, kaha chipwetuhu tiliku kulikafwa kuhona kupwa tiliku; muze mukiko Tengi ya chuma hichuma achijinyine ha kuputuka. Vaze vaku Sakula. Ize vula yoyimwe!

⁴² Lize likumbi lyeji kututuka na chimene na tutukila hamavu hosena, nge omu chapwa hamavu na likumbi tuli nakuyoyela. Kaha musana, musana woumwe uze una tutukila Kumututuko ukiko woumwe weji kulaukanga Kumulauko. Kaha uze musana veji kuutumanga kuhisa manona ha mavu, kuze kwafuma tungiso ya mijimba yetu.

⁴³ Etu tuli nakuyoyela ha vyuma vya kufwa. Ize ikiko kaha jila ove unahase kuyoyela. Kaha kachi vyuma vimwe vyatela kufwa mangana ove uyoye, tengeso, jinonyi echi kacheshi muchano nge yove— mujimba wove wa yoyela ha vyuma vyakufwa, mwomwo kuyoya cha tengeso, jinonyi ove watela kupwa na Chumachimwe chifwenga, kushipilitu, chilwile kuyoya chove chakushipilitu. Kaha Kalunga, ejile nakupwa vyakutengesa, musonyi, kaha afwile mangana etu tuyoye. Kuze kakwapwile liuka, chipwe chuma chimwe muli kano kaye chinahase kulwila ove shina Kalunga kaha. Chize chikiko chuma kaha veji kuyoyelanga nacho.

⁴⁴ Jino hitenu mu Visoneka. Yesu ikiye Lizu. “Ku kuputuka kwapwile Lizu. Kaha Lizu lyali lingishile kupwa wamusonyi kaha atwamine muli etu. Ku kuputuka kwapwile Lizu, kaha Lizu lyapwilenga na Kalunga hamwe. Kaha Lizu lyalilingishile kupwa wamusonyi, kaha Uze ayoyele, atwamine muli etu.” “Kaha muthu keshi kayoyela ha mbolo kahako,” mwomwo mujimba, “oloze ha Lizu lyosena lize lyakufuma mukanwa ka Kalunga.” Kahajino, munamono, etu twayoyela ha lize Lizu, kaha uze ikiye Kalunga.

⁴⁵ Jino musana weji kwizanga na kuhisa manona. Jino, kaheshi kuhasa kuhya osena hamweko. Nge omu nawatwalilaho, kuhyanga, echi nachitwalilaho kuhya palanga nomu nayiheta kukuhyia chivene.

⁴⁶ Shikaho chili chochimwe, na lelo, na Liuka. Lya putukile muukemba, kukinduluka muchisemunuino cha milima, kuze

chapwile mwishi ya mavu. China kolo jino mukukula. Kaha etu twachimono echi, mukukupuka, omu Kalunga kuhichila mutengeso lwola lwosena . . .

⁴⁷ Ove kaweshi kuluwanganyisa tengeso. Uze ukiko ukalu lelo. Etu tunapu jimbomu jakutuka, kaha muze vene mukalunga lwiji, kujihokola na kujituvu najimbomu jajinene. Enu muli kaha nakuhokwela majilo amavulu lwola lwosena, kuholokela muze. Enu muli nakuteta mitondo; tukundukundu navakamimbata. Muhakenu vijiva; meya nawahita.

⁴⁸ Enu mwatela kuwana jila ya Kalunga mwakulingila vyuma kaha nakutwama muze. Etu tunahake vathu mu chikungulwilo mumauka na mumazavu; tala evi tuli navyo! Twama mu jila atuhana Kalunga.

⁴⁹ Oloze, mwamono, “Ikiye mwatuma vula,” kukinduluka kumutwe wetu wachihande, “hali vakakwoloka na vakuzeneka kwoloka.” Yesu nakulweke ove hano, mu Mateu 24, echi nachikapwa chinjikizo kumakumishilo.

⁵⁰ Jino, kachi nge echi chinjikizo navaka chijiva shina kumakumishilo, jinonyi nachikapwa kuvanga hanyima ya kusokolola tuze Tutachikijilo. Talenu? Echi chili chinjikizo chakuma kumishilo. Chize nachikapwa, omwo vyuma evi navikasoloka, evi navikapwako kulwola lwa kumakumishilo. Kaha echi nachikapwa chinjikizo, jino, Shikaho vaze vaku sakula kaveshi kukava luwanganyisako muvyuma evi. Enu mwachimono echi? Jinonyi, echi kuvanga vanachisolola, naku chivwakanyisa.

Tachikizenu, vyose vivali na tiliku na mwila vyeji kuyoyelanga hamwe na Kuwavisa chimwe chakufuma Mwilu. Vosena vavali kuwahilila hamwe Nechi.

⁵¹ Ngunanuka echi, kuhiluka kunyima hali kuli uze ukalu walize kumbi ha Green’s Mill. Ngwa—Ngwamwene chimweno chejile. Kaha kuze kwapwile lifuchi lyalilinene, kaha lyapwile nge lyamujingulwila. Kaha kwapwile mukaku Kuva eyile nakukuva, chatete. Ngwakutonda kumilamina chize kulutwelwenu. Tala chuma muka nachipwa chatete, kahajino chuma muka nachikavaho. Kaha nge ou Lunga nachuma chitoma ejile hamavu, kukuva mbuto, kahajino munyima Yenyi mwejile lunga, nauvwalo ulava, asolokele kuli vemba, kuseunukila kunyima Yenyi, kukuva mwila. Kaha chize chalingikile, kahajino Ngwamwene jimbuto josena jivali kukulila hamwe. Kaha omu jakulile hamwe, yimwe yapwile tiliku yikwavo yapwile mwila.

⁵² Kaha kwejile changa, chizevene, chasolokele nge, vosena vavali na mwitwe yavo yakunongama kulilila vula. Kahajino kwejile liwve lyalinene hamavu, kaha ya nokele. Kaha ize tiliku yandukile na kwamba ngwenyi, “Mwata va Mwalise! Mwata va Mwalise!” Kaha uze mwila wandukile kaha watambakanyine,

“Mwata va Mwalise! Mwata va Mwalise!” Kusoloka chochimwe. Vosena vavali kunonga, vosena vapwile nakuhita. Kahajino tiliku kwiza nakupwa napwila. Kaha mwomwo yapwile muwande woumwe, mu litepa lyolimwe, mu chihela chochimwe, mwishi ya lihunda lyolimwe, muze mukiko mwejile tiliku kaha muze mukiko mwejile mingonga nawa. Tachikizenu, kuwavisa cha meya chanehele tiliku, chanehele mwila.

⁵³ Ize Shipilitu Wajila youmwe uze eji kuwavisanga Liuka, uze eji kuvahananga vakiko kufwila kulwila mwono, uze eji kuvahananga ngolo jakuzata vikomwesa, Uze eji kuholokela nahali mukakuzeneka kwoloka chochimwe nahali muka kwoloka. Uzevene Shipilitu youmwe! Jino, enu kawmweshi kumulingisa apwenga mujila yekako na kwiwvishisa Mateu 24:24. Ikiye ngwenyi, “Kuze nakuka katuka vaka kulyonga Ukulishitu,” kulyonga, vamwe vakuwavisa. Vakuwavisa na chuma chamwenene Mwene, oloze tupolofweto va kulyonga hali Echi, vakakunangula va kulyonga Echi.

⁵⁴ Chumamuka nachilingisa muthu kuzanga kupwa muka kunangula va kulyonga hachuma cha Muchano? Jino etu natuya nakuheta nakumbata lusona lwa chisuma mu minyutu yayindende, kaha namuya nakumona nachikungulwilo chenyi. Talenu? Vakakunangula va kulyonga; kulyonga, vakuwavisa. Vakulishitu va vakuwavisa, oloze vakakunangula va kulyonga. Echi chikiko kaha jila munahase enu kumona echi.

⁵⁵ Chochimwe nge hano lwola lumwe hanyima, Ngunatangenga hali echi. Ngunahase kutangaho mwomwo etu vali nakutwiwva kulifuchi lyosena. Likumbi limwe Ngwapwile nakuhanjika kuli sepa lyami umwe, kuze kuli nakufuma evi chimene chino, mu Arizona. Kaha ikiye apwile na—na wande wamihako. Kaha apwile na mutondo muze wapwile mulalaja uze mutondo wapwile na kwima mihako ya mivinyo, malimau, matandalinya, matangalo. Kaha ngwawvulyama miyachi yamihako yingahi yapwile kuli uze mutondo umwe. Kaha Ngwambile ngwami kuli uze—uze—uze lunga, Ngwambile ngwami, “Chapwa ngachilihi? Muyachi wa mutondo ou wapwa uka?”

Ikiye ngwenyi, “Ou mutondo, uvene, uli mutondo wa mulalaja.”

Ngwambile ngwami, “Ika uli na mihako ya mivinyo kuukiko? Mwomwoika uli na malimau kuukiko?”

Ikiye ngwenyi, “Vakiko vana vengisamo.”

⁵⁶ Ngwambile ngwami, “Ngwamono. Chamwaza, jino,” Ngwambile ngwami, “jino, kushikulukako ou mutondo nakukalovoka mbutu ikwavo yamihako,” vyosena navihila halwola lumwe, Ngwambile ngwami, “kahajino najikaneha jose hamwe malalaja. Kachi nge uze mutango wakununga ha mulalaja, nauneha malalnja akununga, keshi ngochoko, mwane?”

Ikiye ngwenyi, “Nduma, mwane. Mutango wakununga wose nauneha muyachi wacho.”

Ngwambile ngwami, “Ove uli nakwamba ngwove mutango wa malimau nauneha malimau kumutondo wa mulalaja?”

Ikiye ngwenyi, “Eyo, mwane.”

“Kumana muhako wa muvinyo nauneha muhako wa muvinyo kufuma ku mulalaja?”

Ikiye ngwenyi, “Eyo, mwane. Chize chikiko chisemwa chauze mutango vanungile kuukiko.”

Ngwambile ngwami, “Kalunga va mwalise!”

Ikiye ngwenyi, “Watwale mulihi ove?”

Ikiye ngwenyi, “Chimwe chihula chikwavo. Jino, kumana uze mutondo wa mulalaja naukeza kwima malalaja cheka?”

⁵⁷ Ikiye ngwenyi, “Omwo nausoka mutango ukwavo.” Omwo *na* usoka mutango ukwavo, keshi uze wakunungamoko. Oloze, ikiko yosena mitondo yalivungi limwe, kaha veji kuyoyela ha chiyoyelo ya livungu kana ya mulivungu limwe.

⁵⁸ Ngwambile ngwami, “Ohojino ove! Va Mesondisiti nava kalovola Mesondisiti, lwola lwosena. Va Mbaputishiti nava kalovola Mbaputishiti, lwola lwosena. Va Katolika nava kalovola Katolika, lwola lwosena. Oloze Liuka lya Kalunga wa kuyoya nali kalovola Kulishitu kufuma kumiji, lize Lizu lwola lwosena, kachi nge nalilovola mutango ukwavo wakulimanyina Uvene.”

⁵⁹ Jino, ove unahase kuwingisamo muze, munamono. Muhako wa muvinyo wosena, malimau, tangalo, tandalinya, kala livungu lyacho lya mihako, kala wose nauyoyela muli uze mutondo; oloze kulovola unjiho wakwonga muli uze mutondo, kuyoyela muli uze mutondo. Mwamono echi? Vakiko vali nakuyoyela na kulikaka kuyoya chamwenemwene chili muli uze mutondo.

⁶⁰ Jino, hakiko hali Mateu 24:24, kuyoyela hali Kuyoya chimwe, oloze vakiko kaveshi vakakwolakako, kukuputuka. Vakiko vali nakusolola unjiho wakwonga wauze Mutondo! Ukiko uli mutondo wa mulalaja, ohonyi uli livungu lya mihako. Kaha navamba ngwavo, “Eli liuka, echi chikungulwilo chilina kusolola unjiho wa Kulishitu.” Oloze likwechi lujimiko lwa kwonga, vinjiho va kwonga va Lizu, kweseka kwamba ngwavo ngolo ja Kalunga japwile na tumbaji kunahu?

⁶¹ Yesu, Ivene, ngwenyi, “Yenunga kukaye kwosena na kunangula Mujimbu wa mwaza kuli mutango wose uze naukapwa... mutondo wose uze naukalovola, mitango ize naikapwa muli uze mutondo. Kaha evi vinjikizo navikakavangiza mitango yamwenemwene.” Kulihi? Kachi kaha uli Mutondo, kachi kaha Nge uli nakuneha mitango, kumakumishilo akaye. “Mu Lijina Lyami vakiko navakatapula va ndemone; kuhanjika malimi amahya; kukwata manoka;

kunwa chuma chakufwa; kunangika mavoko avo hali vakakuviza kaha vakiko nava kayoya.” Talenu ola etu tuli nakuyoyela? Talenu omu Yesu ambile?

Anukenu, echi nachipwa kusongo ya lwola, keshi kunyima kuli Wesley nyi kunyima kuze. Jino, ha lwola lwa kuma kumishilo, echi chatela kusoloka.

⁶² Jino tachikizenu mu Visoneka; echenu Vikiko vyambulule. Yesu ngwenyi, “Tondenu mu Visoneka, mwomwo Muvikiko enu munashinganyeka, chipwe kufwelela, ngana nge enu muli na Kuyoya cha Hayamyaka, kaha Akiko Ali nakwambulula unjiho wa Yami.” Mujila ikwavo, kachi nge ou mutondo naukaneha na kulovola mutango. . . “Ami yami Muvinyo, uze Mutondo; yenu mumitango. Wose mwafwelela muli Yami, milimo eyi nguli nakuzata mwakailinga na Ikiye nawa,” Mukakujila Yowano 14:12.

Jino, “Wose uze mwatwama muli Yami, ikiye uze. . . vene uze apwile mumwiji Wami ha kuputuka.”

⁶³ Chize chikio Yesu apwile ikiye Mwiji na Mwana Ndavichi. Ikiye apwile shimbu kanda Ndavichi, muli Ndavichi, na kunyima ya Ndavichi, kupwa Mwiji na Mwana Ndavichi; Litota lya Chimene, Losa ya Shilone, uze Liya lya Chinema, Alafwa na Omenga; Tata, Mwana, na Shipilitu Wajila. “Muli Ikiye mwatwama kuzalilila cha Ukalunga mumujimba.” Yikiyelika Mwiji na Mwana Ndavichi!

⁶⁴ “Ikiye uze Kuyoya cha kusakula, Kuyoya cha kwijivilaho lyehi, chize chili muli Yami,” kaha Ikiye Lizu, “kufuma kukuputuka; omwo mwakeza nakusoloka, ikiye mwakema mihako Yami.” Mukakujila Yowano 14:12.

Oloze veka navaka yoyela hachuma chochimwe, kuli sanyika vavene nge Vakakulishitu na vakakufwelela. “Keshi vosena vaze navamba ngwavo, ‘Mwata, Mwata,’ navakengila muze.”

Jino, evi navikasoloka na kulisolola kumakumbi akumakumishilo, “omwo vize vyakuswamana vya Kalunga navikakuma,” nge omu natuhetaho chindendetuhu.

⁶⁵ Enyi mitondo, mivinyo wamuchano na mivinyo wa kwonga! Enu munevunga yami kunangula hali echi lika, kufuma kumyaka okwoo, nomu ikiko yina kolela hamwe. Kuneha ikiko eyi na kusolola ngana, kufuma kuli Kena na Avele, ize mivinyo yivali ize yaliwanyine hachilumbilo; vosena vavali vakiko vakakulifukula, vosena vavali vakuwavisa, vosena vapwile nakufwila kuyoya, na kulifukula Kalunga youmwe. Kaha umwe vamukanyine kaha mukwavo vamutambwile.

⁶⁶ Kaha jila yimwe kaha uze vatambwile ahashile kupwa wakuli handununa kufuma kuli ndumbwenyi, mwomwo ikiye vamusolelecho ikiye. Mwomwo Mbimbiliya ngwayo, “Halufwelelo. . .” Hepelewu, kapetulu 11, “Halufwelelo Avele

ahanyine kuli Kalunga wana wakutamo kuhambakana uze wa Kena, chize chalingishile Kalunga kumuvulukilacho kupwa wakwoloka.”

Yesu, ngwenyi, kusoloka chamushipilitu chakumwijiva Ikiye apwile Hiya! “Vathu vamuvuluka Ikiye Mwana muthu ngwavo hiya?”

Ikiye ngwenyi, Petulu ngwenyi, “Ove yove Kulishitu, Mwana Kalunga wakuyoya.”

⁶⁷ “Wakukisula ove, Shimona—Shimona, mwana Yona; nyama na manyinga kavya kusolwelecho oveko. Tata Yami ou atwama Mwilu nachisolola echi. Hali eli lilolwa Yami nangukatungilaho Liuka Lyami,” (chuma muka?) kusoloka chamuchano cha Lizu. Haze hakiko hali Muvinyo cheka. “Avele, ha lufwelelo!”

Ove ngwove, “Echi kachapwile kusoloka ko.”

⁶⁸ Lufwelelo chumamuka? Lufwelelo chuma chize vana solola kuli ove; chize chauchiko, oloze wafwelela ngwove nachikapwako. Lufwelelo lwapwa kusoloka cha muchima wa Kalunga. Shikaho, ha kusoloka!

⁶⁹ Kaha mauka lelo kawafwelela mu kusoloka cha shipilituko. Vakiko vafwelela mukunangula cha vilinga vyavo. “Ha kusoloka Avele ahanyine kuli Kalunga chimuna wakuvatula wakutamo kuhambakana uze wa Kena, uze Kalunga amuvulukililecho naujiho nge ikiye wa kwoloka.” Amena. Ngwafwelela enu mwamono chize. Talenu oho etu tuli nakuyoyela? Talenu ola?

Ngwapwanga nakuhanjika kuli—kuli mukweze keshi hanyima chikumako, Mukakulishitu washikola na mukweze. Ikiye ngwenyi, “Mukulwane. Branham, etu twakana kusoloka chosena.”

Ngwambile ngwami, “Jinonyi enu mwatela kumukana Yesu Kulishitu, mwomwo Ikiye kusoloka cha Kalunga, Kalunga alisolwele mumujimba.” Kuvangila muchimone, nge chiku unajimbala.

⁷⁰ Yesu ngwenyi, “Kuvangila enu na mufwelela ngana Yami Vene, enu namufwa mushili yenu.” Ikiye apwa kusoloka cha Kalunga, Shipilitu ya Kalunga kusolokela muchifwanyisa cha muthu. Enu kamwatela kufwelela chize, enu mwajimbala. Enu muli nakumuhaka Ikiye kupwa muthu wamuchitatu, muthu wamuchivali, chipwe kala muthu kusali ya Kalunga, ove wajimbala. “Kuvangila enu na mufwelela ngana nge Yami Vene, na mukafwa mujishili jenu.” Chize kusoloka!

⁷¹ Shikangaho vakiko vahonene kumumona Ikiye. “Muthu naumwe pimbi mweza kuli Yami kuvangila Tata Yami mwamukoka ikiye. Kaha vosena Tata anguhana Yami,” mu mumiji, “navakeza kuli Yami.” Talenu? Enu mwachikwate echi? Mama lelo, omu twatela etu kumuzanga Ikiye, kulifukula Ikiye,

kumwalisa Ikiye; kumona mihako ya Shipilitu mumakumbi akumakumishilo, na Mutondo wa Mwenga kuhya helu lyalwola!

⁷² Muvinyo wamuchano na muvinyo wakwonga, vosena vali vapwile na kuwavisa chimwe. Meya aholokele hali vosena vavali. Shikangaho Ikiye atuhuhumwine etu, “Echi chinahase kuhungumwisa navaze vene vaku Sakula kachi chahashile.”

Tachikizenu, vakiko vasoloka mwomumwe. Vakiko vavawavisa mwomumwe. Oloze tachikizenu, “Ha muhako wavo . . .” Namukejiva ngachilihi echi?

⁷³ Namukejiva ngachilihi nge kaweshi mulalaja? Mwomwo ulina kwima mihako ya muvinyo. Uze muvinyo uli wakwoloka, uli nakuyoyela mumutondo, oloze ulina kwima mihako ya muvinyo. Uze kaweshi nge uze umwe wateteko.

⁷⁴ Kachi liuka nalyamba ngwalyo vakiko “vamufwelele Yesu Kulishitu kupwa youmwe zau, lelo, nahaya myaka,” kaha kukana Ngolo Jenyi, kukana milimo Yenyi, kukana Lizu Lyenyi; kachi—kachi. . .Lize Liuka lya fwelela muli Yesu Kulishitu, navakalinga milimo ya Yesu Kulishitu, nalikapwa na Kuyoya cha Yesu Kulishitu. Kaha kachi nge chiku, numba tuhu Kuyoya chili nakuhingunukila halikiko, kachi nge kachapwile kutongolako, kufuma kumiji, nayima mihako ya mivinyo lwola lwosena, mokomoko chuma chimwe chakulihandununa. Oloze kachi chili Chiyoyelo cha kutongola, mu miji, nayima Yesu Kulishitu youmwe zau, lelo, nahaya mwaka, kachi lili Lizu kwiza kufuma ku Mwiji. Uze, Ikiye ali Mwiji, uze kuputuka cha lwola.

⁷⁵ Tachikizenu, oloze chili vize veji kulovolanga vikiko vyeji kwambululanga chihandwa. “Ha mihako yavo,” Yesu ngwenyi, “enu namuka vejiva vakiko.” “Muthu naumwe pimbi mwakungulula mivinyo kufuma kumingonga,” chipwetuhu mingonga eli mukachi ka mivinyo. Chize chinashiwa, oloze mihako nayambulula echi.

⁷⁶ Muhako chumamuka? Lize Lizu, mwomwo ya- . . .muhako wangonde. Chize chikiko, kunangula chavo. Kunangula muka? Kunangula cha ngonde, lwola muka elu. Kunangula cha muthu, kunangula cha vikungulwilo, oloze, chipwe Lizu lya Kalunga lyaha ngonde?

⁷⁷ Jino, lwola lwakuhita washi, ngana etu kuhasa kutwamaho nakushimbula. Oloze Yami ngwakunyuka ngana enu muli hano, kaha Ngwami nauhita lifuchi, kaha enu munahase kumona chuma muka Yami nguli nakweseka kumilweka enu, mwomwo katweshi nashimbu ya kushimbula yakutwama hali echi.

⁷⁸ Oloze enu munahase kumona chize Vakuwavisa kupwa nahali vakuzeneka kwoloka, vakakunangula vakwonga, na kuvalingisa vakiko kulinga vene chikupu vize Kalunga kavalwezele kulingako; oloze vakiko navachilinga, mukala jila. Mwomwoika? Vakiko kaveshi kuhasa kulikafwako. Nachipwa ngachilihi mungonga kupwa chuma cheka shina mungonga?

Chipwetuhu vula ya mwaza navaimwangila hajikiko, jatela kupwa mungonga. Ou ukiko mulonga Yesu ngwenyi, “Vakiko nava kapwa vakulihata chinahase kuhungumwisa navaze vaku Sakula,” chize chili mu miji, “kachi chahashile,” oloze keshi chachashiko. Ize tiliku kayeshi kuhasa kwima chuma chekako shina tiliku; ikiko kaha inahase kwima.

⁷⁹ Tachikizenu. Anukenu, Kalunga keshi mukakuputuka kulivwasana chauthu. Liyavolo ikiye mukakuputuka kulivwasana chauthu. Yami ngunachinjikiza na Lizu, kunyima nakulutwe, kaha cheka na cheka; kangweshi kuhasa kwingilamoko chimene chino. Etu tunatachikiza nge Kalunga kanda lyehi akungulule vathu mukuliwvasana chauthu hamwe muze ngana, kulinga kulivwasana chauthu. Hanyima ya myaka handulendi kufuma ha kufwa cha kambaji wamakumishilo, kuze kwapwile kulivwasana chauthu chatete. Echi chapwa cha kwinjikiza lwola lwosena chakuhona. Kachi kachahashile, mwomwoika etu hamwe mu zangi lelo, Mesondisiti, Mbaputishiti, Pulishitelijani, Katolika na vosena? Mwomwoika vilinga vya Kalunga vinahono kutukavangiza, kahajino, mauka osena ha chuma chimwe, lize Lizu? Vize vyuma vyeji kuhandununa muthu, undumbu. . .Etu tuli hahasuku na Kalunga kuhambakana hanyima, mauka, kuhanjika ha.

⁸⁰ Jino, etu vatulweza ngana, “Vyosena vyakunyima vyapwa vya kutalilaho etu, kupwa vya kulinangwilaho, kutenukila, kuhuhumuna.” Vize vyaku Tesitamende ya Mwaka vyasolokele, vyemanyineko muvwimbimbi, kumona vyuma navikasoloka mu Tesitamende Yayihya, muli kumbi lyetu.

⁸¹ Chili nge kanda lyehi umone livoko lyove, kaha mwanduka mumona muvwimbimbi ha mbango, nge omu lili livoko lyami kufuma kukumunyika, kachi lili. Na minwe itanu mu muvwimbimbi, (omwo chize chakuchimwose), kaha nautambukisa livoko lyove kutwala, kuchilyo, (kutwala kuchilyo), kutwala—kuchimoswe, echi kuvangila nachiza kuminwe yitanu.

⁸² Nge Mbimbilinya kutulweza etu, ngana, “Ize Tesitamende ya Mwaka kupwa, muvwimbimbi, chifwanyisa cha vyuma vyavihwa, chipwe vyuma vize navikeza; keshi chuma chiveneko, oloze chili kaha muvwimbimbi, chifwanyisa cha vyuma vize navikeza.”

⁸³ Echenu etu tukindulukenu kaha tumone kachi nge vyuma evi vyasolokeleho. Muli vakuchifwila? [Chikungulwilo ngwacho, “Amena.”—Muka.] Shikaho etu tunatachikiza, kwinjikiza echi, kunyima na kulutwe, ha Lizu; keshi ha vishinganyeka vya muthu, vya kutanga.

⁸⁴ Kangwalizakamina ikiye hiya; kala muthu weka, yami lyavene chipwe kala muthu weka, “Kachi ikiye mwahanjika keshi kukutesa na jishimbi na tupolofweto, kakweshi

Kumunyika muli ikiyeko.” Talenu? Muze mukiko yamba Mbimbilinya. “Echenu lizu lya muthu lyosena lipwenga lya makuli, kaha Lyami kupwa lya muchano,” chipwetuthu ikiye hiya.

Jino echenu tuyenu kunyima na kuwana nge echi chasolokeho lyehi, kutusolwela etu chakutalilaho.

⁸⁵ Etu tuyenu jino cheka ku Mukanda wa Kulovoka, na kuhanjika hali muthu wa lijina lya Mose, uze apwile kapolofweto wavakuwawisa wakutuma kuli Kalunga, na Lizu lya Kalunga na muchima wa Kalunga hali chisemunwino chenye. Kupwa Lizu lya Kalunga lwola lwosena lyapwa lyakutwalilaho, Ikiye ngwenyi, “Ikiye kalinga chumako kuvangila Ikiye mwalivanga kuchisolola Echi kuli tupolofweto Twenyi.” Kahajino Ikiye mwachilinga echi. Hu-uuh.

Jino, Ikiye keshi kuhasa kulyonga. Ikiye keshi kuhasa kulyonga kaha apwenga Kalunga. Nduma, mwane. Ikiye atela kupwa hanga wamuchano. Kamweshi kulyonga muli Ikiye. Ikiye. . .

⁸⁶ Kaha Ikiye keshi kuhasa kuchalumuna Echiko. Kachi nge Ikiye mwachilinga, kaha Ikiye keshi Kalunga ko; Ikiye aluwanganyishile. Ikiye atela kupwa wakuhona maputukilo na makumishilo. Kaha kuhona maputukilo na makumishilo keshi kuhasa kuluwanganako. Talenu? Shikaho chuma Kalunga ambile, chize kwoloka Chahya myaka. Talenu? Kaha Ikiye ashikile chize. Shikaho, tala, kakweshi kumwe mu Mbimbiliya kuvangila chikakavangize mukutwalilaho mukwoloka kuli echi.

⁸⁷ Jino, Kalunga amu shikile Apalahama ngana nge mbuto yenyi naikapwa ngeji mu—mu mulifuchi lyaungeji ha myaka fwo handulendi, kaha Ikiye mwakamufumisamo nalivoko lyalinene lya ngolo na undume, kusolola vinjikizo Vyenyi na vikomwesa hakachi kavathu vatwaminenga navo. Lwola lwa lushiko lwa pandamine. Vathu vapwile vana chivulyama echi. Vakiko vapwile nava Fwaliseu nava Sanduke, na vangocho, vikungulwilo. Oloze, kukasumuka kaha, kwejile Kalunga uka wenyi na kufuma, kulovoka, kwakusuku navamwe.

⁸⁸ Kalunga kanda lyehi, mulikumbi kala chipwe kala lwola, atambikaho kapolofweto kufuma muchikungulwilo. Nduma, mwane. Ikiye alikasa kasa, ikiye keshi kuhasa kulinga echi; ikiye atela kutwama na chikungulwilo.

⁸⁹ Mose, muthu watuma kuli Kalunga, na Lizu lya Kalunga, ha ungeji wenyi kumbata va Isalele kuvatwala mulimbo lya lushiko, wakulama jishimbi ja Kalunga, ikiye aliwanyine na kapolofweto weka, weka wakuwawisa umwe uze apwile nakuwawvishiwa chamwenemwene chochimwe na Shipilitu Wajila uze nawa apwile nahali Mose. Chize chakwoloka. Ikiye apwile kapolofweto. Uze Shipilitu Wajila apwile hali ou muthu. Ikiye lijina apwile Mbalamu. Etu tuvosena twamwijiwa ikiye.

Chamwaza, chize vene chuma, chochimwe, chuma—chuma chize muthu ngwenyi, chili nakusoloka, pamo myaka twende eyiti handulendi kunyima. “Ove uli kaha nge kanyama, Ove Isalele. Ou wose mwakakukisula ove mwakapwa wakukisula. Ou wose mwakakwangula ove mwakapwa wakwangula. Ngolo jove, na undume, nomu joloka jimbilaka jove, Ove Yakova!” Talenu, ikiye kahashile kuli kafwa ivene ko. Ikiye ejile kuno kujina mumuchima wenyi mangana ashinge vathu ava.

⁹⁰ Mamalelo, enu vakakunangula vakwonga muli nakwivwilila kuli awa matepu myaka yosena eyi, na kumona Kalunga kwinjikiza vene chuma Ikiye ambile, kaha na utwama mukutanga na kwijiva echi nge Muchano; kaha mwomwo ya chihandwa chavikungulwilo vyenu, enu namuvakana vakiko na kulweka vathu jenu vakiko kavechi ngochoko. Mama lelo kuli yenu! Lwola lwenu luli hakamwihi.

⁹¹ Mbalamu, na kuwawvishiwa cha Shipilitu chochimwe nge chize chapwile na hali Mose. Chihandwamuka chapwile ho? Kunangula cha Mose chapwile cha kukupuka. Mu Mbimbilinya ngwanyo hano muli Petulu Wamuchivali, nge muze chapwile “chize kunangula cha Mbalamu” chize va Isalele vatambwile, chize Kalunga ahonene kuvulyama. Shili yakuzeneka kukonekela! Naumwe pimbi va lwilile, chipwetuthu vapwile vakufuma mwishi ya jikisu ja Kalunga, na kumona livoko lya Kalunga kutambuka na kapolofweto waundume, na kuchimona na kuchijikiza kuli Kalunga. Kaha, mwomwo, kapolofweto mukwavo ejile na kunangula, chakulimbalaka, nakuliamika na Mose, na kweseka kwijikiza kuli vathu nge Mose nahenge. Kaha Ndatani, Kola, na vakwovo veka vavavulu, vamwitavilile na kutangisa vana va Isalele kulinga makoji, mangana vakavangize kuliwvasana chauthu, ngana, “Etu tuli chochimwe.”

“Chipwevene etu tuli va Mesondisiti, Mbaputishiti, Pulishitelinyani, chipwe Pendekoshita, kala mwosomwo, etu tuli chochimwe.”

⁹² Etu katweshi chochimweko! Enu muvathu vakuhandunuka, vajilila Mwata, vakukunjika ku Lizu na Shipilitu ya Kalunga, kwima mihako ya jishiko Jenyi jalikumbi eli. Kaha enu kamweshi vavakikoko! Ngunatachikiza cha kuhenga vene, oloze uli Muchano woumwe. Wakukujika kumulimo wa likumbi eli lya kumakumishilo! “Lovokenumo kufuma muli echi.”

⁹³ Jino, “kunangula cha Mbalamu,” keshi kupolofweta cha Mbalamu. Chize chapwile cha kwoloka. Chize chapwile Kalunga. Vangahi va fwelela chize? [Chikungulwilo ngwacho, “Amena.”—Muka.] Uze upolofweto wa Mbalamu wapwile wakwoloka, ’mwomwo kahanjikile chuma chekako. Chize kuwawvishiwa cha Kalunga kachanjikile chuma chekako, kaha

Kalunga achinjikijile echi ha kuchinjikiza echi kupwa Muchano. Oloze echi chapwile “chize chapwile kunangula cha Mbalamu.”

Jino pezelesenu echi na Mateu 24:24. Vamwe va kuwawvishiwa, oloze kunangula chavo cha kwonga. Chize chatulunga vatatu, na vyuma vyakufwana ngachize; kwonga, mukakole wa kulishitu!

⁹⁴ Ngunafwelela kangweshi na kumikolesa kwiwva chenuko. Kaha kanda kwalumuna chizeko, jishinga jenu jakujima. Kaha kanda mukatuka na kulovokako. Twamenu nakuliujiika, kaha echenu tumone kachi nge Shipilitu Wajila mwahona kuchisolola kuli yetu, na kuchijikiza kuli yetu. Ngwenyi, “Oloze chize. . .” Kala chuma enu mwafwelela, twamenu kaha nakuliujiika. Kaha hula Kalunga asokolole muchima wavo, jino ove nauwana nge pamo ove wapwa, nge umutuva poko chipwe mungonga, chipwe kala chuma wemanyina. Talenu?

⁹⁵ Jino, numba Yuta, “wakutongwela lyehi kukupaya,” wakupakaka lyehi shimbu kanda Yesu. Kaha Yesu amulwezele ikiye, “Ove yove umwe. Kalachuma nauya nakulinga, kaha kalachuma naulinga, yako uchilinge washi.” Ikiye kwijiva ocho alinakuya nakulinga, oloze, hali vize vihanda vya mashilingi seti, na puho, kulanjisa Mwata Yesu Kulishitu. Umwe hali tumbaji Twenyi, mukakula chikambango cha liuka, Yesu amusanyikilenga Ikiye kupwa “sepa.” Talenu? Ize Mbimbilinya ngwanyo, “Ikiye asemukile kupwa mwana kunonga,” chochimwe nge omu apwile Yesu kupwa Mwana Kalunga. “Kuhungumwisa nava vaku Sakula nge chapwile chachashi.”

⁹⁶ Tachikizenu kanawa omu tuli nakutanga hali echi. Etu natumbata chakutalilaho chikwavo, muze mu Mukanda wa va Myangana. Kuze kwapwile ka—ka kapolofweto, kaha lijina lyenyi apwile ikiye Mikaya. Ikiye apwile mwana Imalya, kaha ikiye apwile kapolofweto. Ikiye apwile.

⁹⁷ Kaha kuze kwapwile kapolofweto mukwavo, mukulwane wa lizavu lya tupolofweto, vakuwavisa. Mu Mbimbiliya ngwayo vakiko vapwile “tupolofweto,” chochimwe nge Ikiye ahanjikile hali Mbalamu apwile kapolofweto, vakuwavisa.

Kaha kwapwile mumwe wa lijina lya Mikaya, uze apwile wakuwavisa kuli Kalunga kaha wakatuma kuli Kalunga, na Lizu lya Kalunga.

⁹⁸ Kuze kwapwile umwe, Zendekiya, uze ashinganyekele kupwa wakatuma kuli Kalunga. Ikiye apwile wakuwavisa kuli Kalunga, oloze kunangula chenye chapwilenga cha kulimbalaka na Lizu lya Kalunga. “Katuka, vakakulyonga Ukulishitu, kusolola vinjikizo vyavinene, navihasa kuhungumwisa nava vaku Sakula kachi chahashile.”

⁹⁹ Tachikizenu, vakiko vose, vakiko vose vakuwavisa. Jino, kaha enu namwijiva ngachilihi nge chize chili cha kwoloka, chipwe chakuhenga? Tala Lizu omu lyashikile kuli Ahave. Uze

kapolofweto apwile shimbu kanda ikiye, uze apwile Elija, umwe hali vase tupolofweto vavanene va muze muchisemunuino, uze apwile kapolofweto wa kwinjikiza. Uze kapolofweto wa kwinjikiza ngwenyi, ngana, “Mwomwo Ahave nalingi chuma echi chachipi, ngachize tuwa navaka lesa manyinga enyi; hakumbata chiyoyelo cha Nambote. Kaha nawa tuwa nava kalya Yezevele, kaha uze . . . mujimba wenyi naukapwa tuji mumande.” Jino, ove naukisula ngachilihi chize Kalunga nangula? Chipwe ove nawangula, nge omu ambile Mbalamu ngwenyi, chuma a kisula Kalunga? Talenu?

¹⁰⁰ Oloze ava tupolofweto vapwile vakushishika. Kahapwile chipwe kukakasanako oloze vakiko vapwile malunga va mwaza, malunga vakavumbi. Mwomwo, kupwa kapolofweto mu Isalele, enu mwatela kupwa vakavumbi, mokomoko kupwa numba ka Isalele kaha. Ove navakwasa malolwa, kachi chiku. Vakiko vapwilenga malunga vakavumbi. Vakiko vapwile malunga vautongwe. Vakiko vapwile malunga vakutanga. Vakiko vapwile vaku sakula kuli Ahave, va mulifuchi lyosana. (Talenu chize, Ndumbu wa pwevo Wright?) Vaze vaku sakula mulifuchi, vakutela kanawa kupwa- . . .

Kaha jino, omwo Mikaya amwene chimweno, ikiye atachikijile mumuchima wenyi omwo Lizu linahanjika, oloze atondele kumona Shipilitu ya muyachi uka muli ikiye mwahanjika.

¹⁰¹ Shikaho vakiko vamulwekele ikiye, vakiko ngwavo, “Ove uhanjika mwomumwe nge mwavakwenu tupolofweto. Kaha omwo naulinga, mwomwo, ove naupwa, etu natukuneha muchiwasano, chakuzeneka kukakasana, cheka. Talenu? Etu natukulingisa umwe wetu. Etu natukuneha muchikungulwilo chetu. Ove yove . . . Etu tunejiva nge ove uli kapolofweto, oloze uli nakuhanjikanga vyuma vyakwangula. Ove lwola lwove lwosena kwangulanga Ahave. Jino, Zendekiya, mwangana wavathu, uze popu, mokomoko uze . . .” kalamwosena omwo apwile. “Jino apwile Ahave wakukisula, kaha ngwenyi, ‘Yako ukachilinge echi.’ Jino ove uhanjika mwomumwe, Imilya. Mwomwoika, ove uli kaha mukweze wakuhtwa. Ove kaweshi nachikungulwilo, nachimwe, kaweshi nachoko. Oloze vase malunga vali najimiliyone. Lifuchi lyosena lyapwa lyavo. Jino hanjika nge omu vanahanjika, talenu chuma namulinga, enu—kaha na mukalya vamwaza mulifuchi.” Ikiye apwile nakuhanjika kuli muthu wakuhenga!

Nachipwa ngachili nge navamba ngwavo, “Unahase kuwana mulonga muli Zendekiya, Mikaya?”

“Nduma.”

“Kutala enu mwamukwataho lyehi mushili?”

“Nduma.”

“Mwamwiwvaho lyehi kupwa nakazautu na kala muthu?”

“Nduma.”

“Mwamukwataho lyehi ikiye napenda?”

“Nduma.”

“Munahase kulipula pami ha kutanga chenyi?”

“Nduma.”

“Enu mwafwelela ndingili yenyi yau ndotolo ili makuli?”

“Nduma.”

“Enu mwafwelela ize—ize Ph.D. yili ya kwoloka?”

“Punduvene. Ha pungu ya Sunandeleni, Ngwafwelela chili yosena . . . kasulu, Ngwafwelela chili cha kwoloka.”

“Chamwaza, jinonyi, mwomwoika namuhonene kulinunga na ikiye?”

“Mwomwo ikiye ali kusali ya Lizu!”

¹⁰² Chamwaza, etu natukapwa na kuchisolola echi, nge, Elija uze kapolofweto kunyima yachize. Kaha kachi uli mwana Kalunga, ove naukatwama na kapolofweto wamu Mbimbiliya. Lili Lizu. Tachikizenu ola, na ngonde.

Chamwaza, kachi nge Zendekiya ngwenyi, “Mamalelo, Ngunejiva uze kapolofweto ahanjikile chize, oloze chize cha chisenwino cha kulutwe. Chize chalwola lwalusuku kufuma hano jino?”

Ikiye ngwenyi, “Vandamina palanga nomu Nangumona chimweno kufuma kuli Kalunga, kaha jino Nangumilweza.”

Ngwenyi, “Jinonyi enu hanjikenu chuma chochimwe?”

Ikiye ngwenyi, “Nangwamba jino omwo nahanjika Kalunga; chuma cheka chauchi, chuma chikwavo chauchi. Kangweshi kuhakako lizu limwe kuli Echi, chipwe kumbata Lizu kufuma muli Echi.”

Shikaho uze ufuku, mu kulomba, Mwata ejile kuli ikiye mu chimweno. Ikiye alovokele ayile chimene chikwavo chikwavo, ikiye ngwenyi . . .

Kuze kuli tupolofweto vavali!

¹⁰³ Chindume cha lunga mulifuchi, mu uswalale na mumeso alifuchi, apwile Zendekiya. Ikiye apwile mukulwane wa tupolofweto, kuli mwangana. Ikiye apwile mukulwane wa tupolofweto vakwavo, ha lizavu. Ikiye vamulingishile, ku lizavu, mukulwane hali vosena; pamo mukakutanga wamwaza, nakutanga chamwaza, wakutela mulimo. Kaha ikiye apwile wakuwavisa na Shipilitu Wajila, mwomwo vamusanykile kupwa “kapolofweto.” Punduvene, keshi nge kapolofweto kahako, ikiye apwile kapolofweto waka Hepelewu. Jino tala ikiye.

¹⁰⁴ Zendekiya ngwenyi, “Uze Mwata nahanjika kuli yami, ‘Ngupangilenu Yami jimbinga jivali ja fwelu,’ chinjikizo.”

Kapolofweto kakavulu eji kuhananga vinjikizo. “Ikiye ngwenyi, ‘Pangu jimbinga ja fwelu.’ Uze Shipilitu Wajila ambile kuli yami ngwenyi, ‘Mbata evi,’ chize Kuwawvishiwa cha kiswile yami.” Kanda mushinganyeka echi nge mulambu, oloze kwingila muchuma. “Uze Shipilitu Wajila uze eji kuhanjikanga mumalimi muli yami, ikiye Umwe uze angwinjikiza yami, Ikiye ngwenyi, ‘Mbata eji jimbinga, na, hali echi, mulweke mwangana ngana nge mwakashijika va Sulya nakuvashijikila kuweluka wa lifuchi. Kaha Nangukamuhana ikiye cheka ngalilila ize yapwa ya Isalele, lize liuka.”

¹⁰⁵ Ndumbu wa lunga, chize chapwa lushimbi, chochimwe nge Mbalamu apwile hano. Mbalamu apwile mujishimbi mukuhanjika ngeomu apwilenga Mose. Mose... Uze sona ya kwoloka ya Kalunga ize seveni. Kaha Mbalamu ambile ngwenyi, “Ngutungilenu vilumbilo vya seveni; milambu yitoma ya seveni, vangombe vajitoka, kaha vivuvu ja vangombe seveni.” Chize chikiko kuhanjika kwiza cha Mwana Kalunga. Mujishimbi, ikiye apwile kaha wa kwoloka nge vakiko nawa.

¹⁰⁶ Kaha hano Zendekiya, chochimwe wakwoloka mujishimbi, “Mwomwo eyi ngalila yapwa yetu. Mwomwoika, vakiko va Sulya nava Fwilishite kuze vapwile na kuzalisa majimo avo, nawa avana vavo na vyangocho, vakakole jetu, na kulya chize vana vetu vanakuhona! Ohonyi, Kalunga atuhanyine eyi ngalila!”

¹⁰⁷ Ndumbu wa lunga, chize kulipika chapwile cha mwaza. Ngwafwelela ikiye nahase kutambakanaa chize kuli va Isalele, kaha navakiko vanahase kutambakana chikuma ngeomu vanahashila. Jino, Yami ngulina kuhanjika jino lelo hali echi. Ngwafwelele muli nakungukavangiza yami. Kuvilika chosena, kutambakana!

¹⁰⁸ Enu anukenu Ndavichi Sondo yapwangaho? Talenu? Enu okwo muvisaji, chipwe kujingalila kwahichi jifwonyi; mwahonene kwiwvako Mujimbu wa ha Sondo, mumone nge mwautambula. *Kweseka Kuzachila Kalunga Mulimo Cha Kuzeneka Kupwa Waku Tongola Ku Uzata Uze*, chipwetuhu naupwa wakushishika, wamwaza, chize nachipwa vene chakuzeneka kutambula kuli Kalunga. Talenu?

Jino, uze Zendekiya, kushinganyeka nge ikiye ali wakwoloka.

Mikaya ambile ngwenyi, “Echenu nguhule Kalunga.” Shikaho ikiye chimene chikwavo ejile na MWANAMBE MWATA. Ikiye apezelesele chimweno chenyi na Lizu.

Jino kachi ikiye ambile kuli Zendekiya, “Enu munejiva chize ahanjile kapolofweto wamu Mbimbiliya hano ngwenyi chumamuka nachisoloka kuli ou mukweze?”

¹⁰⁹ “Oloze keshi ha lwola lunoko, mwomwo ou lunga apwile lunga wakuvumbika. Ikiye apwile na kweseka.” Kanda kuhona kutambula echi. “Ikiye ali nakweseka kukindulwisa

kuliuka vyuma vyapwa vya liuka. Ikiye ali nakweseka kuvakindulwishila luheto,” keshi vyuma vya Kushipilituko; kachi echi nachihashiwa, ikiye kachi andendesele lifuchi lyose ngeomu alingile Elija. Oloze, kweseka kuvahana vyuma vya kumujimba, “Etu twaheta luheto. Etu tuli lizavu lyalinene. Etu twapandama kulize. Etu vosena, enu vathu vosena, enu Vakakulikanga, mwatela kulinunga netu.” Hu-huuh.

¹¹⁰ Etu natuheta kulichize mukatando kakandende. “Echi chosena vandumbu vamaunga na vandumbu vamaapwevo, kalajila.” Echi kacheshi! Kanda chipwe kaha kacheshi kukapwako, na Liuka lya mwenemwene lya Kalunga. Kacheshi kuhasako!

¹¹¹ Tachikizenu, ikiye amwene chimweno. Kaha shikaho ikiye ambile ngwenyi, “Kalunga nahanjika kuli yami.” Jino, tala, uze lunga apwile wakushishika. Ikiye ngwenyi, “Ikiye ngwenyi, ‘Pangenu eji jimbinga, kaha yenu kandukenu kuze kuli mwangana na kushinjika kutwala kumuyakumbi,’” mokomoko kwosena jila ya ngalila yatwama kufuma kuze vanemanyina. “‘Kushinjika, kaha chize nachikapwa MWANAMBE MWATA, ngana nge ikiye mwaya nakutambula kuhasa na kukinduluka, kuhasa cha liuka.’ Mwaya nakuvafumisamo!” Chize chapwile hakamwihi, nyi nduma? Ukalu wapwile hali?

Hano uno mweza Mikaya. Ngwenyi, “Jino hana upolofweto wove.”

“Yako kanduka! Oloze Ngwemwene Isalele nge mukoko, kulimwanga, vakuhona kafunga.” Hoo! Chakuli sepasana.

¹¹² Jino, enu yenu chikungulwilo. Jino umwe uli wakwoloka? Vosena vavali, tupolofweto. Jila kaha unahase kwambulula chihandwa muli vakiko, shina, chipezelese na Lizu.

Ngwenyi, “Enu namutambula ngachilihi echi?”

Ikiye ambile ngwenyi, “Ngwamwene Kalunga kutwama ha Litanda lyenyi.” Ngwenyi, “Ngwamwene va kapunga vosena vanamujingilika Ikiye.”

¹¹³ Jino anukenu, Zendekiya ambile kaha ngwenyi ngwamumwene Kalunga, nawa, kaha Shipilitu youmwe kaha. “Ngwamwene Kalunga. Ikiye angulwezele yami kupanga eji jimbinga jakufuma ku—kufuma ku fwelu. Yako kuze na kushinjika vakamafuchi kufuma hano, mwomwo eli lyapwa lyetu. Veka kavechi nalusesa muli eli.” Vakiko kachi vahashile kachi vakiko vatwamine mwakwoloka na Kalunga. Vakiko kachi wapwile nachize, oloze vafumine kuli Kalunga.

¹¹⁴ Ize ikiko jila yavaka lizavu, lize liuka. Vakwechi lisesa kuvyuma evi, oloze enu vanamyongo kumifumasa kuli evi, mwomwo mwasosoloka ku Lizu lya Kalunga na Shipilitu ya Kalunga, kuwawvishiwa, cha kwinjikiza Lizu lya ngonde. Kanda muhona kwitavila Mujimbu ou.

115 Tachikizenu chuma chasolokele jino. Ikiye ambile ngwenyi, “Ngwamwene Kalunga,” Mikaya nawa ngocho, “na twame ha Litanda Mwilu. Va kapunga Yenyi vana mujingilika Ikiye. Ikiye ngwenyi, ‘Iya etu natumbata mangana ayenga na kuhungumwisa Ahave, mangana mazu a Elija apwenga a muchano, Kapolofweto kami uze wa kwinjikiza. Ngwahanjikle ngana ikiye mwakeza. Kaha Elija apwile na Lizu Lyami. Kaha melu na mavu nawaka hita, oloze Lizu Lyami kalyeshi kuhonako. Kangwalizakamina numba vakiko na vapwa vakutona, chipwe vya mwaza muka valinavyo, chipwe vatanga ngachli, chipwe vali vavanene ngachilihi, Lizu Lyami kalyeshi kahonako.’

116 “Kaha shipilitu wakwonga alovekele mu hetese, kufukama hama mbuli enyi, kaha ambile ngwenyi, ‘Kachi Ove naugwitavila yami, Ngunahase kuvahana kuwawvishiwa chami, kuvalingisa kulinga kala chinjikizo chipwe chikomwesa, kachi kaha Nanguvalingisa na kuvafumisa mu Lizu. Ikiye keshi kuhasa numba kutachikiza Chize nge Lizu Lyove ko. Ikiye mwahombwanyisa Echi, mwomwo ya puho.’” Ndumbu walunga, lwola kalwalumukileko. Ndumbu walunga Neville, chize muchano. Enu anukenu, chize muchano. “Nangupwa hali ikiye, kumulingisa ikiye kulinga vyuma vyovimwe vize vakwavo veji kulinganga. Nangumulingisa kupolofweta, na kwambulula kwonga.” Nachipwa ngachilihi kwonga? Mwomwo chili cha kulimbalaka na Lizu.

117 Enu namumbata malujimiko awa akwonga, akwonga *shikaho na shikaho na shikaho*, Kangwalizakamina numba tuhu nge nachiwvakana chivene, numba vakiko naveseka kufwanyisako, chili kwonga kachi nge chalimbalaka na Lizu lya Kalunga lya ola yino. Chize chakwoloka vene.

Enu ngwenu, “Chamwaza, wetu, chamwaza, etu twalingile *echi*, kaha natulinga *echi*, kaha liuka lyetu lili jila *eyi* na *chize*.”

118 Kangwalizakamina chuma muka echi. Kachi nge chili chakulimbalaka na Lizu va sonaka lya ola, chili kwonga. Kalunga keshi na chuma chakulinga navizeko, numba tuhu naupwa wakushishika ngachilihi, watanga ngachilihi, wautongwe ngachilihi, nachiwvakana muchano ngachilihi, nachiwvakana cha mangana ngachilihi, kachi nge chalimbalaka na Lizu lya ola. Natwingila mukukunama chindende mu minyutu yayindende kulutwe, nge lwola nalutwitavisa. Kachi ngechiku, natuchimbata cheka ufuku uno.

119 Tachikizenu, ikiye apwile wakushishika, muthu wamwaza, kukakasana chiku. Kaha ikiye ngwenyi...Jinonyi, mujila ikwavo, Mikaya ambile kuli ikiye, keshi kusungamisa mumeswenyiko, oloze mazu akwavo, “Ove vakuwavisa na shipilitu wa kwonga.” Kumana chize keshi chuma chakulweza kalama ko? Oloze ikiye achilingile echi.

¹²⁰ Kaha shikaho uze kalama atambukile nakuya kuli ikiye na kumwamba ngwenyi, “Ove kaweshi kukalikata netuko,” kaha kumuveta mbanda kumeso. Ngwenyi, “Ove unejiva nge Yami ngumuthu wangwijikijiwa. Liuka lyami lyangulingishile kupwa mutwe walyo, chuma echi. Muchivulu cha vathu ja Kalunga kungu vwotela yami nakungu lingisa kupwa ngana. Lizavu lyami lyangulingishile kupwa echi. Kaha Kalunga atuhana eyi ngalila, kaha Ikiye nashinganyeka kupwa lipwenga lyetu. Kaha Nguli na MWANAMBE MWATA.” Kumuveta ikiye mbanda, na kwamba ngwenyi, “Jila yimwe yili Shipilitu ya Kalunga yayanga Omwo yangusele yami?”

¹²¹ Mikaya ngwenyi, “Naukachimona, makumbi amwe awa,” omwo California mwakapwa mwishi ya kalungalwiji kuze, kaha na vyuma vyosena evi. Talenu? “Ove naukamona jila yimwe yilihi yayile Eyi, omwo naukatwama mukapete kaufunge.”

¹²² Jino, Ahave, nauya nakwamba ngwove ika? “Ngwafwelela kapolofweto kami,” ikiye ambile ngwenyi. Nachipwa ngachilihi nge atondele tondele mu Lizu? Talenu, ikiye katondele kutambula kwangula. Ngwivwenu yami! Ikiye katondele kutambula kwangula. Na muthu naumwe mwahasa wauchi.

¹²³ Kaha lizavu lyami- . . . vandumbu va malunga vamulizavu, chize chinapu ukalu nayenu. Ove unashinganyeka ngana nge unoloka, ohonyi, enu munejiva mumichima yenu, omwo enu muli nakujimika kuzachisa lijina lya “Tata, Mwana, Shipilitu Wajila,” muli nakwonga. Enu munejiva omwo enu mwapwile vakuto- . . . kwamba nge vyuma vize muli nakulinga, kaha nakumbata vinjikizo vyatete, na vyangocho, muli vakuhenga. Kaha kuputuka nachipwa ngachilihi kuhanjika mumalimi, kaha kuhanjika cha kulimbalaka na lushiko lwa Kalunga muli yino ola? Nachipwa ngachilihi ngana? Ove kawazangile changu, mwachizange? Oloze *Hano* vachisoneka, shikaho mukiko nachikapwa. Chize chikiko lusona lwa chisuma, kupandama hakamwihi nachihasa kuhungumwisa navaze vaku Sakula nge chahashile.

¹²⁴ Chinjikizo chosena, chihayamisa chosena, lunga wa kuwavwisa, upolofweto, kala vyuma vya ngocho; kala vinjikizo vyose, kala vihayamisa vosena, nauya ngachilihi na kwambulula chihandwa? Tala Lizu lya ola yino. Muze mukiko omu watela kumbata . . .

Tala Mose, omu ikiye ahashile kumulweka Mbalamu. Tala Mikaya hano, twatachikijile ngachilihi nge ikiye wakwoloka? Lize Lizu, kumeso eyi, omu apolofwetele chize hali Ahave.

¹²⁵ Kaha lize Lizu, kumeso etu, kupolofweta hali awa mazavu alikumbi lino, na echi changu hali vakiko. Kaha na vyuma Vyenyi navikasoloka ha Liuka lya muchano lya vakuvwavisa, navakapwa na Lizu, Mwenga Lizu. Etu hano. Hano echi, lelo, ngemuze chapwile vene.

¹²⁶ Ize Mbimbiliya ngwayo, “Mu tunwa twavijihho vavali chipwe vatatu echenu mazu osena apwenga akuzama mbe.” Ngwahanjikile hali Mbalamu, Ngwahanjikile hali Mbalamu na hali Mose. Kaha Ngwahanjikanga jino hali Mikaya na Zendekiya. Jino Yami nanguya nakuhana mukwavo. Yihya, vali handulendi mukuvula, oloze umwe kaha cheka, kulingisa vinjihho vatatu. Nguvakwechi mukana wavo vakusoneka hano; oloze kulama lwola.

¹²⁷ Yelemiya uze apwilenga wakwinjikiza, wakupapula, oloze kapolofweto wakwinjikiza wa Kalunga. Vakiko vamujinjile uze lunga. Vakiko vamwashile akuzene... mihako ya kuzeneka kuhya hali ikiye, na vyosena. Kaha ahakile changu hali vakiko. Kaha vyuma vize ikiye alingile, kaha avihakile kusali yenyi, na vyuma, kaha ahanyine vinjikizo ngana nge Isalele yahengele.

¹²⁸ Kapolofweto wosena, kapolofweto wamuchano uze wose akatukile mu kaye, angwile vize vikungulwilo na mazavu a liuka. Kaha nachalumuka ngachilihi, hali Kalunga wakuzeneka kwalumuka?

¹²⁹ Uze Shipilitu Wajila ikiye Kapolofweto wa ola ino; Ikiye ali nakwinjikiza Lizu Lyenyi, kulinjikiza Eli. Uze Shipilitu Wajila apwile Kapolofweto wa ola ya Mose. Uze Shipilitu Wajila apwile Kapolofweto wa ola ya Mikaya. Uze Shipilitu Wajila, uze asonekele lize Lizu, eji kwizanga na kuzamisa lize Lizu.

Jino chasolokele ngachilihi mulwola lwa Mikaya? Ahave va mujihile, kaha tuwa vanwine manyinga eyi, kutesa na Lizu lya Kalunga.

¹³⁰ Enu vakakunangula vakwonga vosena, shikaho mwanambe Kalunga, likumbi limwe namukaha ovyo muli na kukuva, enu vatwamina vatupuputa kutwaminyina tupuputa! Yami kangwapihilileko. Yami nguli kaha nakumilweza enu Muchano. Kaha Kangwawashile kuhanjika echi hanoko, muli kaze kapete, kachi nge Shipilitu Wajila kachi kahanjikangako, “Kuchihanjika muli jila kanako.” Ngwamilweza Lyehi vyuma vya kwonga oloze kuvanga vize nenjikiza Kalunga kupwa vya kwoloka? Tonenu, vandumbwami, shimbu kanda chikapwe kukotokela!

¹³¹ Oloze echenu nguhanjike echi. Nyi mungonga naukatuka na kupwa mutuva poko, ohonyi vautongwela kupwa chize? Nyi vaze vaku Sakula navahona ngachilihi kumona echi? Mwomwo, ove vakusakwile kumona echi. “Vosena nanguhane Tata Yami navakeza,” ngwenyi Yesu, “oloze naumwe pimbi mwahasa kwiza kuvangila Ikiye anguhanyineyo Yami shimbu chikuku cha kaye kanda, omwo majina avo vawahakile mu Mukanda wa Mwana Mukoko wa Kuyoya,” keshi hali mukakulama liuka, oloze mu Mukanda, Mukanda wa Mwana Mukoko wa Kuyoya.

Tachikizenu, Yelemiya akatukile, kumwinjikiza kumeso avatu, oloze ikiye vamujinjile.

¹³² Kaha vakiko vayile nakupanga toka, ikiye alingile, na kuhaka hashingo yenyi, ayile kumeso avathu. Vakiko ngwavo, “Mamalelo, etu tuvatu vavanene va Kalunga. Mwomwoika, etu tuva Isalele. Etu tuli vakushishika musunangonga yetu! Etu tweji kukungulukanga ji Sondo josena, etu, etu tweji kuhananga milambu, kaha etu tweji kufwetanga jimbongo. Kaha Nevukataneza mwakwata ngachilihi vyuma vya kujila vya Kalunga?” Huu! Shili jenu jinalingi echi.

¹³³ Kalunga ngwenyi, “Kachi enu namulamanga jishimbi Jami, Kangweshi kulinga echi ko. Oloze, kachi nge kamweshi, echi chili nakwiza kuli enu.” Chize chakwoloka vene. Chili chochimwe. Lama jishimbi Jenyi, Lizu Lyenyi lya ola, lize Ikiye ashikile.

¹³⁴ Jino tachikizenu. Jino, Yelemiya, ha muchima wa Kalunga, kapolofweto wa kwinjikiza, chipwetuhu vamujinjile. . . Vakiko vosena vamujinjile mumakumbi avo. Vakiko valingile chuma changeji chakulimbalaka na chikungulwilo cha likumbi lize, vosena vamujinjile ikiye, nava myangana na vyosena vene. Shikaho ikiye aha—ahakile toka hashingo yenyi, kaha ngwenyi, “MWANAMBE MWATA. Enu namuya nakukapwa kuze myaka seve,” mwomwo apwile na kwivushisa chakufuma mu Lizu lya Kalunga. “Myaka seve!”

¹³⁵ Jinonyi Hananyiya, Hananyiya, Ngwafwelela munahase kuli vuluka, H-a-n-a-n-y-i-y-a. Hananyiya, kapolofweto mukachi kavathu, kwiza, kumbata ize toka kuyifumisa hashingo ya Yelemiya, na kuyihokola. Kaha ngwenyi, pwako wakuhita mukachi kavathu, talenu, omwo ikiye ahanjikile cha kulimbalaka na Lizu lya Kalunga. Kaha ikiye ngwenyi, “Myaka ivali kaha hina vakinduluka. MWANAMBE MWATA.”

Tupolofweto vavali vakuwavisa. Kaha chihandwa mulivakiko chapwile halih? Umwe apwile nakuhanjika Lizu, kaha mukwavo kahashileko. Yelemiya ngwenyi, “Amena.”

¹³⁶ Kumeso ava kulwane na chikungulwilo, va Isalele vosena, talenu, na ikiye atondele kupwa wamunene nge Yelemiya. “Ove unejiva kavakuzangako, mwosena. Shikaho Yami ngu kapolofweto, nawa. Yami ngunahambakana kapolofweto kuhambana yove, mwomwo uli na kupolofweta kwonga. Ove unakungulweka yami nge vathu ja Kalunga navakapwa mu *chuma na chuma* chimwe?”

¹³⁷ Muze mukiko vali nakuhanjika vathu lelo, oloze enu namukapwa mwomumwe, nge liuka. Ove uli wa kwangula na changu. Mauka enu osena, vikungulwilo vanakwachilila kuchisemwa cha muthu keshi ku Lizu lya Kalunga, enu va mwangula kuli Kalunga.

¹³⁸ Jino tachikizenu, hano himweza. Hananyiya kunyikisa toka ize hashingo yenyi, chinjikizo cha Kalunga, kuyihokola, kaha ngwenyi, “MWANAMBE MWATA. Myaka ivali vakiko

navakinduluka.” Kulitowesa nakulisolola, “Yami *Munganji na mukananga*.” Mwomwo ikiye emanyine mu, ikiye apwile kapolofweto wa lizavu.

Yelemiya apwile muthu wa muchipapa uze aliyoyelenga ukawenyi. Ikiye apolofwetelanga vyavipi hali vakiko lwola lwosena, mwomwo vapwilenga vavapi.

¹³⁹ Kaha ou lunga ava lwekelenga vakiko, “Mamalelo, enu mulikanawa chikalu kaha mwatwama. Chikalu kaha uli kaha ka Isalele, chize chikiko chili chachilemu. Talenu, enu, etu. . . Kalunga keshi kuhasa kulinga chizeko. Ngunatachikiza kuze kuli chuma chimwe chachandende chasolokele hano, oloze kanda namupwa naa chongoma, kanda mulizakaminako.”

¹⁴⁰ Mamalelo, ndumbu walunga, vakiko kuvali nalelo. “Kanda kuli zakamina, vyuma vyosena vili mwakwoloka. Etu tukwechi vyuma vyosena vyosena kanawa. Etu tuli Liuka.” Kanda kashinganyeka chize. Yaah.

¹⁴¹ Shikaho ikiye ngwenyi, “Vyuma vyosena vili vya kwoloka. Vakiko nava kakinduluka mu myaka ivali. Chize chuma chachinde chinasoloka. Echi keshi chuma chakulikomokelako. Etu tukwechi chize. Nevukataneza mweza hano, oloze Kalunga ketu mwakatuzakamina.”

¹⁴² Oloze Lizu ngwalyo navakapwamo muze myaka sevete; chize chisemunwino chinahichi, kaha chisemunwino chikwavo. Myaka fote chikiko chisemunwino. “Echi chili nge visemunwino vivali namukapwamo muze.” Kaha Yelemiya ngwenyi echi chili kutesa na Lizu lya Kalunga.

Hananyiya ahokwele chize! Yelemiya ngwenyi, “Chosena chamwaza. Amena. Oloze, Hananyiya, echenu twanukenu echi, etu tuvavali tutupolofweto. Etu yetu vakakuzata.”

¹⁴³ Kaha Nguli nakuhanjika echi kuli enu, ndumbwami walunga. Echenu twanukenu kunapunga tupolofweto kunyima yetu, kaha vakiko vana polofwetanga ha mawangana, kaha vakiko vana polofwetanga havyuma vimwe. Oloze, anukenu, nge kapolofweto nahanjika vyuma vimwe, ikiye atela kupolofweta kutesa na Lizu. Nge Mikaya, na Mose, kaha navosena. Echi chatela kutesa na Lizu. Kachi kacheshi ngochoko, kahajino anukenu chasolokelenga ngachilihi.

¹⁴⁴ Kahajino, Hananyiya, uze utenu wenyi wakwoloka wakatukile. “Yami Hananyiya” (nakukakasana chiku), “kapolofweto ka Mwata, kaha Nangwamba ngwami, ‘Myaka ivali.’” Mujila ikwavo, “Kangwalizakamine mwose omwo lya hanjika Lizu.” Kuwavwishiwa chenye, “Nangwamba ngwami, ‘Myaka ivali, vakiko navakakinduluka.’”

¹⁴⁵ Yelemiya afumine kumeso ayikiye, alovokele nakuya, ngwenyi, “Mwata, Kangwalizakamine vize ikiye nahanjika, Ngwafwelela nakwimana kutachikiza chize chize nge Lizu

linahanjika shikaho. Yami nangutwama mumuchano kuli Ove. Yami kaveshi kunguhungumwisa kuli ikiyeko.”

¹⁴⁶ Kalunga ngwenyi, “Yako umulweke Hananyiya, ‘Yami nanguyi panga kufumisa kuchikungo cha fwelu, toka naizako.’” Mwomwo ikiye alingile chize, ikiye vamufumishile ha mavu, Hananyiya afwile, uze vene mwaka woumwe.

Haze ahakiko hali chitalilo chetu, tupolofwoto vose vavali. Shikaho vyuma vyavivulu vyetale kuhanjikaho na kuhanjika hali luno lwola.

¹⁴⁷ Oloze tala. Yesu ngwenyi, ngana, mumakumbi ano akumakumishilo, cheka, aze mashipilitu avali nawakapwa akulihata chikuma cheka. Echi chakwoloka? [Chikungulwilo ngwacho, “Amena.”—Muka.] Jino talisenu. Echi nachikapwa chakulihata kuhambakana nomu chapwile. Echi chikiko makumishilo a lwola. Mamalelo, vana! Kalunga atuwvile keke! Palanga, “Echi nachikapwa chakulifwana vene palanga nomu chinahase kuhungumwisa navaze vaku Sakula nge chahashile.” Jino enu namuya ngachilihi...kaha etu natuchambulula ngachilihi mumakumbi ano? Kaha namuya nakuchambulula ngachilihi mulikumbi lya lelo? Jila yoyimwe, twama na Lizu, “Yesu Kulishitu ikiye chochimwe zau, lelo, na hayamyaka.”

¹⁴⁸ Jino zakaminenu Mujimbu wosena ou. Kaha nge namwivulila ku tepu, chipwepamo Yami nagukaya likumbi limwe omwo Mwata mwakakumisa na yami hano hamavu, enu mukatalilenu hali echi. Iwvulilenu ku lizu lyami, omu Nguli nakumilweka enu. Kachi nge Ikiye mwangumbata yami shimbu kanda Ikiye Ezenga, kaha anukenu, Ngunahanjika kuli enu mu Lijina lya Mwata, ha Lizu lya Mwata. Eyo.

¹⁴⁹ Tachikizenu, “Nachikalihata chikuma hamwe chinahase kuhungumwisa navaze va Sakula kachi chahashile,” nachilinga vinjikizo vyovimwe, vikomwesa vyovimwe, ha Shipilitu youmwe. Echi cha kwoloka? [Chikungulwilo ngwacho, “Amena.”—Muka.] Chochimwe nge tupolofwoto vaze vapwileko vaze tunahanjikaho, tupolofwoto. Jino, nawa vachi soneka . . .

Echenu etu tupandumunenu, hali echi chimwe, kachi enu mwatondo, Chimoteu Wamuchivali 3. Echenu tuhone kuseza ou umwe. Kaha Kangwatondele ku . . .

¹⁵⁰ Nguli nakutala hali ize loloji haze, kaha Ngwa—Ngwakuzanga kusezako vimwe vyavivulu, kaha Ngwashinganyeka etu katwatela kuchilinga holyapwako jino. Talenu? Tachikizenu. Kaha . . .Kachi Yami nangwimana hano, kutukuchila nge omu Nguli yami, talenu, oloze Yami ngawahilila. Kaha Ngunatachikiza ngana nge echi chili muchano. Chimoteu Wamuchivali 3:8.

¹⁵¹ Paulu, uze lunga ambile ngwenyi, “Kachi Kangelo mwafuma Mwilu na kuhanjika kala lizu kuli enu keshi eli Ngwahanjikile, echenu apwenga wakwangula,” jino, Kangelo

kusuluka. Uze ukiko Tesolonyika Wamuchivali . . . Mamalelo, Mungukonekeleko.

¹⁵² Tachikizenu mu Chimoteu Wamuchivali 3:8. Tala Paulu kuhanjika jino. Echenu tuputuke nachi . . . Echenu tuputuke hakuputukila vesi, kaha iwvililenu jino mwiwvishise. Enu muli naji Mbimbiliya, tangenu nayami. Enu kamweshi naji Mbimbiliya, Iwvilillenu. Uze . . .

Tachikizenu echi nawa, ngana nge ku makumbi aku kuminyina . . .

Fundenuho haze, “makumbi aku kuminyina.” Haze omwo nachikaya nakusoloka.

. . . lwola lwa maukalu nawakeza. (Etu tuli mukiko.)

Mwomwo vathu navakapwa vakakulizanga vavene, kulitukujola, vaka kulitowesa, vaka kuliwvimba, vaka kusaula, vaka kulikanga kuli visemi javo, vaka kuzeneka kusakwilila, vaka kujiluluka,

¹⁵³ Talenu hali eli lizavu tuli nalyo lelo, lya kupola. Namuli muthu ali mujila, mukweze walunga, kukokela jikambu javo nakujishikumuna haluholo, na matombi nge pwevo. Kuchongonona! Vaka satome!

¹⁵⁴ Enu mwatanganga uno mwaka, mangajinyi ya *Reader's Digest* ya kakweji uno? Ngwayo, “Vathu vamu America va chisemunwino chino,” vaze Ngwashinganyeka vapwile, “mukachi ka twende na twende faifi myaka yakusemuka, vali lyehi naukala nge vali mukachi kamyaka yavo yakuyoya.” Vakiko vanakumu lyehi! Vakiko vana polo! Sayasi yinahanjika echi, uze muthu ali hakachi kakuyoya, na pwevo nawa, omwo navapwa kanda vahete mummyaka yakuheta ku twende. Mijimba yavo yinapu ya kupola lyehi na kuyihana kumajilo.

Mamalelo, America, omwonyi Kalunga atondanga kukuuva ove, oloze jino ola yove yineza! Ove watwaminyinenga kaye muma jilo.

. . . vaka kusaula, vaka kulikanga kuli visemi javo, vaka kuzeneka kusakwilila, vaka kujiluluka,

Vakuzeneka zangi, . . .

Zangi yamuchano yakuli zanga umwe namukwavo yauchi, lunga kuli pwevo, pwevo kuli lunga. “Na zangi yauchi.” Majilo, Usunda kaha!

. . . vakaukeya, vaka kuvangila vakwavo, vaka kuzeneka kushishika, vaka kutenuka chikuma, na vaka kuhunga vaze vamwenemwene,

¹⁵⁵ Mujila ikwavo, ngwenyi, “Enu lizavu lya vakakujila.” Umwe ahulile likumbi likwavo kwiza kuno ku liuka. Ngwenyi, “Kanda kanduka kuzeko. Chosena chinapu lizavu lyalinene lya vyema na kutwalilaho.”

Talenu, “vakusaula vase.”

Mbulumwene, vaka kuyutuka, vaka kulivwimba, vaka chiseke kuhambakana kumuzanga Kalunga;

Enu ngwenu, “Ndumbu walunga Branham, chize chikiko kuzachila hamwe.” Nyi vese ikwavo ngwavo?

Vakwechi kufwana kumukomoka kalunga, oloze (chumamuka?) kukana ngolo jacho: (lize Lizu, Yesu Kulishitu youmwe zau, na lelo, na hayamyaka, kusolola, luze lushiko lwa likumbi lya lelo) . . .

Chochimwe vene na Hananyiya, chochimwe vene na Zendekeya, chochimwe na Mbalamu, hanyima, na tupolofweto vakwavo vakwonga.

Kupwa nakufwana chakumukomoka kalunga, (wavakuwavisa . . . Talenu?)

Kupwa na kufwana, (wavakuwavisa, wakutongola vakakuzata . . .)

Kupwa na kufwana chakumukomoka kalunga, oloze kukana (nge Ikiye chochimwe zau, lelo, na . . . Kukana Lizu Lyenyi!)

¹⁵⁶ Nyi Yesu vamukanyine ngachilihi mulikumbi lize? Hiya vakanyine omwo vakanyine Yesu? Lize Lizu. Vakiko vapwile vakakulifukula. Vakiko vanangwilenga kufuma muji Mbimbiliya javo, oloze vakanyine lushiko Lizu lya likumbi lyavo.

¹⁵⁷ Vali veyo lelo? Chuma chochimwe, vakuvwavisa, kunangula Mujumbu wamwaza wa pendekosita, oloze kukana lushiko lwa lelo lize Lizu vananjikiza, “Yesu Kulishitu youmwe zau, lelo, na hayamyaka.” Enu mwachimono echi? [Chikungulwilo ngwacho, “Amena.”—Muka.]

Mwomwo ava vakiko vamwe vase veji kuli kuvembelanga muma zuvo, na kutwala . . . mapwevo vakuhulama vakulemuwa nashili, vatwaminyina naji jipeha jeka na jeka sezaseza,

¹⁵⁸ “Mazavu etu akutonga na *mungaji na mukananga* vyetu.” Muthu umwe ejile na kweseka kwalumuna Lizu mukuhenga, kaha kuhanjika echi, “Chili chosena chakwoloka, ndumbu wa pwevo, ove kupwa najikambu jajihi. Kanda kuhaka mangana kuli chileya. Talenu? Mokokoko, kachi ove—ove nauwvala *echi*; echi kacheshi *chize*, ‘china kufuma mukachi kamuchima chikiko nachimujilulula.’” Talenu? Kaha enu mutachikize enu vamiwawvisa na chuma chachipi, lwisu, shipilitu wamajilo? Zakama, ove unahase kwimba mulizavu lya vaka kwimba, na jikambu jajihi, oloze ulina shipilitu wamupi. Chize chakulimbakala na Lizu. Chize chakwoloka. Mukiko yinahanjika Mbimbiliya. Kaha ove ngwove, “Chamwaza, Ngweji kuvwala jiputula. Echi kachangupaisa yami ko.”

“Wosena owo, kachi pwevo mwawvala chuma chakupanda kulilunga, chinapu chaunyengwe kumeso a Kalunga.” Uze Kalunga wakuzeneka kwalumuka ahanjika chize.

¹⁵⁹ Mamalelo, shikaho vyuma vyavivulu, kaha etu natuya nakuvihita ngachilihi? Lwola lwetu naluhita. Oloze enu muneji chakutamo kutachikiza chize chakwoloka na chakuhenga. Kaha na Nguvalingisa ngachilihi kulinga echi? Nanguchilinga Yami ngachilihi echi? Kwamba, “Chamwaza, enu muli nakutambakana hachuma muka?” Yami nguchijiho hali enu. Likumbi limwe, ha Likumbi lya Kusopesa, enu kamweshi kapwa na mbango yakwingilamoko.

¹⁶⁰ Mujila yimwe yili Mikaya mwahonesa chize? Nyi Mose, kutambakana, kweseka kuhonesa chize? Kaha Yoshiwa na vakiko kulaha mukachi kavathu? Kaha nava Levi akokele poko yauvela kuvali, na kuvajiha vakiko, ndolokoto? Vakiko va twalileho mwomumwe.

¹⁶¹ Echi vachipolofwetele nge vakiko navakaya nakuchilinga chize. Kaha vakiko nava kaya nakuchilinga, mwomwo chili MWANAMBE MWATA vakiko navakachilinga. Enu munashinganyeka ngwenu vikungulwilo navihokoka, vikungulwilo vyavo kukinduluka ku Lizu? Echi chili MWANAMBE MWATA, vakiko kavechi kuhasako! Navahasa vakiko kuya muli mukakole wa kulishitu? Muchanovene. Echi chili MWANAMBE MWATA, vakiko navahasa! “Shikaho muli nakuhanjika ika hali echi?” Ngwatela kupwa nguchinjiho, kaha nayenu nawa, vakakufwelela vosena. Tala.

*...kutwala mapwevo vakuhulama vakulemuwa
na...jipeha jeka na jeka,*

“Chamwaza, mapwevo vosena mukiko valinga.” Tupolofweto va kwonga! Jino iwvililenu. Tupolofweto va kwonga, Ava nguli nakuhanjika ho. Jino chuma muka navakalingaho mumakumbi akumakumishilo?

*...kutwala mapwevo vakuhulama...vakuya na
jipeha jeka na jeka,*

“Chamwaza, Ngunatachikiza mapwevo vosena...” Chosena chakwoloka, twalilaho kuya kulutwe.

¹⁶² Chuma muka Nangwamba shimbu kanda chuma chachinene muno kusoloka mu California? “Enu vathu muli muno mu Los Angeles, myaka yosena omwo Ngweji kwizanga kuno mapwevo vakuteula jikambu vanakuvulilako na malunga vakuzeya kuhambakana kunyima, vakakutangisa vavavulu kuya nakwingila mumazavu. Enu kamweshi naha hakulipekelako! Kachi milimo yayinene vayizachile mu Satome na Ngomola vanyilingile muli enu, kachi liliko na lelo. Mamalelo, Kapelenawu, chipwe walisanyika na lijina lya vangelo, Los Angeles!” Talenu chumamuka chili nakusoloka? Ikiye alinakuya nakushikumuka kwishi ya kalungalwiji. Omwo?

Kangwatachikijile omwo echi nachiya nakupwa, oloze nachiya nakupwa. Enu vakweze ja vathu, kachi Nangukachihona kuchimona mulikumbi lyami, enu katalenu. Ikiye nanyi!

Vaka kulinagula chikuma, . . . oloze vahona kuheta kukutachikiza muchano.

Jino hano hali chuma chakulikomokela, hano hakiko hali chihanda cha kulikomokela. Iwvililenu kuli echi.

Kaha nge muze vamwimwinyinyine Mose nakole kuli Yane na Yambele, ngocho nawa muveji kwimanyinanga muchano navava nawa nakole: vakiko vathu vanalyenyeka lyehi, mumichima vakana lyehi kulufwelelo luze vahana kamwe kunahu kuli vakakujila, omwovene.

“Kutwala ku Lufwelelo.” “Kaha ikiye mwakalumuna Lufwelelo lwa masevo, chipwe lwa vana, kukindulwisa ku masevo.”

¹⁶³ “Vavakana lyehi kutwala ku Lufwelelo.” Huu! Enu munatachikiza *vavakana lyehi* omu chalumbunukila? Kachi muli na Mbimbiliya ya Scofield, haze hatwama ka *h* haze vene. Haze vene, ngwayo, “kalumbunwiso.” Kaze kalumbunwiso, kakiko kaze.

¹⁶⁴ Jino, muyutu kaha. Ngwakutonda kutala hachuma chimwe hano. Ngwashinganyeka Ngwasonekanga hamwe hano. Yami kangwakunukileko, oloze Ngwakutonda kuchihanjika echi, kaha chitalenu echi shimbu kanda Ngu—Nguchihanjike echi. Kaha, munyutu kaha. [Hatepu hapimbi—Muka.] “Vavakana lyehi kutwala ku Muchano, kutwala ku Lufwelelo.” “Luze Lufwelelo,” kuze kuli Lufwelelo lumwe kaha. Chize chakwoloka. “Kutwala ku Lufwelelo, vakana lyehi!”

Jino Ngwakutonda kutanga Luka 18. Munyutu kaha. Enu kamweshi. . . . Enu munahase kuusoneka; enu kamwatela kuutanga ko.

Avetelele chishimo nakuvalwezomu chatela vakiko kuli vakiko nakumakumishilo, kulombanga makumbi osena, nakuzeneka . . . kuzeya;

Ngwenyi—ngwenyi, Kwimbo limwe kwapwile mukakuyula, ikiye kamwivwilenga Kalunga womako, kaha kakomokelenga mutuko:

Kwimbo lize kwapwile pwevo watuliwe mu limbo lyo limwe; kaha uze pwevo ejilenga kuli ikiye, nakumwamba ngwenyi, Nguyulile kuli muka mulonga wami.

Makumbi amwe—ketavileko: oloze hakukuminyina alyambile mumuchima wenyi ngwenyi, Chipwe Kangwa mwirwa Kalunga womako, chipwe kukomoka muthu;

Oloze mwomwou pwevo watuliwe eji kungu yanjisanga, shikaho Nangumunyulila kuli muka mulonga wenyi, kuchina...mwezanga lika nakungukatalisa.

Kaha Mwata ambile ngwenyi, Iwenu omu nambe uze mukakuyula wakuhenga.

Kaha Kalunga keshi kukavayulilako numba...vatu jenyi a sakula, ava veji kumutambikanga kuli ikiye musana naufuku, chipwe hali vakiko mwatalila chikoki?

Nangumilweza ngwami mwavanyulila washi vene. Oloze chipwe ngocho omu mwakeza Mwana muthu, lufwelelo mwakaluwana hano hamavu tahi?

¹⁶⁵ Jino chize chikiko chihula. Hano hakiko Ngwatondanga kuya: Mu Kusoloka 10 (Etu natwingila mukiko mumunyutu yayindende, ku vese ya Chisoneka, chikwavo.), Ikiye ngwenyi, “Mu makumbi a Mujimbu wa kangelo wamuchi seveni, aze mangana akuswama a Kalunga atela kukuma.” Hano hali chihula, echi, kachi enu namukavangiza muze mumufunda wa ola yino, *nachiya* namukuma? “Nangu Kawana Lufwelelo?” Kutala Malaki 4 mwazalishiwa muluno lwola, “Kukindulwisa Lufwelelo lwa vana, kukinduluka ku Lufwelelo lwa visemi javo, kumaputukilo, lize Lizu”? Talenu?

¹⁶⁶ “Vakukana, Yamble na Yane, nge omu vamwimanyinyine.” Jino, nawa, ivwililenu, Chimoteu Wamuchivali 3:8. “Nge Yan-...vamwimanyinyine Mose, ngocho na kumakumbi akukuminyina vovamwe vakukana navakeza,” jino talenu haze Yahanjika hano, “vakwechi kumufwana chakumukomoka kalunga,” vakuwawwisa. Jino echenu kaha...Enu kindulukenu kunyima na—na kutanga omwo namuya kwimbo, shikaho Nguhase kukumisa evi, chimene chino, kachi Nanguhasa. “Vakana kuvuluka...” Keshi vakana—mu—mu kuyoya; vakiko vali kanawa, vathu vakulilongesa kanawa.

¹⁶⁷ Jino tachikizenu, omwo Mose akindulukile ku Ejipitu, na mujimbu wa MWANAMBE MWATA, kaha apwile wa kwinjikiza; kusanyika hali Isalele, vase vapwilenga vathu, keshi liuka ko. Isalele vapwile vathu; vakiko kanda vapweho lyehi liuka. Mwomwo, lizu lyakuvuluka *liuka* lyalumbunukila kupwa “vamwe vakusanyika na vakulovaka.” Vakiko vapwile vathu ja Kalunga. Jinonyi omwo vakiko veji nakupwa vakuwavisa na Lizu, vakusanyika na kulovoka, vakiko veji kupwa liuka lya Kalunga. Kaha jinonyi vaholokele, mwomwo vahonene kufwelela Lizu lya Kalunga, na kwivwulila kapolofweto wakwonga. Ngunafwelela ocho chinengila.

¹⁶⁸ Isalele, kupwa vathu ja Kalunga, alovokele nalivoko lya Kalunga, wakuwawwisa na Lizu...na Ngolo ja Kalunga, kumona vinjikizo na vikomwesa vya Kalunga. Kaha omu

Kalunga omu apwilenga nakutambuka navo, kapolofweto wakwonga ejile nakwingila, wakuwawwisa, kaha anangwile vyuma vya kulimbalaka na Lizu lya Kalunga lya kumaputukilo lize vevwile; kaha vaze vosena vanongele mupambo, kusalaho watu watatu. Jino kwatenu echi.

¹⁶⁹ “Ngemuze chapwile mumakumbi a Nowa, muze mwapwile myono eyiti kaha vakiko vavalwilile na meya, shikaho mukiko nachikapwa nahakwiza cha Mwana muthu.” “Ngemuze chapwile mumakumbi a Lote, muze watatu kaha valovokele mu Satome, shikaho mukiko nachikapwa na halwola luze omwo nava kamusolola Mwana muthu.” Ngulina kumbata kaha Chisoneka, Lizu lya Mwata, lili, “Melu na mavu navika hita . . .” Echi cha va vavandende!

¹⁷⁰ Tachikizenu hano. Mose mwaya kuli Alone. Mose atelele kupwa Kalunga. Kalunga amulwekele kupwa Kalunga, ambile ngwenyi, “Ove upwenga Kalunga, echa Alone ou ndumbwove walunga apwenga kapolofweto kove. Ove nauhakanga mazu mukanwa kenya kachi nauhanjika kanawa.” Ngwenyi, “Oloze hiya atengele muthu kupwa kamama? Hiya atengele muthu numba ahanjike?” Uze Mawata achilingile.

¹⁷¹ Kaha atambukile nakuya kuze. Ikiye akalingile ika? Ikiye akazachile chikomwesa chamuchano chize vumulwekele kuli Kalunga kulinga. Kalunga amulwezele ikiye, “Yako umbile mukombo wove hamavu.” Ukatule helu, kaha apwile linoka. Ikiye aukwachile, walumukile kupwa mukombo cheka. Ngwenyi, “Yako nacho kumeso a Fwalo, kaha kambe ngwove, ‘MWANAMBE MWATA.’”

¹⁷² Kaha omwo Fwalo achimwene echi, etu ngwetu, “Mwomwoika, kafuta kamukatufuta kamokomoko.” Ngwenyi, “Kakweshi chuma kuli echi. Echi chili kutangula chipwe chuma chimwe, munejiva. Etu tukwechi vakweze mulizavu lyetu vanahase kulinga chuma chochimwe. ‘Twaya hano, Kalama *Kananga na kananga*. Kaha, enu, enu lovokenu twayenu hano.’ Etu tuvakwechi vakiko kaha tunahase kulinga chuma chochimwe.” Uze apwile Satana kuhanjika kuli Fwalo.

Uze apwile Kalunga kuhanjika kuhichila muli Mose.

¹⁷³ Oloze tala ou mukweze kulovoka nakwiza. Yane na Yambela valovokele na kuya kuli Mose, kaha nawa muchivulu cha vathu, kaha nakuzata vikomwesa vize Mose ahashile kulinga. “Vakiko kachi vahashile na kuhungumwisa vaku Sakula kachi chahashile.” Chize chakwoloka? Kuzata vyuma vyovimwe vize Mose alingile. Enu kwatenu echi? Jino anukenu, chili MWANAMBE CHISONEKA, kaha echi nachika kindulukilaho cheka mumakumbi akumakumishilo.

Kaha chihandwa muka chili hakachi ka Mose na Yambela?

Mose ngwenyi, “Echenu manyinga azenga mumeya.”

Kaha ava tupulofweto va kwonga ngwavo, “Punduvene, etu natuhaka manyinga mumeya, netu nawa.” Kaha echi chasolokele.

Shikaho Mose ngwenyi, “Echenu kuze kwizenga vajiji.” Apwile nakuvawana kulihi? Kufuma vene kuli Kalunga. Talenu?

Kaha ikiye alingile chuma muka? Ikiye ngwenyi, “Chamwaza, punduvene, nayetu natuneha vajiji, na yetu nawa.” Kaha vakiko vachilingile echi. Kala chikomwesa Mose ahashile kulinga, vakiko vahashile kulinga, nawa!

¹⁷⁴ Anukenu, lamenu echi mivishinganyeka vyenu, etu tuli nakwiza kuli echi, hanyima yachize. Vakiko vahashile kulinga kala chuma vakwavo veka vahashile kulinga, oloze kavahashile kutwama na Lizu ko. Vakiko kavahashile kutwama na Lizu ko.

¹⁷⁵ Jino tachikizenu, vakiko valingile echi. Oloze Mose, kapulofweto wakutuma kufuma kuli Kalunga, wakutuma kuli Kalunga, ikiye kalipikile navakiko, ngwenyi, “Hano, ove kaweshi kuhasa kulinga chize ko! Ove kaweshi kuhasako!” Ikiye avechele ukawavo, vechenu vatwalileho. Vakiko vapwile tupulofweto valizavu, oloze twalilaho.

¹⁷⁶ Mose atwalileho, kwivwilila kuli Kalunga. Kalachose Kalunga ambile, “Jino enu lingenu *echi*,” Mose anyile na kuchilinga. Ikiye alingile chuma chachihya. Omwo vakiko valingile, vosena na vakiko vapwile na vyakwivwa mumujimba na vyuma vyangocho, vakiko vejile. Vakiko vachilingile echi, nawa, mwamuzevene ngemuze alingile Mose.

¹⁷⁷ Jino tachikizenu. Ava vakweze vasolokele. . . Mamalelo, enu vathu, kanda echi chimihite enuko! Ava vakakuhungumwisa, vaka kulifwanyisa, vasolokele hanyima yauze umwe wamuchano nalivange kuya chakulivanga. Talenu? Vakiko kwiza na kufwanyisa. Talenu, vakiko vatela kupwa. Uze liyavolo katenga chuma nachimwe ko; ikiye apwa kaha mukakuchongonona chumachivene.

Kaha shili chuma muka? Yapwa kwoloka vana chongonona. Ujila chuma muka? Chilinga cha kwoloka vana chongonona. Makuli chuma muka? Muchano unahono kwimana kanawa. Kuchongonona!

¹⁷⁸ Tala hali Hananyiya, waku chongonona Lizu lya kuputuka. Tala hali Mbalamu, waku chongonona Lizu lya kuputuka. Tala hali Zendekiya, uze waku chongonona Lizu lya kuputuka.

Kaha Mbimbiliya ngwayo ava vakweze navakeza nakulovoka, hanyima ya ku chongono. . . chipwe ku chongonona Lizu lya kuputuka lya kwinjikijiwa na kwijikiza kupwa Muchano.

¹⁷⁹ “Zata mulimo wa mukakwambulula,” mu mbango yize, “iyinjikiza mulimo wove. Mwowmo lwola nalukeza omu navakahona kwivwilila Kunangula chachikangule, oloze

hakufwila chavo vavene navakalilunjikila vakakuvanangula myaya kufwila chavo vavene, hakupwa na matwitwi akuzwa; kaha hinavaya kulutwe na kulinga kalachuma vakiko vanakutonda ku, na, ‘Chili chosena chakwoloka, etu tuli navinjikizo vyovimwe na vikomwesa.’ Kaha navakalumuka kufuma ku Muchano, na kuvaneha mu vishimo, kunangula chavatu.”

¹⁸⁰ Mamalelo, kwivwakanyisa cha Shipilitu Wajila, chize kulovoka chize china kukwatanga mumono wa muthu omwo ikiye mwemana nakushinganyeka omwo uli muchano na kupwa hatoma chili kulutwe lwetu! Fula lize lilolwa lya mumbango hano kaha tangenu halipapilo lize vahaka muze, mwahichi myaka setiseli. Talenu omu Ahanjikile haze kuze mu—ha Mujila ya Seveni, chimene chize omu lilwola lya mumbango omu valyalile. Jino talenu echi. Tala hano ha kalwiji, omwo Kangelo ka Mwata ejile mushifwanyisa cha Panda ya Mulangi wakakahya, mauka handulendi, chipwe vathu va liuka, kwimana haze hatunda; omu Ikiye ambile, talenu kachi nachiza nakusoloka. Talenu omu chasolokele.

¹⁸¹ Chili chachikalu. Ngunejiva chakusoloka chachikalu, vandumbwami, okwo muli. Oloze chili. . .Ize Mbimbilinya ngwayo, Yesu Ivene ngwenyi, “Echi chinahase kuhungumwisa navaze vaku Sakula kachi nge chahashile.” Kakweshi jila yekako. Vakiko kaveshi kuhasa kumona Echi. Kachi nge chahashile, uze vene waku Sakula kachi nava muhungumwisa nachize.

¹⁸² Tachikizenu, vaze vakweze vasolokele hanyima yauze wakatuma wakuwawwisa wa muchano wa Kalunga; hali kapolofweto Kenya wa muchano, Mose. Kaha omwo Mose alingilenga chuma chimwe, vakiko navachifwanyisako.

¹⁸³ Jino, ndumbu walunga, ndumbu wapwevo, Ngwa. . .Eli lili liuka lyami. Ngulinalusesa lwa kunangula vyose Ngwatondo, chachikalu kaha chili nakufuma mu Lizu lya Kalunga. Kaha Kangweshi kumipaisa enu vatuko, oloze echenu tutondenu luze lwola na ola etu tuli na kuyoyela.

¹⁸⁴ Kumeneka kufuma kuli Ndumbu walunga Ruddell, kuli Swana Jackson, na vosena vali kuno, mauka a ndumbu walunga. Ngwawa vulyama, kunyima tuhu. Ngwafwelela navakiko nawa valinakwivulila chimene chino, nawa, mwomwo ya—ya kuhona kapete mu liuka.

¹⁸⁵ Shinganyeka hali echijino, ha munyutu kaha. Vakiko valingile vikomwesa vyovimwe vize alingile Mose. Mose anehele vajiji; vakiko vafwanyishileko kaha vanehele vajiji. Talenu?

Kalunga ngwenyi, “Lize likumbi naukalyako, likiko likumbi naukafwa.”

¹⁸⁶ Satana kwiza nakwamba ngwenyi, “Punduvene, kamweshi kukafwako. Enu namupwa kaha vakuzangama. Enu namupwa

na lizavu lya mwaza, lya mwaza...” Munejiva. “Munejiva, vyuma vyosena navikapwa vya mwaza nayenu, namupwa na Kumunyika chikuma.” Talenu, chapwile kuchongonona. Kutela...

¹⁸⁷ Kaha anukenu, MWANAMBE MWATA, kutesa na Chimoteu Wamuchivali 3:18, ngana, “Mumakumbi akukuminyina, ngana nge ava va Yambele na Yane navakapwa hamavu.” Jino, Ngwakutonda enu kutalisa ava vavali, talenu, vakakulifwayisa.

¹⁸⁸ Jino etu natukinduluka nakuya ku Satome, hanyima yachechi, jize jinambala jitatu, kuwana Vangelo vatatu vejile kuze, na kumona kulifwanyisa, na vyangocho, talenu, talenu chili chakwoloka na chakuhenga. Talenu? Talenu?

¹⁸⁹ Tachikizenu, vakiko valingile valingile vikomwesa vyovimwe. Oloze, tachikizenu, vakiko valifwanyishile ha Lizu lya muchano lize lya kuwavwisa, hali umwe wa muchano uze Kalunga atumine; kukavangiza, kamuchivali.

¹⁹⁰ Ngwalikomokela nge etu natushinganyekaho ha munyutu. Kumbata vathu halivoko, keshi kunyima chikumako, munahichi kaha myaka twende, kaha chinjikizo chasolokele. Kanyike walunga, kuze kwasolokele vinjikizo vyavivulu kulimwanga kwosena, kaha muthu wosena. . . Umwe apwile nacho mulivoko lyenyi lya chilyo; umwe apwile nalyo mulivoko lya chimoswe; umwe achinukilile echi. Talenu, vyosena vyamuyachi. . . Kaha Ngwalikomokela. . . Kalunga keshi kwechela yami kumilweza lwola luno muchano wapwileko, oloze likumbi limwe namukachiwana. Chize chapwile kaha chakulingisa uleya wavo usoloke. Chize keshi cha kwolokako, ha kuputuka. Nangumilweza enu, likumbi limwe, kachi nge Mwata netava.

¹⁹¹ Tachikizenu, vakiko valingile vikomwesa vyovimwe, oloze vakiko kavahashileko. . . Tachikizenu, vakiko kavahashile kulingako palanga nomu Lizu lya maputukilo lya lovokele nakuya, chatete. Ize ikiko jila Satana alingile mulitepa lya Milemba. Ize ikiko jila ikiye eji kulinganga lwola lwosena. Hiya watete kupolofweta? Mose. Hiya watete kwiza, Mose mokomoko Mbalamu? Mose. Hiya watete kwiza, Yelemiya mokomoko Hananyiya? Mwamono omwo Ngwatwale?

¹⁹² Tachikizenu, vakiko valondezezele. Vaka kulifwanyisa va chisemwa, vakushishika, kushinganyeka vakiko nge “valikumulingila Kalunga mulimo,” nge omu alingile Ndavichi, mulungu wapwangaho, oloze vaka kulifwanyisa va chisemwa. Yami nguli nakuvandamina munyutu kaha. Ngwakutonda enu mushinganyeke mukachi kavihela evi. Kachi Nanguhona kuhanjika echi, punduvene Shipilitu Wajila mwachisolola echi, chikumanyi kuli vakaku Sakula. Talenu?

¹⁹³ Chikungulwilo cha Fwalo ngwacho, “Etu tuli na muthu nahase kulinga chochimwe,” kaha vachilingile echi. Talenu? Mwomwoika Fwalo alingile echi? Mwomwoika Kalunga

achitavishile echi? Mwomwoika Kalunga mwahasa kutuma wamuchano, kapolofweto wa kuwavwisa kuya kuze nakulinga vinjikizo kumeso a Fwalo, kaha kwechela vikungulwilo kulondezeza na kulondezeza chize kumeso avathu? Mwomwoika Ikiye mwahasa kwitavila muka kufwanyisa kukatuka nakulinga echi, na kulinga mwomumwe mwa mwenemwene nge Shipilitu ya Kalunga alingile? Talenu, chize Chisoneka chatela kuzalishiwa.

¹⁹⁴ Tachikizenu, Ikiye alingile chize mangana Ikiye akakamise muchima wa Fwalo nava Ejipitu, kwijikiza nge Mose keshi ikiye kaha ukawenyi ali na Lizu ko. Vakiko vanahase kulinga mwomumwe nge Mose omu alingilenga.

¹⁹⁵ Kaha mwomwoika Kalunga etavile echi kusoloka mumakumbi akukuminyina? Shikaho, chochimwe nge uze shipilitu wa kwonga ahanjikile kuli Zendekiya, “Natuya ngachilihi nakumbata Ahave kumufumisa muze, kulingisa evi kusoloka?” Mwaya ngachilihi Ikiye na kumbata ava vatu, va kufwelela mu mauka avo, kwiza kuno mangana chize chikasoloke, chize Ikiye apolofwetele? Vakiko, muno Muliuka lya Chisemunwino cha Lauchiseya, “Mwomwo ove ngwove wapwa ‘ulihando, kawahona chumako. Ngwatwama nge mwangana wapwevo.’ Kangwatonda chumako! Tachikiza ngwove ove yove umakuhutwa, wamokomoko, kapuputa? Kaha nangumilweza mangana awa ngwami twaya ulande kuli Yami,” Ikiye ngwenyi, “maji na ulu.” Mwomwoika Ikiye alingile echi?

¹⁹⁶ Mwomwoika Ikiye etavijile kulifwanyisa kukatuka muno mumakumbi akumakumishilo, ohonyi vyuma evi naviza kasoloka na Lizu lya muchano lya Kalunga; kaha etavile vaka kulifwanyisa kwiza na kulinga vyuma vyovimwe, kaha nakukana Lizu lya muchano lya Kalunga? Ikiye achilingilile hali Mose. Kaha Fwalo achilingile kuhonesa Mose; kaha vaze, va Yane na Yambela, vachilingile kuhonesa Mose. Kaha Mbimbiliya ngwayo chize nachika hiluka cheka mumakumbi akukuminyina. Yetu vano hano. Jino, kachi chize kacheshi Chisoneka chinazalishiwa, kaha chilikulihi?

¹⁹⁷ Kumana Mose alipikile navo jipami na kwamba ngwenyi, “Hano! Hano! Enu kamwatela kulinga muzeko. Yami kaha ukawami vatongwela kulinga chize. Hano! Enu echenu chize, hano vene?” Ikiye avechele vayenga.

¹⁹⁸ Echenu vakiko vayenga. Anukenu, Mbimbiliya ngwayo, “Omwo uze uleya wavo wasolokele, chochimwe muna vakasoloka ava wavo kusoloka mulikumbi lya kukuminyina,” omwo Mwenga nava kamuhukula na kumumbata nakutwala muutangatanga. Tachikizenu.

Mose, uze kusoloka cha muchano cha Lizu, kahanjikile chuma chimweko, echele kaha viyenga. Oloze Ikiye achilingile

chize mangana Ikiye akakamise muchima wa Fwalo, kuhungumwisa Fwalo.

¹⁹⁹ Ikiye alingile chuma chochimwe mangana Ikiye ahase kuhungumwisa Ahave. Kaha kaze kakandende kemanyine ukawako, Mikaya wamundende, kuvalweza vakiko, “MWANAMBE MWATA.” Kwemanyine umwe weka, wakuwawisa, “MWANAMBE MWATA.” Kaha chakulimbalaka, kuli umwe na mukwavo.

²⁰⁰ Etu tunemana lelo na MWANAMBE MWATA, nge kujimika chamu meya mumakumbi akukuminyina chatela kupwa mu Lijina Iya Yesu Kulishitu. Kaha umwe emanyine na kuzata vikomwesa, kaha, Vakatulunga vatatu.

²⁰¹ Ngulwezenu lizu Iya *tulunga vatatu* mu Mbimbiliya. Ngulwezenu yami kuze kwatama Kalunga vatatu. Ngulwezenu yami kwatwama vyamuyachi vyangocho. Echi kacheshi mu Lizu Iya Kalunga. Kakweshi muthu umwe vajimika Iyehi mu Ijina Iya “Tata, Mwana, Shipilitu Wajila,” kuzachisa yize mitwe. Vyuma vyosena evi, “Mamalelo, vili vya kwoloka, va ndumbu va wapwevo. Chize cha kwoloka, kupwa kaha kusuwa... jikambu jenu jajihi. Chize cha kwoloka, enu kamwatela kulinga *echi, chize*, mokomoko *chikwavo*. Mamalelo, chize chinapu chakuzeneka mangana, mbundu yamwaka.”

²⁰² Oloze ize Mbimbiliya ngwayo! Kaha Ikiye ashikile, “Mu makumbi akumakumishilo, Ikiye mwakatuma Shipilitu ya Elija, kaha mwakasanyika vathu, vana va Kalunga, kukinduluka kuputuka cha Lufwelelo nge omu Iwapwile kukuputuka, cha Lizu.” Lize Lizu venjikijile, Mwana muthu mumakumbi amakumishilo, chochimwe nge omu chapwile mu Satome; zau, lelo, na haya myaka. Ikiye ashikile kuchilinga echi. Echi chili kushika cha Kalunga. Echi chili MWANAMBE MWATA.

Tachikizenu, vakiko valingile chuma chochimwe, nachize alingile Mose, palanga nomu Kalunga atambwile chakutamo.

²⁰³ Jino anukenu, chili MWANAMBE MWATA, palanga nomuchineza nakuhita mulikumbi lino. Jino, tondatondenu mukaye kosena; mbatenu kachuma kosena, mbatenu muyachi wosena, mbatenu muthu wosena, mbatenu liuka Iyosena! Ngunamilweke enu, mu Lijina Iya Kulishitu, kulinga eechi, enu vakakunangula. Ngunamilwekeenu tangenu mapepa a mijimbu mokomoko hakenuko kutachikiza kala kwosena enu munatondo kuya, kaha mutale kachi echi kacheshi hamavu hano veneko. Talenu?

²⁰⁴ Jinonyi, Mateu 24:24 ili ya kwoloka. “Kwonga, vakuwavisa navakakatuka kumakumbi akukuminyina, kaha navakapwa tupolofweto va kwonga, kaha nava kahungumwisa vavavulu.” Tala muchifwanyisa jino, nge omu chejile jino, talenu, “Navaka hungumwisa vavavulu.” “Tupolofweto,” vavavulu; “Vakulishitu,” vakuwavisa, vavavulu; vavavulu va

kulihandununa, va Mesondisiti, munejiva, na Mbaputishiti, nava Pendekosita, nava kwavo. Talenu?

Oloze kuli umwe muka Kulishitu wamwenemwene, Shipilitu, kaha lize lili Lizu lyejile mumujimba nge Ikiye omu ashikile echi.

Jino etu natuya kulutwe chindende, ku Visoneka vikwavo.

Palanga, Kalunga atambwile cha kutamo, kahajino chahichile. Uleya wavo wasolokele.

²⁰⁵ Tachikizenu. Anukenu, chize chiyawu chasoloka nge linona lya tiliku. Talenu? Jino, enu kamweshi kuhanjika, kunyima kuze kuchisemunuino cha Luteleni, “chisachi chapwile tiliku,” oloze chapwile na Chiyoyelo muchikiko. Chisachi chili chakwoloka, Chiyoyelo muchisachi chili chakwoloka, oloze, anukenu, chize Chiyoyelo kutwalilaho kulutwe; kutwalilaho kufuma kuli Elisha kutwala kuli Elija. Chize Chiyoyelo chatwalileho. Oloze, anukenu, echi chili museteko yikwavo. Echi kacheshi kusala muli eyi seteko. Etu katweshi kulya mufu wachisemunwino chikwavo. Etu katweshi kulya mufu wava Pendekosita, Mesondisiti, mokomoko Mbaputishti. Talenu, napu lyehi mufu. Etu tukwechi Kulya chituta, lize Lizu lya ola, na vyangocho.

²⁰⁶ Anukenu, chize chiyawu chili vene nge linona lya tiliku. Enu kamweshi. . . Kalyasolokele nge kamwanako, kalyasolokele nge jisanguko, oloze chasolokele mu chiyawu. Kalyasolokele nge. . . Yesu Kulishitu chochimwe zau, muli Luta; kachasolokele nge omu chapwile muli Wesley; mwomwo chili chochimwe na Pendekosita, “kaha kuhungumwisa navaze vaku Sakula nge chahashile.” Talenu? Chize chikiko chisemunwino chove.

²⁰⁷ Oloze anukenu, lize liuka lya Pendekosita, mumakumbi akumakumishilo, apwile Lauchiseya; kaha Kulishitu vamuhangilile kuweluka, va Linona livene, ize Tiliku, Ivene. Omwo esekele Ikiye kweseka. . . Anukenu, omwo Ikiye esekele kulisolola Ivene muliuka, Ikiye vamufumishilemo. Oloze lyapwile lika liuka, kulivuluka kupwa; wakuwawwisa.

²⁰⁸ Oloze *hano* hali Lizu, Kulishitu Ivene, kuwawwisa uze mwakejila Mujimba Wenyi wosena, uze Mwenga. Uze wakuwawwisa, aze meya amwe aze apwile kutiliku, nge muze twahanjikile, apwile nawa na hali mwila, vase wakuwawwisa. Kuvanga vaku Sakula, mokomoko va kutongola, navahasa kutachikiza chihandwa mukachikavo. Jino, Efwesu 5:1 amilweka enu ngocho, kaha nomu chapwile.

²⁰⁹ Vakiko vali vamwe wakuwawwisa. Wosena ambe ngwenyi, “Upahu kuli Kalunga! Etu tukwechi kukasunuka kufuma hano. Haleluya! Etu. . . Mamalelo, haleluya! Etu tweji kuhanjikanga mumalimi, na kutumbuka. Etu tukwechi kukasanuka cha mapwevo; enu vathu muli nakweseka vakiko kuvahaka mwishi yavyuma evi.” Talenu? Twalilenuho kuya. Kakwechi chuma namuhasa kulingako. Ngwenu, “Chamwaza, etu tweji

kuhanjikanga mumalimi. Etu twechi kutambakana. Etu twechikukinanga mu Shipilitu. Etu twechi kunangula Lizu.” Mukikovene. Keshi chuma chakuhanjika kahoko. Shikaho navakiko muvalingile ava malunga vakunyima mu Mbimbiliya.

Yesu ngwenyi, “Echi chinahase kuhungumwisa navaze vaku Sakula kachi cha hashile, navaze vaku Sakula.”

²¹⁰ Jino tachikizenu, chize chiyawu. . . Chakufuma ku Linona lya kuputu kilako, Linona lize lyengilile mu mavu, Echi kachapwile lizavu lya vathuko. Lize lyapwile Linona limwe, Mulivene. Oloze omwo lya lovokele, kalyapwile Linonako; lize lyapwile lizavu, talenu, mafwo, chihungu.

Kahajino Echi chayile nakwingila mu seteko yikwavo, chikiko chapwilenga jisangu. Chochimwe kachapwile nge omu lyapwile kukuputukako. Lize lyapwilenga lizavu.

²¹¹ Chize chayile nakupwa chiyawu, na mafwo amavulu, Pendekosita, holo chili vene nge chakufumba. Tala hali echi. Chinakuli fumba lwola lwosena, chili vene nge chochimwe, kusoloka nge Linona lya tiliku omwo nautala hali chize chiyawu chachindende haze.

²¹² Oloze makumishilo Echi chasolokele, kaha lizavu lyauchi. Kuze kakwechi vakakumbachilako. Lizavu vapwa kaha vakakumbachila. Kakwechi vakakumbachilako; chize chisachi chatela kufwa, chize chisachi chatela kufwa, kaha vyosena vyatela kufwa, oloze tiliku yitwalileho kuyoya. Uze mujimba wavakusanguka, kwiza nakuva kumbata. “Vaze vakakukuminyina navakapwa vakakulivanga, kaha vaze vakulivanga navakapwa vakukuminyina.” Talenu, kuvambata vakiko mukusanguka. Muli nakuvangiza echi? [Chikungulwilo ngwacho, “Amena.”—Muka.] Chosena chakwoloka. Tachikizenu, lize linona lili. . .

²¹³ Chize chiyawu chinasoloka vene nge linona. Kaha muthu atwama na wande wa tiliku, chipwe chuma cheka, nahase kutala na kwamba ngwenyi, “Kwalisa Kalunga, Nguli na mbuto ya tiliku,” ohonyi ikiye keshi na tilikuko. Hoo? Nyi nasoloka vene nge tiliku, oloze chili chiyawu.

²¹⁴ Jino, masepa, yenu hamwe nayami. Kuli kwalivangilile kufuma kuhizumuka, hanyima (ya kufwa) makumbi aze omwo linona lya tiliku lya holokelele hamavu, uze Mujimba, uze Mwenga wa Kulishitu? Kulishitu awahishile Mwenga Wenyi, echi chakwoloka, Liuka Lyenyi? Ikiye kanda lyehi alivwasane mulizavu Eli; Ikiye ahakile kaha vamwe kupwa vapositolo, na vapolofweto, na vangocho, mu Liuka, kulilama Eli lipwenga litoma. Oloze ku Nicaea, ku Loma, kufuma ha myaka yukuheta ku seli handulendi na sikisi, vakiko valivwasanyine mu lizavu nakutunga lizavu kufuma haze. Echi cha kwoloka? Kaha lyafwile. Kalachuma chahonene kulivwasana nalize

liuka vachijihile. Kaha chatwamine vene ngocho, mu myaka handulendi, mumajilo.

²¹⁵ Oloze, hanyima tuthu, chejile kuli Luther. Uze kamutango kakandende mbuto. Uze wamuchivali, kalovokele na kafumina haze. Vakiko vatwalileho, vapwile na Zwingili na vangocho, na mazavu akwavo na vyangocho. Kahajino, hanyima yachize, kaha kwakavangijile va Angilikani.

²¹⁶ Kaha jino chuma muka chasolokele? Hano Wesley himweza na kuhizumuka chachihya, jisanya, jize jasolokele nge Tiliku. Kahajino chumamuka chasolokele? Echi chengilile mu kulivwasana, kaha chomine na kufwa.

²¹⁷ Chize Chiyoyelo chayile nakwingila mukachi ka chiyawu, kaha chiyawu chechi kupwanga vene hachohacho nge Tiliku. Oloze, makumishilo, makuli awo vawalingishile kusoloka mu myaka yahichimo amo eyiti chipwe teni, chikuma nyi myaka yitatu. Jino chuma muka cheji kuzatanga? Fuma muli ize Tiliku.

²¹⁸ Jino mwowmoika kuze kunahonena kupwa na lizavu kuputuka mulimyaka twende yakuhizumuka chachinene; na tupolofweto vakuwavisa, va kakunangula vakuwavisa, na vyangocho, oloze mwomwoika kunahonena? Kuze kwauchi chuma chinahambakana Linona. Talenu, Echi chinakinduluka, chakuzeneka lizavu. Mamalelo, yami, muthu wa kapuputa nahase kumona chize. Echi kacheshi kuhasa kupanga lizavuko; Echi chili chakwinjikiza haliechi. Echi chili linona lya Tiliku, Livene. Uze Mwana muthu navakamusolola. Lize linona lya Tiliku nalikinduluka kuli livene Cheka, Mwana muthu mumakumbi akukuminyina.

²¹⁹ “Kaha nakukeze kwonga, kulifwanyisa cha Echi, mumakumbi akukuminyina, chize chinahase kuhungumwisa navaze vaku Sakula kachi chahashile.” Tala hali viyawu vya mazavu vili nakufumaho oholili.

²²⁰ Echi chechi kaha kwechela Tiliku vayi tachikize, kuli vaze vaku Sakula, vaze vapwa chihanda cha Echi. Tachikizenu omu chawaha echi vanachinehe hano jino. Kuvanga vaze. . . Tachikizenu, vaze vakuwavisa vapwenga; va muchano, vaku Sakula, va kutongola, Efwesu 5:1, chipwe 1:5, chipwetuthu, va kwijivila lyehi, vaku sakula. Vakikiko kaha vaze navakahona kuhungumwisa.

²²¹ Tachikizenu, tupolofweto vakuwavisa navakapwa va kwonga, kaha muze mukachi kavo nakapwa kuwavwisa cha muchanano. Kaha enu namuya ngachilihi nakutachikiza echi? Ha Lizu. Nge, etu natupwa nacho mumuvwimbimbi. Enu mwachimona echi? Ngwenu, “Amena.” [Chikungulwilo ngwacho, “Amena.”—Muka.] Talenu?

²²² Tachikizenu, vaze va kuwavwisa, Lizu kaha likiko linahase kuvahandununa, keshi vinjikizoko. Mamalelo, nduma. Vakiko navakalinga vinjikizo vyovimwe, oloze Lizu likiko nali

kavahandununa. Punduvene. Vakiko vosena vapolofwetele. Vakiko vosena valingile *echi*, *chize*, na *veka*, punduvene, chuma chochimwe. Yesu ngwenyi vakiko navakalinga chuma chochimwe. Oloze Lizu nali kavahandununa vakiko, tachikizenu, keshi vinjikizo ko.

²²³ Enu mwatalisanga kanawa? Yesu ngwenyi hano, mu Mateu 24. Ikiye kambile ngwenyi, “Nakukalovoka Vayesu vakwonga kumakumbi akumakumishilo.” Mamalelo, nduma, vakiko navakapwa vakuhona kwimana hali chize. Nduma. Enu mbatenu ka Pendekosita uze vene ali ka Pendekosita, kwamba nge, livene, ikiye “Yesu”? Talenu? Enu namumbata Mesondisiti ya kulyonga, mokomoko Mbaputishiti, mokomoko nge muthu umwe ngana, mokomoko lizavu, ngwenu, “Etu twa Yesu”? Vakiko vanatachikiza kanawa kuhambakana chize. Vakiko kaveshi kuya nakulinga chizeko. Oloze ize Mbimbiliya ngwayo vakiko navakapwa “Vakulishitu vakwonga,” keshi Vayesu, oloze, “Vakulishitu vakwonga.” Vakiko kaveshi kuhasa kwitavila chize, ngwavu, “Yami Yesu.” Mamalelo, nduma.

²²⁴ Oloze vakiko vali “Vakulishitu vakwonga,” kaha vanahono kutachikiza echi, mwomwo vakiko valimbalaka na Lizu. Kaha Kalunga eji kwijikizanga chuma chochimwe. Jino, Yami nguli nakuneha echi nakutwala kumuvwimbimbi jino, ’mwomwo enu munamono vyuma vyovimwe kuzachiwa navathu vovamwe vize vinazachiwanga mwamwenene mwene. Kaha Yesu avihanjikile.

²²⁵ Jino, nge muze Ngwambanga, jino kuli enu vathu muli okwo, muli kulifuchi lya jishinga okwo, Ngwa—Kangweshi na kumipaisa enuko, oloze eli linapu liuka lyami kaha—kaha lizavu lyami lize Shipilitu Wajila nangulingisa kupwa wakutala, kaha Ngwatela kusalweza vakiko Muchano. Lwola luli nakuhita.

²²⁶ Jino, vakiko kaveshi kuhasa kwimanyina chizeko, oloze, “Vakakulishitu vakwonga,” kwonga, vaze vakuwavisa, nakala vinjikizo na makumishilo a Lizu. “Vakiko vafwelela lujimiko lwa Shipilitu Wajila?” Mukikovene. “Kufwelela muli vyosena *evi*?” Hee. “Kufwelela mukuhanjika malimi?” Hee. “Kufwelela vinjikizo na vikomwesa, vinjikizo na vikakavangiza vakiko?” Hee. Chize keshi chikiko chi Mesondisiti, chize keshi chikiko chi Mbaputishiti. Nduma, nduma. Chize chinapu Pendekosita. Talenu, echi chunapu likumbi lya kukuminyina.

²²⁷ Jino, chisemunwino cha liuka lyatete vahaonene kutachikiza chize. Chisemunwino cha liuka lya Mesondisiti kavatachikijileko echi; chisemunwino cha liuka lya Mbaputishiti, vakiko kavatachikijileko echi; chisemunwino cha Pulishiteliyani, vakiko kavatachikijile echi. Oloze, va Pendekosita, vahachileko nge chuma Chivene! Haze hakiko hali, ize Tiliku...chiyawu chili chakulifwana nge Tiliku. Vakiko chachikalu kuchitachikiza. Talenu? Kaveshi kuhasako. Oloze

echi chili mumakumbi akumakumishilo, likumbi eli. Eyo, mwane.

²²⁸ Tachikizenu, ngeomu chapwile kumaputukilo, shikaho mukiko nachikapwa nakumakumishilo. Nge omu Eva alumbunuine Lizu limwe mwakuhenga, Satana alingile ngocho kuli Eva, kaha afwelelele chize. Pwevo, keshi lunga; liuka, keshi Ikiyeko. Talenu? Liuka likiko lya tambwile lizu lya kwonga. Talenu? Keshi Alama; Eva. Keshi Kulishitu; liuka, mwenga, vakuwavisa, chatela kupwa, alivuluka lyavene Mwenga, talenu, ikiye atambwile lizu lya kwonga.

²²⁹ Kawahashile kumona chize? Mwomwoika, echi chechi kukasa hamwe nge mihya yaha sapoto, nge vikavizo yaha meso. Mwomwoika, vyosena enu namwalumukila, mu Mbimbiliya, Echi nachikukashila hamwe. Eva, keshi Alama; Eva a fwelelele, keshi Alama. Uze mwenga lelo, valivuluka, vachifwelelele echi; keshi Kulishitu. Mwenga ali navyosena, valivuluka kupwa mwenga; vinjikizo vyovimwe, vikomwesa vyovimwe, vyosena vyovimwe; oloze keshi chuma Chiveneko. “Kuhungumwisa vaku Sakula kachi chahashile.”

²³⁰ Jino washiwashi, kachi etu natukumisa echi mu minyutu fifiteni, etu natupwa mulwola. Tachikizenu jino hakamwihi, shikaho enu kamweshi—enu kamweshi kuhona kulivwasana, kuli yenu.

²³¹ Jino, nduma, vakiko kavahashile kwimana nakuvavuluka “Yesu wa kwonga.” Vakiko kavahashile kupwa, kwimana na kusanyika, “Yesu.” Punduvene keshi. Chize chili hatoma. Kalamuthu nahase kuchijiva chize. Kalawose nahase kutachikiza vakiko kavechi Yesu. Kangwechi kulizakamina nge valina maji hanyima javo, na manyinga kumavoko avo nahelu naheshi ya meso avo, vakiko chochimwe navejiva echi. . . Kalamuthu akwechi vishinganyeka vya mwenemwene, nejiva keshi Yesu ko. Talenu? Vakiko kavahashile kwimana kuchizeko. Oloze vakiko valisanyika vavene “vakuwavisa.” Kaha vakiko veji kulinga vinjikizo na vikomwesa, “kuheta naha seteko yakuhungumwisa vaze va Sakula.” “Oloze Vakulishitu vakwonga, vaze vakuwawvisa, navakatuka, kaha nakuhungumwisa vaze va Sakula kachi chahashile.”

Jino tala kanawa. Kanda hanjikiso enyi nanyikuhitako, mwomwo ili yakutela kuyivulila.

Ikiye ali kaha nakuhaka tepu mulikina lya kuhanjikila hano, chilame kuchina kutuka helu. Ngunapunga na kutukuchila; kuholokela ha tepu, munamono.

Kaha shikaho nachipwa ngachize Echi, Mbimbiliya, ngwayo nachikapwa. Talenu?

²³² Tachikizenu, keshi Vayesu va kwonga. “Vakulishitu va kwonga!” Vakiko vafwelele nge vakiko vakuwavisa, oloze vakiko va nejiva kaveshi Yesu. Talenu, chize chili hatoma. Kachi

muthu ayile kwilu na kwamba, lelo, “Tala haveveza muma voko ami. Tala havikavizo vyami. Yami Yesu.” Chamwaza, jino, etu tunejiva chize chakuhenga. Kaha, anukenu, Yesu kanda ambenga ngwenyi vaze vakweze navakasoloka. Ikiye ngwenyi navakasoloka “Vakulishitu va kwonga.” “Vakulishitu,” vavavulu, vikungulwilo, na vya ngocho, *vaze vakuwawvisa*; vakuwavisa na shipilitu ya vikungulwilo, keshi na Lizu ko. Enu kavangizenu echi? Keshi Yesu wakwonga. “Vakulishitu va kwonga,” kwonga, vaze vakuwavisa. Talenu? Mamalelo, omu chili hatoma! Omu etu. . . Punduvene enu kamwatela echi kumihitako!

²³³ Jino anukenu, Ngweji kumilwezanga lwola lwosena nge kuli mazavu atatu a vathu. Kuli miyachi yavathu yitatu: Hamu, Sheme, na Yafeta, miyachi yitatu. Mazavu atatu, kaha Ngwambile ngwami, uze mukakufwelela, muka kulifwanyisa kufwelela, na mukakuzeneka kufwelela. Echi lwola lwosena muchapwa, lwola lwosena nachikapwa. Talenu? Haze hakiko hali Mose, uze mukakufwelela; kuze kwapwile vaze va Yane na Yambele; vaze vakakuzeneka kufwelela. Talenu? Kuze kwapwile na Mbalamu; Mose. . .Lwola lwose mazavu atatu avathu, mazavu atatu; muka kufwelela, muka kuli fwanyisa kufwelela, muka kuzeneka kufwelela.

²³⁴ Jino anukenu, uze muka kuzeneka kufwelela, lize liuka lya chikungulwilo, kavafwelela muli vinjikizo ko; vatuta, vasalusalu, vakuminyina, liuka lya mukaye, chikungulwilo. Oloze uze muka kuli fwanyisa kufwelela ikiye uze chiyawu. Uze ikiye uze mukweze echi kufwanyisanga kufwelela. Kaha kuli uze mukakufwelela chamwenemwene uze wamwenemwene wa muchano. Jino, vatalenu vakiko omu valinakuya jino, ha munyutu chindende.

²³⁵ Kaha tachikizenu omu vahamuka ava vakakuzeneka kufwelela, mokomoko ava vaka kuli fwanyisa kufwelela na vaka kuzeneka kufwelela. Yami! Vakiko vapwa vakuhamuka, tala, naivene Satana emanyine lwii Kumeso auze Lizu lya muchano, kaha ngwenyi, “Echi vachisoneka!” Echi cha kwoloka?

²³⁶ Mwomwoika Satana alingile chize? Mwomwo katachikijile lize Lizu haze. . .Ikiye atachikijile Lizu lya luze lwola, oloze ikiye amu kakasanyine uze Lunga wamundende wa kulikehesa kupwa Lizu. “Kachi Ove u Mwana Kalunga. Ngunejiva Mwana Kalunga alinakwiza, mwomwo Vavuluka ngwavo Ikiye mwalinga chize. Kaha echi vachisoneka, ‘Ikiye mwakahana Vangelo Jenyi lushimbi hali Ove.’ Talenu? Chijikizenu kuli yami! Linga chikomwesa! Echa ngukumone Ove kuchilinga echi.” Talenu? Talenu?

²³⁷ Talenu, uze muka kuzeneka kufwelela, muka kuli fwanyisa kufwelela, muka kulifwanyisa. Tala hali Yuta mukachi kavo,

Iwola lwolumwe, muka kuli fwanyisa kufwelela! Talenu? Tachikizenu, kaha haze hakiko hali Lizu lya muchano.

²³⁸ Omu vahamuka vakiko! “Jino, kanda kuhaka mangana kulichize chakuzeneka manganako. Kakwechi chuma chakulinga na Chizeko. Kanda kuya kuze. Chize chili mukuta wavyema. chuma nge Chize. Chize chamakuli. Chize chili muvishinganyeka.” Talenu, talenu omu Ngwatwale? Kwimana Kumeso a Lizu lwii kuhanjika echi.

²³⁹ Satana atambukile nakwingila. Nge Mbimbiliya ngwayo muno mu Yuta, “Na Kangelo wakulitulaho, omwo alipikile na Satana, ngwenyi, ‘Ou Mwata akutenukile ove.’” Kufumbukila Lizu Livene!

Kaha hano hakiko hali mukakole wakulishitu, uze wakuwawwisa, kwimana haze kufumbukila Lizu lya mwenemwene lya likumbi lya lelo, Yesu Kulishitu, kaha ngwenyi, “Echi vachisoneka.”

²⁴⁰ Tala ha makumbi akukuminyina. “Echi nachikalihata na kuhungumwisa navaze vaka Sakula kachi chahashile.” Mamalelo, Yami! Mulonga navahonena vaku Sakula kuvahungumwisa, enu munejiva mwomwoika? Mwomwo vakiko vali Lizu. Talenu? Chochimwe na Kuyoya chize chili mumiji, Ngwambanga hanyima tuthu, Echi kacheshi kulikana Chiveneko. Talenu, Echi chili Lizu na mungonde ya Lizu. Chize chakwoloka.

²⁴¹ Chochimwe nge Yelemya, ikiye atachikijile. Chipwethu mwoseomwo ahanjikile Hananyiya, ikiye atachikijile oho emanyine. Chize chochimwe nomu alingile Mose, kaha—kaha navosena. Chize, ikiye achijivile, chipwetuthu tupolofweto va kwonga va hanjikile, kuze kwapwile Lizu lya Kalunga. Chize vachisonekele.

Uze ukiko mulonga Mikaya ahashile kwamba ngwenyi, “Chose chakwoloka, enu vandminenu kaha talenu.”

²⁴² Ahave ngwenyi, “Ngwafwelela tupolofweto twami. Lizavu lyami lya kwoloka. Omwo Nangukakinduluka mukuunda. . . Hakenu ou mukweze kunyima kuze mukamenga. Nangukawana mwakumulingila ikiye! Muhanenu mbolo yau shona. Mutalikizenu yima, kanda kulikata nenyiko. Omwo Nangukakinduluka mukuunda, etu natukawana mwkumulingila ou mukweze.”

²⁴³ Mikaya ngwenyi, “Kachi ove ukakinduluka, kaha Kalunga kahajikile kuli yamiko.” Ikiye atachikijile apwile na MWANAMBE MWATA, kaha chimweno chenyi chapwile vene na MWANAMBE MWATA; keshi cha ngonde yekako, oloze chaize vene ngonde. Amena! Haleluya! Ize ngonde!

Kuhamuka, kwimana na kulipika na Kangelo wakulitulaho! Echi vachamba ngwavo, chize, “Vileya nava kalyatangila

najisapato jakumbumbuchila haze Vangelo vevwa woma kutambukaho.” Chize chakwoloka.

²⁴⁴ Mulonga uze vaku Sakula, Yesu ngwenyi, kaveshi kukava hungumwisako, mwomwo vakiko vali lize Lizu. Vakiko kaveshi kukapwa chuma chekako. Vakiko kaveshi kwivulila chuma chekako. Vakiko kavejiva chuma chekako. Chize chakwoloka.

²⁴⁵ Anukenu, Mose kavamumbachile kuli kufwanyisa chavo chisenako. Ikiye apwile? Mose ngwenyi, “Jino, vandamina munyutu kaha, Fwalo. Munejiva chumamuka? Uze Mwata angulwezele kulinga echi, oloze, upahu unyenga kuli Kalunga, Ngwamono ngana nge vakanyike vove vanahase kulinga chuma chochimwe. Shikaho, ngulweke chumamuka Nangukalinga, Nangulinunga nayenu”? Hoo! Chize kachavwakana nge kapolofweto wa Kalunga. Nduma, vene! Ikiye emanyine azamine mbe nge omu azamine. Ikiye atachikijile, muzevene, Kalunga ahashile kuzakamina mujila yeka, ’mwomwo Ikiye ahashikile echi. “Nangupwa nayenu. Kangweshi kukaku sezako.”

²⁴⁶ Ikiye atachikijile, shikaho ikiye kahashile kulinunga navo. Mamalelo, nduma. Ikiye atwamine mukwoloka navakiko. Ikiye katondele vikungulwilo vyavoko. Ikiye atwamine na Kalunga. Ikiye kavamumbachile nakumuhungumwisa navize vyosena vakiko vahashile kulinga. Omwo vakiko vahashile kulinga chuma chimwe. . . Ikiye anehele vajina; na vakiko vanehele vajina. Ikiye anehele manyinga; na vakiko vanehele manyinga. Ikiye anehele vyosena; vakiko valifwanyishile naikiye mukala jila, mwomumwe. Ikiye emanyine kaha. Ikiye atachikijile vene chumamuka, chumamuka, Kalunga apwile hamulimo.

²⁴⁷ Enu munevushisa jino? [Chikungulwilo ngwacho, “Amena.”—Muka.] Enu namumbata vivali na vivali, nakupanga viwana? [“Amena.”] Enu kamwazangile kwocha chikumako. Shikaho, shikaho enu—muchivushise, talenu.

Mwomwoika? Vakiko kavatela kuvahungumwisa kuli echi, vase vakakufwelela mwamwenemwene, vakimo vapwa Mbutu ya kutongola yatela kwimana mulikumbi lino.

²⁴⁸ Jino, cheka, Yesu ngwenyi echi, “Vavavulu navakeza halikumbi lize, mu Lijina Lyami, nakwamba ngwavo, ‘Mwata, kumana Kangwahangile va ndemoni mu Lijina Lyoveko?’” Yesu ngwenyi, “Kumakumishilo amakumbi, omwo lwola alukakuma kaha kusanguka chachinene chineza, muze vavavulu navakeza na kutwama mu Wangana.” Uze Wangana wa Kalunga uli muli enu.

²⁴⁹ Vavavulu, uze mwila naukeza na kutwama hamwe na Tiliku, ngwavo, “Jino, vandamina mumunyutu, Mwata! Ngwahanjikile mumalimi. Ngwatambakayine. Ngwakinyine na mu Shipilitu. Ngwahangile vandemone. Ngwahanjikile na malimi. Ngwalingile vyosena evi.”

Ikiye Mwakavamba ngwenyi? Tachikizenu. “Enu Vakuzata mwa upapwoki, Ngwamitachikizako enu.”

²⁵⁰ *Upapwoki* chuma muka? Kahule kalamuthu. Chili “chuma chize unejiva chize watelanga kulinga, kaha muhona kuchilinga.” Vakiko vatachikijile lize Lizu. Vakiko Va livwile. Enu muli nakwivwulila ku tepu eyi. Enu muli nakwivwulila ku Mujimbu. Enu muli nakumona Mwata Kalunga kuhanjika ngocho; enu muli nakumona Ikiye kwinjikiza echi, kuchilingisa kupwa muchano. Kaha munatachikiza Echi chili hatoma nge omu musana uli nakumunyika haweluka, oloze enu mwakwachilila kuvikungulwilo vwenu, kukwachilila vyuma va kwonga; enu vakuzata mwa upapwoki!

“Mamalelo, eyo, Ngwapwile na kapenyi kakanene. Ngwalingile echi. Ngwalingile chize.”

Ngwenyi, “Enu fumenu kuli Yami, enu vakuzata mwa upapwoki, Kangwamitachikizako.”

²⁵¹ “Chamwaza, uze Shipilitu Wajila aholokele hali yami.” Kangwa kakasana chipwe chindendeko. “Ngwahanjikile mumalimi. Ngwembile muli Shipilitu. Ngwalingile muze...” Kangwa kakasana chize chipwe chindendeko. Nachihula kuli chize chauchi. Mamalelo, ndumbu walunga, ndumbu wapwevo, kilika kana!

Luno hi lwola lwa kuchikima. Etu tunahete halihi? Eli Lizu linakwiza jino kupwa Kuyoya. Tachikizenu.

²⁵² Yaa, Ikiye ngwenyi vakiko kavahashile kulinga chizeko. Tachikiza, “Enu vakuzata mwa upapwoki.” Ngukwechi Chisoneka vasoneka hano. Kangwatachikiza oku yapwile. Ngwambate lwola chikuma. Nanguya na kunyitala kanawa, mu munyutu yayindende, na kumona omu yapwile. Ngukwechi—Ngukwechi Mateu 7:21. Ngwa—ngwatondo kaha kutachikiza okwo. Ngwa, lwolalumwe Kangwavula kusoneka vyuma vimwe na evi, chamwaza, Ngwa—Ngwakunangula ngana, Ngwa—Ngwavulyama ovyo Ngwawanga nakutalaho kivi Soneka. Mateu7:21.

Ava navangwamba ngwavo, ove Mwata, ove Mwata, keshi vakiko vosena navakengila muwangana wameluko; kuvanga ou kaha eji kulinganga mwaya muchima wa Tata ali mwilu.

Vavavulu nava kamba kuliامي ha likumbi lize ngwavo, ove Mwata, ove Mwata, kumana etu katwahanjikile mazu aupolofweto. . .

²⁵³ Tupolofweto, vakuwavisa! Chize chakwoloka? “Katwapwile tupolofwetoko? Katwapwile vakuwavisako, vakuwavisa? Kangwa polofweteleko mu Lijina Lyove? Kaha mu Lijina Lyenyi Kangwahangile va ndemoni?” Nyi ove naulinga chilihi ngana, na kukana kukujimika muli Yesu’ Lijina? Talenu? Mamalelo,

Yami! Talenu ocho kuhungumuka? Haze vene hali uze mutwe, jino kinduluka hanyima. Vakiko vanakoloka ku Lizu, jino vanaholoka. Jino tala echi. Etu tuli nakulovola echi, munyutu kaha.

Vavavulu navakangwamba . . . ove Mwata, ove Mwata, katwahanjikile mazu aupolofweto, etu tunapunga tupolofweto? . . .

Yaa, Ngwahanjikanga chize mu Mateu 24:24.

. . . ha lijina lyove . . . katwalowele vandemone? ha lijina lyove numba vyavivulu vikomwe . . . vilinga vyangolo vyavivulu?

Kaha haze vene Nangukavalweza ngwami, myaka yosena kangwamitachikizako: ngwami fumenu kuli yami, enu vaka-zata mwa upapwoki.

²⁵⁴ “Omwo Echi vanachihake kanawa kulutwe lwenu kaha enu munachimono Echi, kumona Chize kutambuka, kumona Eli lyapwile Lizu; kaha mwomwo ya vikungulwilo kaha, enu kwachililenuko. Kangwa mijiva ko. Kangwa lizakamina vandemone vangahi watambula kuweluka, vangahi valingile echi na chize; Kangwatachikiza nachuma chimwe chauchi halienu.”

Mbalamu ngwenyi, “Ngwapolofwetele mwa kwoloka, mu Lijina Lyove. Echi nachize keza nakuhita.”

“Chizevene chakwoloka, oloze, omwo etu natwiza kuli Lizu, enu mwakanyine Echi.”

²⁵⁵ Mamalelo, ndumbu walunga, talenu chize chihanda chaku hungumwisa? Keshi “kapolofweto,” mukiko vene; oloze na Lizu, Lizu lya muchano, Lizu lya kwinjikiza valilingishile kusoloka. “Enu vakakuzata mwa upapwoki!”

Esekenu, Satana napunga na kweseka muvisemunuino vyosena kuli fwanyisa na Lizu lya muchano. Etu tunejiva chize, keshi ngochoko?

²⁵⁶ Tachikizenu, twenyenu kumufunda wa museto na kwecha. Tala hano, Ikiye ngwenyi, mu Hepelewu kapetulu 6 (Jino, etu twapwanga nakutanga chindende hanyima, Ngwamilwezanga “kindulukenu kuukiko,” kaha etu natukindulukako muminutu chindende.) Ikiye ngwenyi:

. . . oloze mingonga na mituwapoko . . . eyi yinapandama kukunyikana; makumishilo ayo ali kuyocha. (Va kamuseto!)

. . . enu muna makila . . . kuwana wa mwilu, . . .

²⁵⁷ “Kumakila,” mumazu akwavo, enu mwamono Echi! Enu kamweshi [Ndumbu walunga Branham kuveta mwinwe wenyi hamwe—Muka.] makila kaha Echi na kanwa kove. Oloze na

mumona Echi, Kaha enu namuchijiva Echi kupwa Muchano. Enu munejiva Echi kupwa Muchano. “Kumakila kuwana wa Mwilu.”

...kaha *vakutambula kuli Shipilitu* Wajila, omu Ize ya holokele hali enu,

...*kumakila naku Lizu lya mwaza lya Kalunga*, . . .

“Kumakila,” enu mwachimono kupwa Echi chakwoloka. “Kaha Shipilitu Wajila kuholokela hali enu,” hali mwila muwande.

...*kaha jino hikwalumuka* nakufumako, . . .

“Kukana uze vene Kulishitu uze vajilikilile enu, na kumisanyika enu, na kuhaka chize kuwavwisa hali enu.”

...*kakwasalile cheka mulambu* wawashili, wa ize.

Chili chakuzeneka kukonekela! “Echi chili chachikalulu kulivakiko kwiza kuchinyinga cha Muchano.”

Mwomwo echi chili chachikalulu kuli vaze vapwile . . .
vakutambula kuli Shipilitu Wajila,

²⁵⁸ Kuholokela hali uze mwila, talenu, “Chaputukile na Yesu, na, ‘Mwata, Yami nanguhita mwoyeni,’” oloze omwo naveta ha Lizu, enu namukinduluka kunyima. “Vakutambula kuli Shipilitu Wajila, kaha vanamakila, mokomoko kumona Lizu lya Kalunga Livene kusoloka.” Kaha jino kwalumuka nakufuma muli Echi, “Echi chili vene chachikalulu kuli vakiko kumona Echi chipwe kwiza kuli Echi.”

²⁵⁹ Chize MWANAMBE CHISONEKA. Jino, enu. . . “Melu na mavu nawakahita, oloze Echi kacheshi.” Enu mwamono echi? “Chapwile chachikalulu.” Ize Mbimbiliya yanjika ngocho, kaha Shipilitu atwama naunjiho wacheshi.

²⁶⁰ Tachikizenu, echenu ngumihane chakutalilaho chachindende. Tala hali ava vathu vaze vejile kuhichila mu upolofweto wa Mose, kulovoka muli lize lizavu, na kulovoka muvyuma vyosena, mwishi yauze upolofweto, kumona milimo yayinene na vikomwesa, na vyuma vyangocho, na kwiza kumuseti wa kwingila.

²⁶¹ Jino, Lee, haze chijino lijina lyove “lijina ha Mukanda.” Talenu? Ove ulinacho echi hano. Kaha enu kamweshi hano, muli okwo ku—muli nakwivwulila, ali Ndotolo Lee Vayle alina kuvahaka kanawa hano. Ikiye ali nakwolola hanjikiso muli ou mukanda wa Visemunuino vya Liuka Vitani navivali. Kaha ukalu ulina kwiza, chipwe chihula hali, “lijina kulifumisa mu Mukanda mwana Mukoko wa kuyoya.” Talenu, echi chili chakujingulwisa vakamilimo vavavulu. Oloze vandaminenu palanga nomu namuka tambula uze mukanda, Enu namukaya na kwivwushisa kachi enu muli na kumunyika muli enu. Talenu?

²⁶² Tachikizenu, jino, enu munahase kufumisako mitwe yenu nakuhona kutalako Kachi kawa zangile Echiko kuchimona

Ko. Nge Mama omu apwilenga nakuhanjika ngwenyi, “Ove kaweshi kuhasa kufumisa manyinga mu temo, mwomwo muze kamwatwama manyingako.”

²⁶³ Tachikiza, chize Kumunyika chatela kwiza; keshi mumilima. Chize kumunyika kwiza kumilima, kaha milima kayashile Ko. Tachikiza jino vaze vakuwavisa mu likumbi lino.

²⁶⁴ Nge Mose avalowele vaze vana va Isalele; vevwilile na kupwa na chimbalangani nalize lifuchi lyalinene kuze. Jino, Isalele kapwile wa kupandama kuchikungulwilo chimweko. Kapwile na lifuchiko, kapwile na limboko. Lyapwile na kuya kwimbo.

²⁶⁵ Etu katwechi na liukako. Etu tuli . . . Etu tuli—etu tulinakuya ku Liuka, lize Liuka lya uze Twatwa, lize Liuka lili mu Upahu, eli Liuka lili mu Upahu; keshi liuka lya hamavu, ha muthu. Liuka lize lili mu Upahu, lya vaze vakusanyika, vakutongola ku Kuyoya Chahaya myaka, talenu, kuya Kwimbo lyavo.

²⁶⁶ Kaha omwo vakiko navakeza nakuzauka nakuya kuchihela chize, vakiko vakakasanyine Lizu, na kukinduluka. Ahanyima ya Yoshiwa na Kaleve na vaze vaile kuze nakuneha mikuta ya jivinyo, kwinjikiza kuli vakiko nge lifuchi kulili, lize Lizu lya lushiko lya Kalunga, “Lili lifuchi lya mwaza, mavele na uchi.” Kaha vavinehele cheka, kusali ino, kwinjikiza kuli vakiko. Kaha vakiko vamakilile ko, kaha ngwavo, “Mamalelo, mamalelo, etu katwechi kuhasako, chipwetuhu.”

²⁶⁷ Chumamuka chasolokele? Vakiko vanongele muze mupambo. Vakiko vatwamine muze na livwasana mwavomwavo, kaha vafwile, voseno, oloze vaze vazaukile na kunea, Yoshiwa na Kaleve; Mose vamunungulwile. Muvwivimbimbi wakuvandamina Liuka; na kusanguka cha Tesitamende ya Mwaka, Tesitamende ya Yihya; na Mujimba wakuhukula. Talenu vize vitatu? Mwatela kulama vize vitatu mumufunda, talenu, shikaho, muli vakakufwelela na vaka kuzeneka kufwelela. Talenu?

²⁶⁸ Tachikizenu omwo chapwile “kukukulula.” Anukenu, Kalunga kanda akonekele ize shili. Jino vakiko navakeze nakwingila ngachilili? Kachi vali mingonga, kukuputuka, nakuma kumishilo nava kapwa mingonga. Kuvangila vakutongola kaha vakiko navakamona Echi.

²⁶⁹ Tachikizenu kanawa jino. Chochimwe nge mumakumbi amuka Kujila Martin, shimbu kanda tuthu Visemunuino vya Milima; lunga wamundende wakuzakama kalunga. Vangahi vatanga lyehi kusoneka cha muka Kujila Martin? Muvavavulu mwalinga lyehi. Etu twayile nakumbata kusoneka cha muka Kujila Martin; uze kapilishitu ngwenyi, “Oloze ikiye apwile wakuhona kutachikijiwa.” Pundu, kapwileko; keshi kuli vakiko, oloze wakutachikiza kuli Kalunga. Uze Shipilitu Wajila angulwezele yami kumuhaka ikiye ha chisemunuino chize cha liuka lya muchitatu. Talenu?

270 Tala ou lunga wamundende wakumuzakama kalunga omu apwile; wa kusanyika, wa kutongola. Visemi jenyi, vakashili. Ise jenyi, liswalale. Ikiye atelele kukavangiza chisemunwino chenyi, kupwa liswalale. Kaha, omwo ikiye alingile, kaha lwola lwosena afwelelele ngwenyi kuli Kalunga kumwe; lunga wa muchipapa, kaha ahashile kumona Kalunga. Likumbi limwe ikiye ahichile mumbongi, kaha kuze kwapwile chileya nasavala kuze, alinakufwa, kuhula umwe...Ikiye apwile nathutu ufuku uze. "Mamalelo," ngwenyi, "nguhaneko chuma chimwe ngulifwikeko; Nangufwa ufuku uno."

271 Naumwe ahashile kuchilinga wauchi. Kaha Martin apeukile kusali na kumutala kanawa Chindende tuhu. Naumwe ahashile wauchi alingile. Ikiye apwile kaha na kochi imwe. Ikiye mwominyina, ivene, ikiye apwile hamulimo, kachi ikiye—kiye kachi ikiye mwamuhana chize kochi. Shikaho ikiye ashinganyekele, "Tuvose tuvavali tuli lihanya lyakuyoya nge kachi nge Yami natuli pangila naikiye." Shikaho ikiye ambachile chize kochi jenyi, nakuchipula havali nakuhanako uze chileya, na kumujingilaho uze chileya wakashinakaji. Ikiye amujingilikile chize chihanda cha kochi jenyi na kumujingilika.

Muthuwosena ngwenyi, "Tala uze malonda wakusehewa. Tala uze liswalale wakusehewa, alina chihanda kochi nalijingilika ikiye!"

272 Ufuku ukwavo, omwo alingile nafumu lyehi hamulimo na savala hakahela jenyi, ikiye ahindikile. Kutala, kwimana muze kapeta, kaha kutala Yesu Kulishitu nemana nalijingilika muli chize chihanda cha kochi chamwaka nalijingilika kacho ikiye. Ikiye atachikijile haze vene, "Ocho namulinga kuli Vami vavandende, chize munachilingi kuli Yami, kuli wakuwawwisa Wami," uze asavalanga kuze.

273 Ikiye apwile ngamba ya Kalunga wamunene. Lize liuka lya musehele ikiye, vamuyajishile ikiye, kumutapula, na vyosena, oloze apwile kapolofweto wa Kalunga. Ovyo ahanjikile vyejile nakuhita. Kuze kwapwile vamufwelele ikiye muli chize chisemunwino, nawa.

274 Ngwakutonda ngumilweze omu liyavolo apwa mukaku hungumwisa. Likumbi limwe ikiye atwamine mukutanga. Kwilu kwejile kangelo wa undume, na muchama hamutwe wenyi, navwale sapato jakuvyakuma, kuuvwalo kulimuhya waunegu, kaha ngwenyi, "Martin, unangutachikiza yami?" Ikiye ngwenyi, "Yami Mwata na Mulwilo wove. Yami uze Umwe ngwakulwilile ove. Lifukule kuli yami, Martin." Oloze uze kapolofweto, kutachikiza nge kuli chuma chachindende chaungeji haze, ikiye atwalileho kumutala ikiye. Ikiye ngwenyi, "Martin, Yami Mulwilo wove, Yesu Kulishitu. Lifukule kuli yami! Kawangutachikiza yamiko, Martin?"

275 Martin atwalileho kumutala ikiye, chize Chisoneka nachihita muwongo wenyi. Ikiye ngwenyi, “Satana, fuma kuli yami.” Ikiye ngwenyi, “Ove uli namuchama ha mutwe wove. Kaha Lizu lya Kalunga ngwalyo vaka kujila Jenyi ‘navakamuvwika muchama Ikiye’ kumakumishilo a chisemunwino.”

Chize kachahashile kupwa ndulo ya Pendekosita? Tala lize Lizu, ndumbu walunga. Chize chikiko cheji kufwetanga.

276 Likumbi limwe, cheka, muzuvo yakulikombelela, vakiko vapwile na muka kujila wamwaka kuze, lizavu lya malunga vakulutula. Kuze kwapwile umwe wavo wakufwana wachikela. Tala echi, hano hali kuwaha—kuwaha chishimo lelo. Ikiye atondele kupwa umwe helu lyavakwavo vosena. Ikiye atondele kulisolola ivene, nalusesa, chuma chachinene, chuma chamwaza, mazavu osena, munejiva, kaha umwe wamunene. Ikiye atelele kupwa walizavu. Lwola lwosena atondele vandumbwenu keshi. . . Munejiva, ikiye atela kupwa wakuhandunuka. Talenu? Ikiye, chipwe tuthu chapwile ngachilihi, ikiye apwile wa malandulu. Ikiye apwile uze kaha lilolwa ha usekeseke. Kuze kakwapwile muthu naumwe pimbi ahashile kumukwata ikiye. Jino tala omu chasolokele. Ikiye atelele kupwa nachuma chimwe chachinene. Ikiye atelele kupezelesa na—jingalila jajinene. Enu munakuvangiza yami? Talenu? Shikaho, ikiye ngwenyi, ikiye apolofwetele. Ikiye ngwenyi, “Uze Mwata nangulungisa yami kupwa kapolofweto, nayami. Yami ngu kapolofweto.”

Jino, kuze kwapwile kapolofweto wakwinjikijiwa mulilifuchi, kaha ikiye apwile Mukakujila Martin; ikiye asemukile kapolofweto.

277 Oloze ou kanyike ngwenyi, uze mukweze ngweze ngwenyi, mukweze wakulutula wakuheta mu myaka twende faifi, ikiye ngwenyi, “Uze Mwata nangulungisa yami kupwa kapolofweto, kaha yami nanguya nakuchijikiza echi kuli yenu.” Ngwenyi, “Ufuku walelo Mwata mwaya nakunguhana yami chuma chachinene, chikuto chamwaza, kuhaka hali yami, chitoma, nakupwa muli enu. Kahajino enu vosena namukeza kuli yami, talenu, kaha enu namutambula jishimbi kuli yami.”

Jino pezelesenu chize likumbi lya lelo, talenu, “Yami nangupwa mutwe walizavu. Yami nangumilama enu, enu vosena vakulutula.”

278 Kaha punduvene, “Uze ufuku, kumunyika chejile hali ize zuvo,” shikaho kusoneka chamuka Kujila Martin ngwenyi. Tanga echi. Kaha chapwile chamwenemwene. Chize chapwile mujimbu. Kaha kumunyika chejile, kaha vosena vachitalile, kaha omu ejile. . . Ikiye na chikuto chitoma, kwimana mukachikavo. Ikiye ngwenyi, “Talenu chize Ngwamilwekele enu?” Oloze chakulimbalaka na Lizu.

²⁷⁹ Kaha omwo ikiye ayile na kumbata mukulwane shikola, ikiye atambukile nakuze nakuno chindende, ngwenyi, “Mwana, chize kachevwakana kanawako.” Ikiye ngwenyi, “Kuze kuli jila imwe kaha.” Hano ikiko eyi! “Kuze kuli jila imwe kaha kuli etu kutachikiza. Echi chinasoloka chaukalunga.” Kanyike walunga, Pendekosita kachi vanatambula chize, mwiji, lilela, wanda, lilovo, kaha kalachuma chose! Ikiye ngwenyi, “Chize chikomwesa chinahase kupwa chakwoloka, oloze kachasolokele kupwa chakwoloka na Lizu ko. Jino, etu tukwechi muthu wakufwana ngana, kapolofweto wakuwawwisa, wa lijina lya Martin. Twaya, yako kanduka uye kuli ikiye.”

Uze mukweze ngwenyi, “Nduma, nduma! Martin keshi navyuma vyamunyachi nganako.”

Kaha ngwenyi, “Enu muli nakuya, mukala.” Kaha ikiye vamukwachile ha livoko, nakumutwala kuli Martin, kaha chize chikuto chamusele ikiye.

Talenu, “Kuhungumwisa vaku Sakula nge chahashile.” Talenu, vakiko vamwijivile. Yesu ngwenyi, “Mikoko jami vatachikiza Lizu Lyami.”

“Mamalelo,” enu ngwenu, “ivwulilenu *Lizu Lyami*.”

²⁸⁰ Lize likiko Lizu Lyenyi. “Muthu keshiku kayoyela ha mbolo kahako, oloze ha Lizu lyosena.” Talenu? Vaze vakutongola vatachikiza echi. “Eli lizu lya ungeji, chipwe lizu lya ungeji, vakiko kaveshi kukavangizako.”

²⁸¹ Ize yikiko jila na vaze vakweze hano; vakiko kaveshi kuhasa kukavangiza. Vakiko vejivile nge Martin kwapwile kuze, kapolofweto wa chize chisemunwino, wa kwijikiza kuli Kalunga kuhichila mu Lizu, kutachikiza Lizu. Kaha uze lunga kahashile kwimana kumeso ache Chi.

²⁸² Ikiye nawa ngwenyi, “Kuze kuli chivimbi,” chipwe lize Lizu, “kuze, mu ngonde, vaze vakwaze navakakunguluka.” Jinouze ukiko Mat-... Enu mwakutonda kuyisoneka, ize Mateu24:28. Chindende kaha shimbu kanda, Mateu 24:24; jivese jiwana hanyima yacho, talenu, kachi mwakutonda kumbata echi. “Kuze kuli Chivimbi,” ize Mana, kuze kuli Lizu, “nava vakwaze kukiko navakalikungulwila.”

²⁸³ Jino Ngwatela kuzangwisa. Ngwatalile kwilu kuze na kumona lwola muka... Ili—ili seveni chipwe eyiti minyutu hanyima ya twoluvu. Nanguzanguwisa washi, mokomoko natuka kumisa haufuku walelo, mukala jila mulinakutonda. Chino chimene mokomoko ufuku uno? Haa? Vangahi vatela kuya kwimbo ufuku uno ha kukuma chakutanga, echenu tutale mavoko enu, talenu. Mamalelo, yami, twatela kutwalila!

²⁸⁴ Yami mungukonekeleko kukwata vathu chukuma manyi vali hajishinga kuze nge ngana, Oloze Yami nanguzanguwisa. Echi chitela kuhambakana na mbongo jenu. Ngwafwelela echi, kuli

yami, talenu. mbongo janu najiya nakunonga. Echi kacheshi; lili Lizu. Talenu?

²⁸⁵ “Kuze kuli Chivimbi, kwakuze vene navavakwaze navaka kungulukila.” Kuze kuli Chivimbi, kuze kuli ku—ku—ku nakujiha nawa, kuze kukiko vavakwaze navakungulukila. Kuze kuli Nyama ituta, Lizu Iya ngonde, kuze kukiko navakungulukila vavakwaze.

²⁸⁶ Oloze hanyima ya kupola, kahajino makuvi hinavawila ha chize. Yaah. Talenu omu Ngwatwale? Omwo navalinga nate Iyehi, haze vene numba vaze vakwaze veze; Oloze hanyima yachize, chakupola, kaha jino makuvi hinaveza. Uze kwaze keshi nachuma chakulinga navize ko. Talenu?

²⁸⁷ Yesu ngwenyi, “Kuze kuli Chivimbi,” kuze kwaholokela Manna, naufuku Manna yeji kuholokanga yayihya, “kuze kukiko navakungulukila vaze vakwaze hali Chize.” Ize ikiko Manna yalelo. Talenu? Tachikizenu.

²⁸⁸ Oloze hanyima yakupola, na mavunu vanengila muikiko, haze jino naveza makuvi. Vakiko kaveshi kuhasa kuhumbilila kuvanga yinapolo. Shikangaho Yesu emanyine kuze nakwamba ngwenyi, “Yelusalema, enu mwashile malwola hali kapolofweto wosena!” Tachikizenu chize kuvuluka muthu, talenu, “Yelusalema, Yelusalema, omwo Ngwatonda...” Ikiye apwle Hiya? “Omu Ngwatonda kukukungulula ove nge kasumbi mwautamina, enu mwashile malwola hali kapolofweto wosena vaze Ngwamituminyine kuli enu,” lize liuka Iyalinene, Yelusalema.

²⁸⁹ Ize Yelusalema keshi nge eyi yahano hamavuko, “oloze etu va Yelusalema ya Mwilu,” kuze kwafuma Lizu, kufuma kukutongola, tala. Keshi Yelusalema yamwaka ize nayi kanonga; Yelusalema Yayihya ize yakuzeneka kunonga. Keshi Yelusalema yamwaka, vatungile kuli muthu; oloze Yelusalema ya Yihya yakutunga kuli Kalunga, talenu, Lizu kuze jino lili nakusoloka. “Mu zuvo Tata Yami mautwamo amavulu. Yami nanguya na kumiwahishila yenu,” uze Tengi kupanga jijila jaulu, na vya ngocho. Uze Ikiye azeneka kunonga.

²⁹⁰ “Yelusalema, Yelusalema, omwo Ngwazangile,” kufuma kukuputuka cha lwola; keshi Muthu wamuchitatu, umwemuthu weka, oloze, “Ngwazangile kukuuva ove nge kasumbi mwakumbilila, oloze ove kawahashile ko. Oloze jino lwola lwove luneza.” Talenu?

“Kuze kuli Chivimbi, kwakuze nakukungulukila na vakwaze nawa.” Oloze nge uze chivimbi napolo, kahajinonyi makololo hinavakunguluka. Talenu?

²⁹¹ Tachikizenu. Mose, ikiye kahanyine vana va Kalunga... Mose apwile kwaze, kaha ikiye ahanyine vana va Kalunga futa yakusala kuli Nowa. Talenu? Ikiye na Lizu lituta Iya Kalunga. “Uze Mwata Kalunga anguwananga yami mupambo,

na kwinjikiza Lizu Lyenyi, kaha nangutumu yami kuno kumilovola enu.” Kahajino kwejile na kumujinguluka vaka kulifwanyisa, kufwanyisa echi. Talenu? Oloze ikiye apwile Lizu Iya Ola.

²⁹² Mwomwo, Kalunga ahanjikile kuli Apalahama, uze apwile na lushiko, “Mbuto yove nayikatambuka mulifuchi Iya ungeji, mwaka fwo handulendi, oloze nangu kavatambukila nakuvambatamo livoko Iya undume.”

Mose ngwenyi, “Jino, Mwata Kalunga mwakahanjika kuli yami na kuchisolola kuli yami, kaha nangulweke yami vyakulinga, kaha Nakumilweza enu.” Ngwenyi, “‘YAMI,’ nangutumu.”

²⁹³ “YAMI!” Keshi “Ngwapwile, mokomoko nakukapwa.” “YAMI,” nge halihaze, lize Lizu jino. Keshi Lizu lize Iyapwileko, lize Lizu lize nalikeza; lize Lizu liliko jino. Talenu? Enu kwate echi? “YAMI!” “YAMI” ikiye Lizu. “Kukuputuka kwapwilenga Lizu, kaha Lizu Iyapwilenga na Kalunga hamwe.” Echi chakwoloka? “YAMI.” “Kalunga nangutumu yami nge kapolofweto Kenyi, kwijikiza echi kupwa muchano. Yami kukumbulula ku Lizu Iyenyi, angulwezele nge ngwizenga kuno na kulinga echi.”

Kaha omwo ikiye alingile echi, Fwalo ngwenyi, “Chamwaza, etu tukwechi vanyike vamaIunga vavavulu mulizavu Iyetu vanahase kulinga ngana, nawa,” vaka kulifwanyisa.

²⁹⁴ Yesu ngwenyi, “Jino, chize nachika hilukilaho cheka nawa mu makumbi akumakumishilo,” talenu, kutonda chuma chochimwe. Tala yihya ejile chatete. Tala yihya atwamine na Lizu. Chize chikiko. Muze mukiko mwakuchijivila, shikaho mwamono.

²⁹⁵ Etu tunatachikiza, Mose kavahanyine vize vyapwile vya lwola Iwa Nowa ko, “Etu tutukenu wato jino, ’mwomwo lize Inapu Lizu, enu munatachikiza. Nowa atungile wato likumbi limwe.” Nduma, makuvi vapwile nakulya hali chize. Nduma. Nduma.

Eli likiko Lizu Iya lushiko. Tachikizenu, mwomwo ya mujimbu apwile nawo wakufuma kuli Kalunga, Ikiye na Lizu Iya mwenemwene Iya kutongola Iya Kalunga Iya ize Ola.

²⁹⁶ Chipwevene Yesu kavahanyine futa yakuseza kuli Mose ko. Mose apwile na Lizu Iya Ola ize, oloze Mose apwile kapolofweto. Hano hakiko hali Kalunga Ivene, talenu, Ikiye Mose kavahanyine vakiko’—futa yakuseza kuli Mose.

Oloze tala hali makuvi muze lize Iizavu, vakiko vachizuzukila echi. “Etu tunatachikiza! Etu tukwechi Mose! Etu katwechi nakutonda kupwa na Yove.”

Ikiye ngwenyi, “Kachi enu mwamu tachikizanga Mose, enu kachi mwangu tachikiza Yami, mwomwo Mose ahajikile Yami.” Talenu?

²⁹⁷ “Kuze kuli Chivimbi, na vakwaze nawa.” Vakwaze! Mukakulya yituta ya Lizu, Lizu lize vanakulisa na kununyisa, kaha vanalilingisa kusoloka na kuli hana kupwa Kulya kuli vana.

Jino, uze chivimbi wamwaka atwamine myaka handulendi, kuze nachikapwa.

²⁹⁸ Chochimwe jino! Luther apwile na mujimbu wa kwalumuka nakupihilila; oloze, enu lizavu lya makololo va Lutaleni! Mbaputishiti vapwile na mujimbu; oloze, enu makololo va Mbaputishiti! Talenu? Va Pendekoshita vapwile na mujimbu; kwiza kwimbo jino, Makololo va pendekoshita!

“Oloze kuze kuli Chivimbi, kwakuze nakukakungulukila Vakwaze nawa.”

Anukenu, enu kamweshi kuhasa kulisa ka Lutaleni, kumakumbi akuze kunyima (munahase jino), Katolika chivimbi. Nduma, mwane. Ikiye apwile na nyama. Chize chapwile chisemunwino cha liuka.

²⁹⁹ Enu kamweshi kulisa Mesondisiti, Mujimbu wa Lutaleni. Mamalelo, nduma, ikiye katondele chivimbiko. Echi cha polo. Talenu, Kuyoya china mufumu nakwingila muchuma cheka. Chize chikiko chisachi chamwaka chakufwa, kunyima kuze. Chize Kuyoya chili nakwenda nakutwalilaho.

Chipwevene kaweshikulisa Mwenga wa Kulishitu Yesu Chipendekoshita. Nduma, mwane! Lizavu lya kutuvika lya mavunu; nachuma nachilinga chauchi! Nduma, nduma!

³⁰⁰ Mwomwo lushiko kana, “Shimbu kanda lize likumbi lya linene lya kwivwisa woma likeze, Nangukamitumina enu kapolofweto Elija. Ikiye mwaka tungulula michima ya vana kukindulwisa ku Lufwelelo lwa masevo cheka.” “Jishiko josena eji vahaka mu Mbimbiliya, Nangujilinga, kaha kuze kukiko nakukakungulukila vakwaze.” “Vosena vaze Tata anguhana Yami navakeza kuli Yami.” Talenu?

³⁰¹ Yesu kesekele kulinga chizeko. Oloze omwo Yesu mwakeza, Ikiye mwakawana visakasaka vya makuvi, “Etu tukwechi Mose na jishimbi.” Talenu? Chamwaza, chize chapwile kulya chamwaza kunyima kuze lwola vaujihile nakuvahana vakiko. Talenu, chize chapwile chakwoloka vene.

³⁰² Oloze echi chikiko chize vapolofwetele kuli Mose, ivene, uze ajihile uze wana wakulumba, ngwenyi, “Uze Mwata wenu Kalunga mwakakatula muli enu, wamuli va ndumbwenu, Kapolofweto. Kaha nachikasoloka, kuli vosena vaze navakahona kukwachilila kuli uze Kapolofweto kuli vize mwakahanjika

Ikiye ngwenyi, navakamuteteko kumufumisa mukachi kavathu.” Kaha chapwile ngocho.

³⁰³ Tala omu maupolofweto akuzalishiwa akuheta ku sikisi handulendi kuze vene, a Tesitamende ya Mwaka, a Kulishitu Yesu. “Vakiko vatuvile mumavoko Ami na muvilyachilo Vyami.” Ha, Ngwavulyama angahi anazalishiwa mumakumishilo a jiola seveni chipwe eyiti mukuyoya Chenyi, vosena tupolofweto vahanjikile, mwakukupuka.

³⁰⁴ Kachi Ngwapolofwetanga lelo nge chuma chimwe nachisoloka mu mwaka kufuma hano, pamo Ngulina—Ngulina twende peseta mahanya numba chisoloke, chipwe chinoloka nyi chinahenge. Kaha kachi Ngwapolofwetele nge chize nachikasoloka, kaha kangwambile ngwavulukile lwola, Nguli kaha na peseti yayindende. Kachi Ngwapolofwetele lwola na chikasoloka chize, nachinguhana seteko yayindende. Kachi Ngwapolofwetele kuchihela nachikasolokela, echi nachinguhana seteko yayindende. Kachi Ngwapolofwetele... nachikapwa halihya, jino Nguli kaha na handulendi imwe na sausannde seteko nayilingisa chize kwiza nakusoloka, kachi cheshi muchano ko.

³⁰⁵ Kaha Lizu lyosena, haleluya, lize vasoneka hali Meshiya, lyose lyazalishile nakusongo. Palanga nalikumbi limwe, kutanga Visoneka, Ikiye emanyine mukachi kakutanga jize jisona, kaha ngwenyi, “Ize Shipilitu ya Kalunga ili hali Yami ngwambulule Mujimbu wamwaza, kaha nakusokola...” Kaha emanyine mukachi kakutanga jize jisona, mwomwo osena a Vyevi vya hakwiza Chenyi Chamuchivali. Amena! “Melu na mavu nawakahita; Mazu Ami kawechi kuhasako.” Talenu?

³⁰⁶ Ikiye apwile Lizu vene, lize lyapwilenga nakuvalisa. Mose avalwezele Muchano; oloze, munamono, vakiko lwola lwosena veji kupanga chikungulwilo kufumisa muze, mangana makuvi va...

³⁰⁷ Kuze kukwechi kusala vyuma vimwe Vize vakwaze naseze hanyima yakulya kaha vayi kwimbo. Kahajino vakiko vali nakuvandamina vyuma vikwavo vyeka. “Lize Lizu,” vakiko ngwavo, “hano Echi chatela kwiza. Etu twapwanga na kulya chamwaza zau kuze; etu natukapwa na mukoko hamene.” Talenu omwo Ngwatwale? “Kuze kwapwanga kulya chamwaza cha chivimbi, kuchakwa, oloze lelo tuli namukoko alinakwiza. Alikulihi?” Talenu omu Ngwatwale? Kulya cha Vangelo! Vathu vaze vanali mana likumbi limwe, kachi nge navayitulika nakuyilama nalikumbi likwavo, nayiya nakufuta. Enu kamweshi nakumona vifwanyisa vyosena evi, omu vyakupuka? Chochimwe jino!

³⁰⁸ Tachikizenu, makuvi vamulikumbi lya Yesu vafumishilenga va ndemoni; vakuwavisa vahali chivimbi chamwaka. Echi

chakwoloka? Vakiko vapwilenga nakufumisa va ndemoni. Yesu ikiye ahanjikile ngocho.

³⁰⁹ Kaha anukenu, vakiko vapwilenga na tupolofweto mumakumbi aze. Caiaphas, uze kapilishitu wamunene, apolofwetele. Vangahi vatachikiza ocho? Caiaphas apolofwetele. Tachikizenu chihela cha mwila muwande; veji kuutukumwinanga na kuwavwisa chochimwe. Mwomwoika Mbimbiliya yinahanjika ngwayo apolofwetele? “Mwomwo apwile kapilishitu wamunene uze mwaka.” Chihungu wakupola, mwila na mutuva poko, kutwama mukachi ka Tiliku; oloze Shipilitu apwile hali ikiye, Shipilitu Wajila wamwenemwene wa Kalunga. Uze Shipilitu Wajila wa Kalunga apwile hali ikiye, kunangula, kupolofweta, nakulweza naviza navikasoloka; na kukana na kusukika Lizu livene lya ola.

³¹⁰ Mamalelo, keke, ndumbu walunga! Natushimbula ngachilihi nakuhanjika vyuma evi, talenu, kangahi natuhita mu Visoneka? Nanguzangwisa. Ngukwechi hano pamo mapapilo teni, a Visoneka, omu mwakwijikiza vyuma vyosena. “Lize likumbi hali vakakwoloka na hali vakuhengesa, chochimwe.”

³¹¹ Yesu ngwenyi, kwinjikiza echi. “Kachi Nguli nakufumisa va ndemoni na munwe wa Kalunga, kaha vana venu vali nakufumisa hali hiya?” Jino, vakiko vafumishilenga va ndemoni. Vakiko vapolofwetelenga. Echi cha kwoloka? Oloze kavahashile kumutachikiza Ikiye kupwa Lizu lya ola, (mwomwoika?) mwomwo Ikiye apwile wakulivwasana navakiko.

³¹² Jino mbatenu Mateu 24:24, “Vakulishitu va Kwonga,” vaze vakuwavisa, “navakatuka, kaha nakukapwa tupolofweto va kwonga kupolofweta echi,” talenu, “kaha nava kahungumwisa navaze va Sakula kachi chahashile.” Enu mwachikwate jino?

³¹³ Tachikizenu enu vana. “Hiya eji kulinganga vana. . . Kachi Nguli nakuhanga va ndemoni na Lizu lya Kalunga,” ou, Ikiye apwile Lizu lya Kalunga, “nyi vana venu vamuvikungulwilo veji kumufumisa va ndemoni hali hiya?” Jino, kaha Kalunga ukawenyi nahase kufumisa ndemoni, etu twatachikiza ngocho, Kalunga ukawenyi. Mwomwo, lunga wangolo atela kupwa wangolo kuhambakana uze ali muzuvo. Vakiko vapwile na ngolo ja kulinga chize.

³¹⁴ Enu munatachikiza, muli Kusoloka chize, ngwenyi ikiye mwalinga. . . uze mukakole wa kulishitu mwakalovoka kumakumbi akumakumishilo, “nalinga vinjikizo na vikomwesa, vize navina kuhungumwisa vaze vatwama ha mavu, kaha kuhungumwisa vosena, na Vakakulishitu na vosena, vakwechi majina avo vazeneka kusoneka mu Mukanda mwana Mukoko wa Kuyoya,” kukumbulula ku Mateu 24:24, “vakwechi majina avo vazeneka kusoneka mu Mukanda wa mwana Mukoko wa Kuyoya kufuma kukwala chihela chahamavu.”

315 Chize Kuyoya chize chapwile mumwiji—wa uze mutondo wa mulalaja wamwenemwene, uze uneza kukavangiza lize livungu lya mitondo ya mihako na vyosena ovyo, nakuhita nakuhaka muhako kwilu lya mutondo, kuhita helu lya mitango yakunungamo ya vikungulwilo. Enu mwachikwate echi? Nanguzanguwisa. Uze lunga wangolo. . .

Anukenu Ndavichi jino, ikiye apwile wakushishika, wambwende, kweseka kulingila Kalunga mulimo, uze vahonene kumutongwela kulinga.

316 “Vakiko,” vaze vakuwavisa; oloze Yesu ngwenyi, “Vakikiko veji kunangulanga Kunangula cha kulumbununa (cha Visoneka) cha vathu,” talenu, keshi Lizu lya Kalunga, keshi Lizu lya kwinjikiza kuli Ikiye; kunangula Kulishitu wakushikulu, talenu, chuma chimwe chapwileko.

Kaha Mbimbiliya ngwayo, “IKIYE ali.” “YAMI,” keshi “Ngwapwile chipwe nangukapwa.” “YAMI, haze vene.” Ikiye lize Lizu lili nakuyoya hano.

Ikiye kwapwile, kukuputuka, Ikiye kwapwile ku—Ikiye apwile—muvihungu; Ikiye apwile na musangu; Ikiye apwile na mu chiyawu; oloze jino Ikiye alina mu Linona.

317 Jino, enu kindulenu na kweseka nakuyoya cheka? Nachipwa ngachilihi nge chize Kuyoya kushikumuka nakukinduluka, enu munashinganyeka ngana nge Kuyoya (chinasale) chinahase kuhanjika, kukinduluka hanyima yachize chiyawu chamwaka chakuma, chahase kukinduluka nakuyoya cheka? Echi kacheshi kuhasako. “Mwomwo chili chakuhona kuhashiwa kuli vaze vangilile kuvamwinyikila,” kaha kavahashile kwenda na Lizu nge omu lyasolokele, “vakiko vali va kufwa, vanayi; kaha vanapu mingonga na mituva poko eyi yinapandama kukuyikana, makumishilo avo kuyocha.” Echi chakwaloka?

Jino manguzanguwise nge omu na Nguhashila.

318 Tachikizenu mu Chisoneka jino. Kunangula Kalunga wakushikulu, talenu, nge omu vakiko valinakweseka kuyoyela muchakunyima, nge, “Chamwaza, Wesley ngwenyi *munganji mukananga*.” Mokomoko, “*Munganji mukananga* ngwenyi *munganji mukananga*.” Enu muli nakukana Lizu lya lushiko lya likumbi, ize Mana najimbula hatomato ya likumbi lino. Vakiko vali na kweseka kuhaka Lutaleni yamawaka, Mbaputushiti, Pendekoshita vinyo mumilondo. Echi kayechi kuzachiwako. Kaha Vinyo yetu yayihya, mumilondo yamwaka, kayeshi kuzachiwako. Kachi nge vakiko naveseka kuhaka Vinyo yayihya muvikungulwilo, uleya wavo nausoloka. Vakiko kaveshi kuhasa kuchilingako. Echi nachituvika.

“Jino, ndumbu walunga, Ngwamono Lizu lya Kalunga, kukupuka cha Lizu!”

319 “Jino, tala hano, ndotolo, kachi. . .Etu—etu katwechi kuhasa kupwa na Chize hano jino.” Mukweze walelo, Pamo, Ngwazanganga enu mutwalileho kuya kulutwe. “Etu, etu katwechi kuhasa kupwa Nachizeko hano jino. Ngwa—Ngwachimono ngana pamo mutwalileho kuya.” Munatachikiza. Talenu, echi kacheshi kuzachiwako. Echi nachituvika.

320 “Enu kamwechi kuhasa kuhaka kachihanda ka chikukuto kakahya ha chikuto chamwaka, ’mwomwo naulingisa chose kupulika.” Talenu? Kumana Yesu kahanjikile ngochoko? Enu kamwechi kuhasa kuhaka Vinyo mumilondo yamwaka. Echi nachilingisa kutuvika. Ize Vinyo yayihya yikwechi Kuyoya muli yikiko. Chosena chakwoloka.

321 Tachikizenu hano hali chuma chimwe, muwashiwashi jino, shimbu tuli nakukumisa. . .kuhanjika chetu. Tachikizenu Kusoloka 16:13 kuheta ku 14, kachi uli nakutonda kusoneka echi. Kangwechi nalwola pamo lwakuheta kuya nakuheta kuliechi. Ngwakutonda enu mupwenga vakukunyuka na kumona echi. Jino tachikizenu, echi chinapu kuvuma chili mukachi ka Chiloso cha Sikisi na Seveni.

Jino etu tuli. . .natuya nakusoka mumunutu tuhu, kachi namuhasa kuunda mumiyutu. Kusoka hano jino.

322 Tachikizenu Kusoloka 16:13 kuheta ku 14, mukachi ka Chiloso cha Sikisi na Seveni, “Mashipilitu atatu akufwana vimbotwe” (enu mwatachikizanga chize?) “valovokele mukanwa kaumwe.” Jino tachikizenu, washiwashi. Enu mwalizange? Hanjikenenu ngwenu, “Amena.” [Chikungulwilo ngwacho, “Amena.”—Muka.] Mashipilitu atatu!

323 Jino ndumbu walunga wa muchikungulwilo, twama kaha ha munyutu. Kanda kukatuka nakulovoka muno mukapete, nakuli enu muli kuvisaji, nenu muli kujisambo. Kanda kujima chisaji chakukopa. Twamenu kaha kulu ha munyutu, na kwivwulila. Enu mwasemuka kuli Kalunga, enu namuhasa.

324 Vimbotwe vatatu! Uze chimbotwe apwa kanyama uze lwola lwosena atala kunyima. Ikiye katala kuze alinakuya; ikiye atala kuze ali nakufuminyina. Talenu? Enu kamwechi nakumonako? Kulihize kwasemukilile ou utata wa tulunga? Anukenu, “mashipilitu amapi atatu,” mashipilitu akulimanyina. Muli nakwivwa echi? [Chikungulwilo ngwacho, “Amena.”—Muka.]

325 Tachikizenu, vakiko valikutala kuyima ku ku Kasulu ya Nicaea kuze kwasemukile kunangula cha tulunga vatatu, keshi mu Mbililinya ko. Kakweshi chuma changochoko. Vakiko veji kutala kunyima ya Nicaea ku Kasulu ya Nicaea, ku Loma, kuze kwasemukile cha tulunga vatatu.

326 Tachikizenu kuze vafumine. Tachikizenu. Kaha vimbotwe vatatu valovokele muli chize chamwaka cha tulunga vatatu, kusema chuma chachihya cha tulunga vatatu, nevo yavo. Chuma

muka chalovokele muli chikiko? Chize cha tulunga vatatu, “uze chazangombe,” talenu, “uze chisuma,” na “kapolofweto wa kwonga.” Chize cha tulunga vatatu, chachihya. Lwola muka ava vimbotwe valovokele? Lwola muka? Tachikizenu, vakiko vapwile ko kuze lwola lwozena, oloze chize kachasolokeleko palanga na mukachi ka Chiloso cha Sikisi na Seveni, shimbu kanda kusokolola Tutachikijilo (Uum?) kusolola echi.

327 “Mwomwo mu Mujimbu wa kangelo wamuchi seveni, mangana akuswamana a Kalunga atela kusoloka,” evi vyose vyuma vya tulunga vatatu, na kujimika cha kwonga, kaha vyosena vyatela kusoloka. Kalunga etu kafweko kumona Muchano! Kaha kanda kushinganyeka nge muthu umwe ali nakweseka kuhanjika vimwe kuli. . .

328 Nguli nakwivwa shipilitu kuhona kusuuluka hali Chize, mwamono. Kangweshi kulihanjika ami lyaveneko, ndumbu walunga. Nguli nakuhanjika hali Kangelo ka Mwata uze ali muchilombo. Chize chakwoloka vene.

329 Tachikizenu, chatulunga vatatu! “Uze chazangombe,” vangahi vatachikiza chazangombe hiya? Ikiye uze Loma. “Kaha chazangombe emanyine kumeso ayauze pwevo mangana alye uze mwanenyi haze mwasekana.” Chize chakwoloka? Nyi “chisuma” alumbunukila ika mu Mbimbiliya? Ngolo. Chosena chakwoloka. “Kapolofweto wa kwonga, kapolofweto wa kwonga,” kwonga, vaze vakuwavisa. Talenu?

330 Yaputukilile kulihi? Ou ali “kapolofweto wa kwonga,” umwe. “Kapolofweto wa kwonga,” popu wakulivanga; kaha kufuma haze kwalovokele “uze—uze lihule wamunene, kaha ikiye naye ya vakujila,” chuma chosena.

331 Kwonga chatulunga vatatu kukatuka; keshi kumaputukilo amakumbiko, chaputukile kusoloka kumakumbi akumaputukilo, kaha chatwalileho kuya nacho. Oloze omwo Tutachikijilo twa muchi Seveni twejile, kaha kasokolwele aze mangana akusweka na kuwasokolola, mukiko vene “vaze vimbotwe, mashipilitu amapi atatu akulifwana nge vimbotwe, valovokele nakulisolola avene,” kunangula chatulunga vatatu chapwa kufumbukila Muchano. Talenu? Huu!

Talenu oku ya fuminyina kulihi? Talenu noku yili nakuya? Ku Kasulu ya Ecumenical. Vakiko vali va ndumbu va malunga, mukikovenene; mashipilitu amwe, chuma chimwe.

332 Kaha tala. Shikaho chili chakuhungumwisa, kuzata vikomwesa! Kaha ava valiva ndemoni vaze veji kuyanga kumakombelo akumavu, kuzata vikomwesa, mangana kuvahungumwisa vaze vakumakumbi akumakumishilo, kaha navahasa hakulinga chize. Chuma muka Kalunga ahanjikile hali ou shipilitu wamupi?

Ngwenyi, “Nanguya na kwingila mukanwa kavaze tupolofweto nakuvalingisa kupolofweta kwonga, kulingisa Ahave kulovoka nakuya vaka mwenyeke.”

³³³ Kalunga ngwenyi, “Yako. Ove nauhasa. Ove nauvalingisa kufwelela echi. Vakiko kaveshi ha Lizu ko, kukuputuka.” Talenu? “Yako, ove nauvakunyukisa. Ove yove nauchilinga, omwo naukengila muli vaze tupolofweto, ’mwomwo ikiye avakundamina vakiko. Kaha ikiye kejiva nachuma chimweko ha Lizu, chipwe kweseka ikiye kuli nangulalyo Eli. Ikiye keshi kuhasako, mwomwo apwa mutuvapoko, kukuputuka.” Talenu? Talenu? “Ove nauya nakuhasa.”

Tala hano hali ava vimbotwe vakwonga, kutala kunyima, “Mwomwoika, munejiva omu vahanjikile kuze ku Nicaea?”

³³⁴ Kangwalizakamina vize vahanjikile, kuze ku Nicaea. Yami nguli nakuhanjika vize vahanjikile vakiko hano ha Litanda lya Kalunga; omu nachikapwa, keshi omu chapwile; omu nachikapwa, mwomwo Ikiye ali “MUNGWAPWA.” Talenu?

“Kwonga.” Tala hali chize. Huu! Tachikizenu vafumine kulihi.

³³⁵ Jino (Ivwililenu kanawa.) etu twamono kanawa, hanyima ya kusokolola Tutachikijilo Seveni. ngana nge kusolola mangana akuswamana: Chatulunga vatatu chumamuka? Talenu? Kulihiize vavulukilenga chatulunga vatatu? Talenu? Kulihiize numba mu Mbimbiliya vahanjika Echi kupwa chatulunga vatatu? Kulihiize kutwama Tulunga vatatu, mangana tuli fukule kuli Tulunga vatatu kaha tuhona kupwa vaka shili?

³³⁶ Navapwa ngachilihi vakuhandunuka, omwo Ikiye ambile ngwenyi, “Yami na Tata yami tuli Umwe”? “Kuvanga enu namufwelela chize ngana nge Yami Vene, enu namukanonga mumilonga yenu ya shili, talenu, kuzeneka kufwelela.” Shili yapwa kuzeneka kufwelela. “Enu namukanonga mukuzeneka kufwelela.”

Mamalelo, enu ngwenu Yami hiya, kufuma kumaputukilo enu ngwenu mweji kwamba ngwenu Ngwafumakulihi,

Mamalelo, enu mwatachikiza Tata Yami, mokomoko mwahase kungulweka Lijina Lyenyi?

NGWAPWA Loza ya Shalone, uze Kumunyika na Litota lya Chimene.

Munahase enu kungulweza yami Ikiye Hiya?

NGWAPWA ikiye ahanjikile na Mose muchiputa chakukwata Kakahya,

NGWAPWA uze Kalunga ka Apalahama, uze Kumunyika na Litota lya Chimene.

NGWAPWA ikiye Loza ya Shilone, mamalelo,
enu ngwenu Ngwafuma kulihi;
Mamalelo, enu mwamwijiwa Tata Yami,
mokomoko mwahase kungulweza Lijina
Lyenyi? (Amena!)

NGWAPWA Alafwa, Omenga, Kuputuka na
Kukumisa;
NGWAPWA ikiye tengeso yosena, kaha Lijina
Lyenyi ikiye Yesu.

Chize chakwoloka. Kakwechi chatulunga vatatu! Nduma,
mwane. Chize chili chuma cha kwonga.

³³⁷ Tuze Tutachikijilo twa Seveni, kusokolola ahaze mangana akuswamana “atela kukuma,” kulisolola. Katachikijilo kukasokolola; kuwafumisako, kuwasolola, kusoloka Muchano wakusweka kusoloka hatoma ngana nge tuze Tutachikijilo twapwile twakusweka myaka yipwaha, kuhita mumauka osena na muvi kungululwilo.

“Uze lihule wamunene,” waku Kusoloka seveni-... Ikiye apwile hiya? Oloze ikiye ali “UZE NAYE YA VAKAUJILA,” nayikiye nawa. Talenu?

“Jino, enu mwavavulukikle ‘makuvi,’” enu ngwenu, “Ndumbu walunga Branham.” Chize chakwoloka.

³³⁸ Oloze, anukenu, likuvi apwa kajila. Ikiye vamuwawwisa kutuka, nawa. “Awa mashipilitu avali nawakalihata na kuhungumwisa vaku Sakula...” Uze likuvi wamunene nge—nge ngonga. Ikiye eji kutuka nge ngonga; kaha vamuwawwisa kutuka, mokomoko kunangula, mokomoko kupolofweta, tachikizenu, chochimwe na ngonga. Oloze keshi kuhasa kujindama nge ngonga. Nduma, nduma. Kachi nge mweseka kumukava ngonga, uleya wenyi nausoloka. Eyo, mwane. Ikiye keshi kuhasa kumukavangiza ngonga.

³³⁹ Mamalelo, ikiye nahase kwamba ngwenyi, “Ngwafwelela muli Yesu Kulishitu kupwa Mwana Kalunga. Ngwafwelela Kalunga Tata, Waundume, Tengi ya melu na mavu; Yesu Kulishitu Ikiye Mwaneyi,” na vyangocho. Mamalelo, punduvene, vakiko vanahase kulinga chize. Oloze Ikiye kumuvuluka kupwa chochimwe zau, lelo, na haya myaka? Talenu?

³⁴⁰ Ngonga kajila wakatunga mwakulimanyina. Kakwechi chuma chakulifwana na ikiye, hano hamavu. Talenu? Ikiye—ikiye... Kachi nge likololo mweseka kumukavangiza, mokomoko kala kajila, ikiye mwalyenyeka. Ikiye uleya wenyi nausoloka, punduvene. Ikiye mwatuvika kachi nge mweseka kuhaka Vinyo ya yihya mumulondo wamwaka. Talenu, ikiye mwatuvika. Ikiye mwalyenyeka. Ikiye kavamutunga, ikiye keshi na... mujimba Wenyi kavautunga kumutulika hazeko. Omwo ikiye mwaya muze mwilu, kachi ikiye kavamutungile, kutongola, kumutachikijiza lyehi, kusemuka kupwa ngonga,

ikiye mwathothoka. Talenu? Aze mangona nawasuchika, kaha ikiye mwaholoka ha mavu. Punduvene. Ikiye keshi kuhasa kukavangiza ngonga, mukujindama. Kachi nge mweseka, ikiye uleya wenyi nausoloka. Chize chakwoloka. Enu kamweshi kuhasako.

³⁴¹ Mwomwoika? Ikiye keshi kumona nge ngonga ko. Kuwaha muka nachikunehela ove chakutumbuka helu, ohonyi ove kuhasa kumona chiku omwo uli haze? Kaha kachi ikiye mweseka, chipwe kweseka kufwanyisa echi nge ngonga, mukujindama, ikiye mweza nakupwa kapuputa ikiye keshi kwijiva nocho alinakuzachila. Echi chakwoloka. Ikiye mwatetumuka nakutambakana, na kulinga ngocho; oloze hanjika kaha Lizu kuli ikiye, kanyike walunga, haze uleya wenyi navautachikiza.

³⁴² Hajika kuli ikiye ha lujimiko mu Lijina lya Yesu Kulishitu, mokomoko, Ikiye kupwa chochimwe zau, na lelo, na haya mwyaka, vosena—vosena ngachize, kaha mulweke ikiye. “Mwomwoika, mamalelo, jino vandamina munyutu kaha!” Talenu? Mamalelo, yaya, aze mangona kuholoka. Talenu, Ikiye wose wakatumbuka, na kupolofweta, na kutapula va ndemoni, na kuhanjika mumalimi, na kutambakana, na kulila lika, kulaha helu na hamavu mumavu. Oloze kanda kweseka kukavangiza Kuzeko; mwomwoika, ikiye punduvene navakamulingisa kumwijiva.

³⁴³ Ohonyi, ikiye wakatongola. Ikiye wakuwawisa. Ikiye nahase kutuka. Ikiye nahase kwimana kanawa, kukanduka kuze, oloze keshi . . . kuya hahasuku. Talenu, ikiye nahase kulya chacha, oloze ikiye keshi kuhasa kulya Nyama yitutako ize yakufuma ku Litanda.

³⁴⁴ Ikiye ali kapuputa. Ikiye wosena wakatunga kanawa, oloze ikiye katachikizako ocho vamatungila ngochoko. Talenu, uze Shipilitu youmwe aholokele hali ikiye, kufwana nge vula, kumulingisa kupwa tiliku; ikiye keshi tiliku kukuputuka. Ikiye mwatuvika. “Mamalelo, Kangweshi kuya kuma chimwe . . . Mamalelo, nduma, mwane! Ngwatachikiza Ndotolo Jones ngwenyi . . .” Chosena chili chakwoloka, yako kulutwe. Talenu? Yako kulutwe, kachi ove watondo.

³⁴⁵ Nduma, tachikizenu, ikiye keshi wakusemukako, mokomoko kutungiwa, mokomoko kutongolo, kupwa muyachi wakajila kana. Ikiye nahasa . . . Ikiye ali . . . nahase kupwa limau kukolela ha mutondo wa mulalaja, oloze kafumine kumijiko. Ikiye ali kaha chuma chakuhakilako. Kaha omwo vakiko navajindama muvikungulwilo vyavo vakiko navahona kumona Lizu lya kutongola lya Kalunga lya kwijikiza, kahajino uleya wavo navaulingisa kusoloka. “Mamalelo, chize chuma, Panda ha mutwe, na vyosena, mamalelo, Echi chili chakuzeneneka mangana.” Talenu? Vanachilingisa kuchijiva.

346 Ikiye kavamutungu kumona hahasukuko. Ikiye nahase kumona kaha kutesa na meso amangilasi avikungulwilo anahase kumulingisa kumona. Oloze, hanyima yachize, ikiye ali kapuputa nge kafukufuku. Echi jinonyi uleya wenyi vanaulingisa kusoloka. Talenu? Muze mukiko ngonga wamuchano atwama nakulya. Eyo, mwane. Muze mukiko muli muchano, vangonga vaku sakula veji kulimonanga omu apwa. Nge kaveshi kuhasa kumbata lize Lizu, vakiko vanejiva haze vene ikiye ali likuvi wa chikungulwilo.

347 Mwomwoika, mwomwoika ikiye nahonena kutuka? Mwomwo, tala ikiye ovyo nalinga. Ikiye nalinga chacha yakupola ya chikungulwilo. Chize kacheshi—chize kacheshi kutunga mujimba mushipilitu, kavweshi kumuhaka mukuzama chamushipilitu ko, mujila ikwavo, kumumbata ikiye kumuhaka helu lya chihandwa chavikungulwilo. Talenu? Talenu, ikiye eji kulyanga kaha ha vyakupola; mujimba wenyi vautunga na vize. Ikiye keshi kuhasa kuya helu kuze ize Nyama yituta yeji kutwalanga uze ngonga. Ikiye keshi kuhasa kuchilingako. Talenu?

348 Chize chinapu kuzalisa Mateu 24:24. Ikiye alina kutuka, kutumbuka helu mupeho, kutambukisa mavava eyi, oloze ikiye keshi kuya helu chikuma ko. Talenu? Echi chakwoloka. Talenu, ikiye keshi kuhasa kuya, ikiye keshi kuhasa kujindama helu nakumbata Mana yituta. Ikiye nahase kulya mana yamwaka ize ili hamavu, vambwanda vamwaka vakufwa vaze vanachiki vanatwame mulungu wosena, na kakweji wamuundu, momoko myaka fwote, kufuta lyehi. Ikiye keshi kuhasa kulya chizeko, kaha kuhasa kuzuzukila echi, mwakolonyoka na kutambakana, nakuya kulutwe, kutumbuka na kutuka nge ngonga mukwavo. Ikiye ali wakuwawwisa, nge mukwavo kajila.

349 Kaha ikiye ali muyachi wa ngonga, ali likololo. Etu twatachikiza chize. Pundu ali, oloze ikiye keshi kuhasa kukavangiza uze ngonga wamwenemwene. Talenu? Ikiye keshi kuhasa kuchilinga chizeko. Nduma, mwane. Mujimba wenyi kavautunga; ikiye nalinga jichacha jakuhandunuka, talenu, kaha keshi kuhasa kupwa . . . keshi kuhasa kupwa—keshi kuhasa kupwa Nyama yituta ko, Mana yituta. Nachipwa chumachimwe chize Luther ngwenyi, Wesely ngwenyi, momoko Ndotolo ngwenyi *Mungaji mukananga*. Echi kacheshi kupwa nge omu ambile Yesu hali luno lwola.

350 Echenu tuyenu jino, mukusoka. Vaze vakuwawisa, “Vakulishitu,” mumakumbi akukuminyina, oloze “vaze vakakunangula vakwonga na kapolofweto wakwonga.” Tachikizenu chili chakukolesa! Jino Ngwakutonda enu kupezalisa echi; katweshi nalwola lwakutanga echi, Mateu 24:24 na Chimoteu wa Muchivali 3:8.

³⁵¹ Mateu 24:24 ngwenyi, mumakumbi akukuminyina, talenu, “Kuze nakukeza Vakulishitu va kwonga,” kwonga, vaze vakuwavisa, “tupolofweto vakwonga, kaha navakasolola vinjikizo na vikomwesa,” nge uze Umwe wamwenemwene Umwe wamwenemwene, “kaha mwaka—kaha mwaka heta nahaseteko yakuhungumwisa navaze vaku Sakula.” Jino tachikizenu, uze ikiye Yesu kuhanjika.

³⁵² Hano ejile Paulu, haze vene kuyima Yenyi, kaha ngwenyi, “Jino, mumakumbi akukuminyina, kuze nakukeza vathu vaka kulifukula, talenu, vali nakufwana chakumukomoka kalunga. Kaha nakutwaminyina mapwevo vakuhulama, vanavombwela kujipeha jeke najeka ja lwiso lwakaye.”

Kaha vakiko nava kalikomokela, nakwamba ngwavo, “Mwomwoika muli nakumbata vakiko mapwevo?” Mamalelo, kuwaha . . . Vakiko kavahashile kuchimona Echi.

“Kutwaminyina mapwevo va kuhulama, vakulemuwa na jilwiso jakuhandunuka,” kufuma kuvyuma vyangachize . . . vya . . . Talenu, “Kaha nge Yane na Yambele . . .”

Mateu 24:24, “Vakulishitu va kwonga,” kwonga, vakuwavisa, kulinga vinjikizo na vikomwesa kuhungumwisa vaze vaku Sakula.

“Jino Yane na Yambele vamwimanyinyine Mose, chochimwe na ava vakana lyehi; navishinganyeka vyakukana lyehi kuvuluka Lufwelelo.” Keshi “nge” lufwelelo. “Luze Lufwelelo!”

³⁵³ “Lufwelelo Lumwe, Mwata umwe, lumwe Luji- . . .” Enu kamweshi kuhasa kupwa na “Lufwelelo lumwe” chakuzeneka kufwelela mu “Mwata umwe.” Enu kamweshi kuhasa kupwa na malujimiko avali; kaha keshi lumwe lwa uze Tata, kaha Mwana, na Shipilitu Wajila. “Lujimiko Lumwe,” Yesu Kulishitu. Echi chakwoloka. Talenu, lujimiko lwa kwonga!

³⁵⁴ Tachikizenu, va pezelesenu vakiko hamwe jino omu namuya kwimbo. Tachikizenu Mateu 24:24, Yesu kuhanjika; Paulu, Chimoteu Wamuchivali 3:8; vavavulu veka. Kaha pezelesa chize jino.

Kaha jino hakenu Chisoneka chikwavo, Luka 17:30, Malaki 4.

“Nge omu Yane na Yambele vamwimanyinyine Mose,” uze Lizu lya Kuwavwisa lya lwola luze, “shikaho nava malunga,” keshi lunga, “malunga,” vaze vakuwavisa, “kulikanga ku Muchano.”

³⁵⁵ “Muli lize vene likumbi lize Mwana Muthu mwakasoloka.” Kusoloka 10:1 kuheta ha 7, katengenu omu namukaheta kwimbo, “uze Mujimbu wa kangelo wamuchi seveni, kusokolola Tutachikijilo.” Chumamuka? Uze kangelo keshi ikiye Mwana muthu ko; oloze muluwa ikiye alinakusolola Mwana muthu. Munahase kumbata echi nakuchi handununa jino? Haze hakiko

hanasoloka kupwa chachikalu kulienu, munamono. Keshi Mwana muthu, Ivene; oloze kangelo wamuchi seveni, muluwa wamuchi seveni, ali nakusolola kuli vathu kuvula kupwa Mwana muthu, mwomwo Echi chasele chiyawu. Ikiye keshi kuhasa kulivwasana nachoko Echi. Echi chili Linona, Livene, cheka.

³⁵⁶ “Kaha mulikumbi lize, Yane na Yambele navakemana nakole,” vaze vakuwavisa (vakakuli fwanyisa kufwelela na vakakuzeneka kufwelela, liuka lya salusalu na Pendekosita) kwimana nakwimanyina Linona lya muchano, “oloze vechenu ukawavo; uleya wavo naukasoloka, nge omu chapwile.” Talenu? Enu munevushisa jino? [Chikungulwilo ngwacho, “Amena.”—Muka.]

³⁵⁷ Kusoloka 10, ngwenyi, “Mumakumbi akuvuma cha kangelo wamuchi seveni.” Jino anukenu, wamuchi seveni, Chisemunwino cha Liuka lya Lauchiseya. “Kuvuma cha uze kangelo,” omwo chize chisemunuino cha liuka chinazachiwa chinazamikisa kunangula chacho na kwiza nakupwa chisemunuino cha liuka, omwo nachikakumisa kulivwasana cha Pendekosita; omwo muluwa waku. . .

³⁵⁸ Hiya uze muluwa? Hiya uze apwile Martin Luther? Wakutenuka kuli Katolika. Hiya Wesley? Wakutenuka kuli va Luteleni. Hiya apwile Pendekosita? Wakutenuka na kuli vakwavo veka. Chize Chiyoyelo chinayi kuli jino? Kufuma mukulivwasana. Keshi cheka chiyawu ko; chili Linona. Chuma muka echi? Wakutenuka kuli va Pendekosita, talenu, mangana kuzalishiwa cha Chisoneka cha lwola. Talenu?

³⁵⁹ Tachikizenu, likumbi lize vene omwo uze muluwa... Keshi omwo mwaputuka, oloze omwo ikiye mwaputuka kujimbula Mujimbu wenyi. Talenu? Chize Kukoka Chatete, kuka; Kukoka chamu Chivali, kupolofweta; Kukoka chamu Chitatu, kusokolola Lizu, mangana akusweka navawasokolola. Keshi cheka, kakweshi cheka chinyulo cha helu cha kusokolola Lizu, kuhambakana tupolofweto. Oloze jila yimwe kaha kapolofweto vanahase kumwinjikiza shina na Lizu. Kaha, anukenu, chize Kukoka chamu Chitatu chapwile kusokolola Tutachikijilo twa Seveni, kusokolola Muchano wakusweka uze vajikilile mu Lizu. Enu munachimono Echi? [Chikungulwilo ngwacho, “Amena.”—Muka.]

³⁶⁰ Echi chili jino, muli lize likumbi omwo evi navikasoloka, uze Yane na Yambele, vaze vakakulifwanyisa, navakasoloka cheka. Chocimwe nge muze alingile Mose hakusoloka na Lizu lya kumaputukilo, kuhanjika Echi, vakiko navakalovoka na kulifwanyisa Echi. Chochimwe vene chakwoloka. Jino enu mwamono omwo Mateu 24:24 ali? Talenu, vaze vakuwavisa!

³⁶¹ Jino kuli vyuma vitatu tuli nakuya nakuhanjikaho shimbu kanda etu tusoke. Echi chili. Ngwakutonda enu mwivwilile kanawa jino omwo tuli nakusoka. Vyuma vitatu, anukenu,

vyuma vitatu vinazalishiwa. Vyuma vitatu vili kulutwe lwenu hano vene.

³⁶² Chatete. Aka kaye kali museteko ya Satome. Yesu ngwenyi echi nachikasoloka. Tala haku chongonona; mapwevo jetu kuyoya nge malunga; malunga jetu kuyoya nge mapwevo, vakuzeya; vakupola, vaunyengwe, vakushikumuka, vakuhetuwa kuli liyavolo, kuchijiva echi chiku. Muze mu Mbimbiliya ngwayo chize nachikasoloka, kaha hakiko tuli.

Chamuchivali. Echi chili muli ize ola, kutesekesa na Chisoneka hano, nge Yane na Yambele navakasoloka. Chamuchivali.

Chamuchitatu. Echi chili muli ize ola muze Mwana muthu navakamusolola.

³⁶³ Haze jino hakiko hali mukakufwelela, muka kufwanyisa kufwelela wove, na mukakuzenenka kufwelela wove. Haze hakiko hali Lizu lya mwenemwene kwimana, kwinjikijiza; haze hakiko hali muka kulifwanyisa kufwelela kufwanyisa Echi; kaha haze hakiko hali muka kuzeneneka kufwelela kukana chuma chosena.

Oloze nakukapwa Kumunyika ha lwola lwa chongoloshi,

Yize jila ya Kuupahu enu namukayiwana.
(Chize chakwoloka?)

Mafuchi ali nakuhokojoka, Isalele yili nakutona,

Vize vinjikizo vahanjikile mu Mbimbiliya;
Kaha Vakamafuchi eka na eka vakulava
(Satome), na jihala jajilemu;

“Kindulukenu, Ove wakutoleka, kuli vove.”

Lize likumbi lyove lya kukusokola lina pandama,

Michima yavathu yili nakuholoka, muli ou woma;

Pwako wakuzala na Shipilitu wa Kalunga,
pwako na linongo lyove lya kuwika na kukwata, (mangana umonone Lizu lya ola.)

Tala helu! kusokoka chove chinapandama.

Tupolofweto vakwonga vali nakwonga,
(Vakiko ngwavo vakiko navakapwa hano; vase vakuwavisa.), Muchano wa Kalunga valinakuukana,

Ngana nge Yesu Kulishitu ikiye Kalunga ketu.

Chize, vakiko kavachifwelela Echiko. Mu Mbimbiliya ngwayo nakukapwa vyuma vya ngana hano. Echi jino!

Oloze etu natutambuka haze valyachilenga va positolo.

Kumunyika Chochimwe! “Na kutungulula luze Lufwelelo lwa visemi kuli vana vavo.”

Lize likumbi lyakusokola linapandama,
(Linapandama chikuma.)

Michima ya vathu yili nakuholoka mwomwo ya woma; (Hamavu alinakuholoka.)

Mamalelo, pwako wakuzala na Shipilitu wa Kalunga, pwako na linongo lyove lya kukwata.

Tala helu! Kusokoka chove china pandama.

Enu mwafwelela chize? [Chikungulwilo ngwacho, “Amena.”—Muka.] Echenu etu tunongamenu mitwe yetu jino.

³⁶⁴ Kuweluka kulifuchi lyosena kweshokwo kuli nakuya ou Mujimbu, kufuma Ngenge ya Mututuko naku Kumulauka, ku California ku New York, kushikimuka na Kusango, kukanduka na Kuto, nakuweluka kwakutuma, kaha nakwosena Kuuli nakuya, na muno mumbalaka. Etu tuvihutu. Etu katwechi naevi vyavinene, chachinene, vyamwaza chikuma, na chisanji chamivimbimbi chakumwanga. Etu tulikaha nakweseka mwosena omwo etu natuhashila. “Oloze vosena vase Tata nanguhane Yami naveza.”

³⁶⁵ Jino, Ngwakutonda enu kutachikiza echi chili muchano, kaha nenu namukevulila kuli eyi Tepu. Enu pamo mwashinganyeka lelo ngana ngwenyi Ngwapwanga na kweseka kuhanjika echi hali yami lyavene, hakupwa Ngwapwanga nakulongejeka ou Mujimbu. Kangweshi nachuma changochoko kuhambakana Echi, shina lizu kaha. Kaha, lizu lyami, chipwetuhu kufumbukila kusopesa chami chamwaza; Ngwakutonda kupwa chinyanga. Oloze echi chinapu punga ya Tata ngana nge Ngwatela kuchivuluka echi, kaha kufwila kuchilinga.

³⁶⁶ Keshi yami uze Umwe ngwasolokele kuze ku kalwiji; Ngwapwile kaha nakwimana kuze omu Ikiye asolokele. Yami keshi yamiko uze Umwe azachile vyuma vize na kulweza vyuma navikasoloka mwakukupuka nge omu; Yami ngwapwa kaha hakamwihi nayikiye omwo Ikiye eji kuzatanga echi. Ngwapwile kaha lizu lize Ikiye azachishilenga, kuchihanjika Echi. Echi kachapwile chuma Ngwatachikijile; echi chili chuma Ngwalihanako yami lyavene, mangana Ikiye ahase kuhanjikilangamo. Echi keshi yamiko, kachapwile uze kangelo wamuchi seveni ko, mamalelo, nduma; chapwile kusoloka cha Mwana muthu. Chize kachapwile uze kangelo ko, mujimbu wenyi; echi chapwilenga managana akusweka chize Kalunga avungulwile. Chize kachapwile muthu ko; apwile Kalunga. Uze kangelo kapwile Mwana muthu ko; ikiye apwile muluwa wakufuma kuli Mwana muthu. Uze Mwana muthu ikiye Kulishitu; Ikiye uze Umwe enu muli nakulya. Enu kamweshi

nakulya muthu ko; muthu, mazu enyi nawa kahona. Oloze enu muli nakulya Mujimba Lizu lya kuhona kuhona ivene Mwana muthu.

³⁶⁷ Kachi enu kamwalile chikupu Lizu lyosenako, kuli hanenu vavane ngolo jakutuka helu lya evi vikungulwilo na vyuma vyamakaye, ove unahase kuchilinga lwola luno, shimbu tuli nakulomba?

³⁶⁸ Tata Wamwaza, echi chili chuma chachikalu. Echi keshi chuma chachashi kuli muthu kaha kuchilinga. Ove una tachikiza vyuma vyosena. Kaha Ngwakulombo Ove, Kalunga wamwaza, ngana nge kavatela kuhona kuchivushisa. Oloze, muku Munyika cha Lizu Lyove, echa vathu vatambuke.

³⁶⁹ Kaha, Tata Kalunga, Kangwatachikijile hiya waku Sakula; Ove unatachikiza. Kangwatachikijile na Kwiza Chove. Oloze Ngunejiva kaha ngana nge Ove wa hanjikile vyuma evi omu navikasoloka, ava vakawonga, vaze vakuwavisa; keshi omu vaputukile.

³⁷⁰ Mose avachele ukawavo, mwomwo kahashile kulinga chuma navakiko. Ikiye ahanjikile kaha vize kaha Ove wahanjikile. Ove wamulwekele kusanyika vajiji; kaha vavasanyikile. Ove wamulwekele kwalumuna meya kupwa manyinga; kaha vachilingile. Mose ambachile kaha, Lizu ha Lizu, nge omu Ove wahanjikile, oloze jino Ove yove Uze Umwe walingishile uleya kusoloka.

³⁷¹ Jino, Tata, Ove wapwa Kalunga, oloze. Lize Lizu lyolimwe lyahanjikile ngwalyo vyuma evi navikasoloka mumakumbi akukuminyina. Vavavulu vathu vakushishika, nge omu wahanjikile ha Sondo, kuhaka livoko kuli chize Chikasha mulitemba lyalihya, keshi havifwiji vyava Levi ko, afwile chakufwa, “Kufwa mujishili na kuzombojoka jishimbi,” kulipula jipami na chivesu chavo vevene.

³⁷² Vavavulu vakakuzata vanatwame muno mwakulinangula, tangenu lize Lizu, na kwalumuna lize lipapilo washi washi; kuchina kuhanjikangaho, kwijiva ikiye mwajimbalisa puho yenyi muchivulu, na liuka lyenyi na chikungulwilo chenyi. Kalunga tukafweko tuhone kulinga chize!

³⁷³ Tomesa michima yetu, Mwata, kufuma kuunyengwe wamukaye. Mwata, Ngunemana wakulizanga kutomesewa. Ngunemana wakulizanga, na eli liuka nava vali na kwivwulila, na wose mwevulila kuli eyi tepu. Ngunemana, Mwata, ngulinakulomba kutomesewa. Mwata, ngutwale kuzuvo ya Tengi nakunguhokojola, ngutunge ami ngamba yove omwo Ove unatondo.

³⁷⁴ Mwomwo, Mwata Yesu, “Yami ngumuthu wa mivumbo yayipi,” nge omu Isaya alilile, “kutwama na vathu vakwechi mivumbo yayipi; kaha mamalelo yami, mwomwo Ngwamono kusoloka cha Kalunga vanachisolwesa,” nge Isaya amwene

Vangelo mu Tembele. Ngwamono makumishilo alwola, Mwata, kaha mamalelo hali yami na chisaka chami; mamalelo hali yami na vathu jami. Ove Kalunga wa Kuyoya chahya myaka, twivwile keke etu. Ngunalembelala hali yami lyavene na vathu jami. Kanda utwecha tunonge navaze vazeneka kufwelela, oloze echa tuyoye navaze vafwelela.

³⁷⁵ Vikungulwilo vyosena, Mwata, lunga chipwe pwevo... Kangweshi kukulomba Ove ngwami ukisule vikingulwilo, Ohonyi ngunatachikiza ngwami Ove kawasuluka navyoko. Oloze Ngwahase kuhanjika kaha, Mwata, kachi Ove uli na mukoko Wove mukachi kavo, echa vevwanga eyi tepu. Echa vaivwe Eyi, Mwata, kaha ivwushisa Echi na kwivwushisa chize Ove wavahanyine, kaha echa valovoke na kukutambula Ove. Kanda uvehela vavahungumwise na upuputa na chisemwa chalikumbi lino. Kanda naveseka kulya chuma chimwe chize mokomoko apwile chivimbi chalikumbi lyeka. Echa vambate Lizu.

³⁷⁶ Echi chikiko va Fwalisewu vasukikile Ove, Mwata. Vakiko vapwile nakumbata chivimbi cha Mose' likumbi, kaha nakutwala kweseka nakuzuzukila hali chize; hanyima Ove wavahanyine chakutalilaho, muze mupambo, mana yituta ufuku hi ufuku, kulumbununa kuchisemunwino hi chisemunwino. Haze hakiko vahonene. Chize chavahanyine ulembe. Chize chavajihile vakiko, kulya cha kufuta.

Kaha, mushipilitu, echi chili nakulinga chuma chochimwe nalelo; kuvajiha, mushipilitu, na chikungulwilo.

Tukafweko, Kalunga wamwaza. Echi chili vyosena mulivoko Lyove jino. Muli Lijina Yesu Kulishitu.

Namitwe yetu yakunongama, etu tuli nakuya nakwimba shimbu ove nauya nakusakula. Namuya jila eyi?

Nguli nakwivwa mulwilo wa... (Kaha Ikiye
Lizu.) kusanyika,
Nguli na kwivwa...

"Mamalelo, Ngunahitangananga lwola lwalusuku, oloze, muchano vene, hano vene jino Nguli nakumwivwa Ikiye, "Twaya kuli Yami, vosena vaze muli na kupupuchila uka wenu."

... ivwulilenu...

³⁷⁷ "Mbata kulusu yove, ngukavangize Yami hakumbi hakumbi.' 'Yaya, chipwe Nangutambuka muvinema vyamuvwimbimbi wa kufwa, Kangweshi kwivwa womako walupiko; kushikumuka kuze kumuvule amafwo amwaza, kaha kumeya atuta."

Kaha oku mwangutwala Ikiye Nangu...

³⁷⁸ "Mwata, Ngwamono uze uleya wa tukalunga vatatu. Ngwamono kaye kosena vanakatumbu muli chize; mwila kusoka kwosena. Oloze okwo Ove mungutwala jino, Mwata, Nangupwa

nge vaze va mu Vilinga 19. ‘Omwo vevwile Echi, vakiko vavajimikile cheka mu Lijina Iya Yesu Kulishitu.’”

. . . kukavangiza,

“Ngunayi chihanda chaeyi jila, Mwata, chinatemo kukutambula Ove.”

Jino Nanguya na Ikiye mujila yosena.

³⁷⁹ Kalunga Wamwaza, Ngunafwelela ngana nge chakufuma kumuchima wami. Ngwafwelela ngana nge chilinakufuma kumuchima wa muthu wose ou ali nakwimba lwola luno, pamo vavavulu navevwa yino tepu, ava kaveshiko mokomoko valinakuhona kwivwilila holili. Echa etu tupwenga vakufwila echi, Mwata, chipwetuhu ndando yacho. Ngwenyi, “Nge muthu mwaya nakulihumangana na liswalale mukwavo, liswalale, mwangana; chatete mwatwama hamavu na kulava, nge mwahasa kulingamo, ikiye nahase kuhana vyuma vyaha kaye? Unahase kuvihana, nakulinunga na liswalale Iya Kalunga mu Lizu Iya kusoneka, kutambukila hamwe na maswalale Jenyi, kutuka hamwe na vangonga Jenyi?” Tuhanecho echi, Mwata, mu Lijina Yesu.

³⁸⁰ Enu mwafwelela? Enu munamwitavila Ikiye? Chosena chakwoloka. Etu natukamimona cheka hano, naufuku walelo, nge Mwata netava. Enu mwafwelela chize kupwa Muchano? [Chikungulwilo ngwacho, “Amena.”—Muka.] Echi chili hatoma chakutamo? [“Amena.”]

Kahajino mbata Lijina Iya Yesu na nove,
Mwana waushona na kuseha;
Echi nachikuhana kuwahilila na kuvendejeka,
Mbata kwosena na- . . .

Jino, limenekenu naumwe unalihete nenyi jino.

Lijina Iya Mwaza, Mamalelo omwo Iyayema!
Lutalililo Iwa mavu, (Iuze lutalililo Iwa mavu!)
kuwahilila cha Mwilu;
Lijina Iya Mwaza, Mamalelo omwo Iyayema!
Lutalililo Iwa mavu na kuwahilila cha Mwilu.

Ha Lijina Iya Yesu kunongama,
Kuholoka ulukutu kumahiji Enyi,
Mwangana wa vamyangana Mwakatuhaka
muchama . . . (Ikiye Kalunga, jinonyi.)
Omwo ungeji wetu naukakuma.

Lijina Iya Mwaza, (Lijina Iya Mwaza!)
Mamalelo omwo Iyayema! (Mamalelo omwo
Iyayema!)
Lutalililo Iwa mavu na kuwahilila cha Mwilu;
Lijina Iya Mwaza, Mamalelo omwo Iyayema!
Lutalililo Iwa mavu na kuwahilila cha Mwilu.

Ngwashingtonyeka nge vaze vakakuzata vava lingise kutachikiza chimene chino, vavatachikize.

³⁸¹ Nge muthu nalombo mulungu wosena, kushinganyeka chuma, kumona evi Visoneka, jinemana hatoma kumeso ove. “Kaha mamalelo kuli yami,” ngwenyi Paulu, “kachi nge Kangweshi kunangula Mujimbu wamwaza ko.” Kusongo ya eyi jila, ikiye ngwenyi, “Kangwa honene kujimbula kuli enu Punga ya Kalunga nge Omu ngwaitambileko nakunguhanayo.”

Ngweji kuhonanga lwola lumwe kwanuka vyuma evi, kuvineha, kukunjika va kemba.

Billy ngwenyi, likumbi likwavo, muthu umwe ejile, ngwenyi, “Ngunapunga na kwiza hano ha myaka ivali, mangana kemba yami vamukunjike.”

³⁸² Billy ngwenyi, “Kanda kushinganyeka mwamupi hali echi. Ngukwechi kemba, ali na mwaka umwe; ikiye kanda vamukunjike noholili, noholili. Shikaho Yami nguli nakuvandamina ola palanga nomu mwakula nakuhasa kulyendala ivene, Ngwashingtonyeka.”

Shikaho twawane ndumbu walunga, ndumbu wapwevo, echi kachatelako—echi kachatelako, talenu, Ngwa... Chuma chimwe, etu twatela kukunjika vana vetu.

³⁸³ Etu twatela kujimika muthu wosena. Chijiva chize hano; nawa meya awa. Kachi kanda, chuma muka nachikuhonowesa ove? Hano meya awa. Twaya hano vene. Kanda namuvandamina palanga ufuku uno; twaya hano vene. Kuli lunga umwe nemana hano natuya nakujimika wosena mwapihilila na kumulingisa kulikonekela. Kachi vakujimika kapapa kakavulu, vakiko navakujimika ove mu Lijina Iya Yesu Kulishitu chakuneha kukonekela shili. Talenu? Etu twapwa ngachize.

³⁸⁴ Oloze, talenu, Mujimbu uli hamuchima wami. Ngwatela kumbata Ou nakuutwala. Echi chikiko kujina chami, chipwetuhu puwami mwahanjika, vana vami navahanjika, kafunga kami mwahanjika, vyami navihanjika. Ali Mwata wami. Ngwatela kumbata Ou nakuutwala. Echi chikiko kujina chami.

³⁸⁵ Kaha jino, lwola lwaluvulu, Ngweji kuvulyamanga kutachikiza vakakuzata. Ngwashingtonyeka pamo... ndumbwetu walunga, Ndumbu walunga Nevillie, muthu wamwaza. Nava va ndumbwetu hano, etu tunawahilila kupwa nenu hano.

³⁸⁶ Keshi nge etu tunakukana enu, ndumbu walunga, kupwa vakuhandunuka. Enu vavavulu hano muhase kupwa vakakunangula va tulunga vatatu. Etu katwatondele kupihilila nenu. Etu twamizanga enu. Kachi etu katwawashileko, kachi Kangwawashileko kufwelela chize, Kangweshi kuseza liuka

palanga nomu Nangushikumuka hamambuli kaha ngwenyi, “Kalunga, ngulingise kupwa wa kwoloka.”

³⁸⁷ Kangwatondele aze manya, shipilitu ya lifwa kuli futula hamwe nayami. Ngwakutonda shipilitu yami kupwa yitoma kaha yakuzeneka majilo, zangi yamuundumbu, wakujila na Shipilitu Wakujila. Jino, kachi muthu umwe eji kulinga chuma chakuhenga kuli yami, chize chosena chakwoloka. Kaha chipwe Nangupwa nalusesa lwakuya kuli vakiko, Kangwatondele chize mu chiyoyelo chami. Nduma, Kangwa—Kangwatondele kuzanga. Ngwazanga kulizanga kwolola na zangi, na zangi kana nze nayi kakumbulula kuze.

³⁸⁸ Kangwatondele kupwa wakuhandunuka. Mesondisiti, Mbaputishiti, Katolika, Pulishiteliyani, kala wose uli, Kangweshi nakuhanjika evi vipwenga vyakuhandunukako, kupwa wakuliwvimba na enuko. Kachi Kangwahashile, Yami kaha ngumukakulyonga kaha ngwatela kushikumuka hano hakamenga, kulomba kuli Kalunga.

³⁸⁹ Oloze Ngwambile echi, echi mwomwo ya zangi, kaha Ngwamwene okwo mwapwile nakuya. Jino, Kangweshi nakuhanjika echi yami lyaveneko, na kwamba nge Yami ngulinakujinuka. Nguli nakumihana enu MWANAMBE MWATA. Uze ukiko Muchano. Kaha Ngwamizanga enu havyuma evi. Kalunga amikisule enu.

³⁹⁰ Jino nge omu tuli nakwimba vesi yikwavo yayou mwaso, echenu, shimbu kanda etu tuyenga. Etu twakutonda enu ufuku uno hano, kachi enu namuhasa. Kachi kamweshi, Kalunga apwenga nayenu palanga nomu natukaliwana. Etu tulombenu ngana nge Kalunga akamikisule—mwakamikisula enu na kumihana enu kuwaha chalifuchi Lyenyi, talenu.

Mbata Lijina Iya . . .



VAKUWAVISA VAKU LWOLA LWA KUMAKUMISHILO LVE65-0725M

(The Anointed Ones At The End Time)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuhuhu, 25, 1965, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2019 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org